

Collated & perfect. —

3 maps & plan } in the 2nd work.
4 plates ..

£1500

of 4

138

J. Joris Jorssen

p: 30. Ars Pictoria. — 31. Sculptoria
xc.
yp: 40. Ars Typographica. # # #

Orgines Antwerpiensr.
p: 152. Oudermanor. fere idem
ac Aldermen ap: Londinates.

Ap: Antw: simile ac Orphan' Court.
Court of Conscience.

Governor of Blackwell Hall.

Consules 2 annui. # # #

Typographia Plantiniana p: 124.

Fabua Domus p: 112. # # #

CAROLI SCRIBANI
E SOCIETATE IESV
ORIGINES
ANTVERPIENSIVM.



ANTVERPIÆ,
EX OFFICINA PLANTINIANA,
Apud Ioannem Moretum.

M. DC. X.


Superiorum permissu.

CAROLI SCRIANI

E SOCIETATE IESU

ORIGINES

ANTVERPIENSIVM.



ANTVERPIE

EX OFFICINA PLANTINIANA

Apud Johannem Moretum.

M. DC. X.

Superiorum formis.

SE N A T V I

P O P V L O Q.

A N T V E R P I E N S I.



NTVERPIAM dede-
ram. nec alia mihi ve-
rior quàm illa quam
dederam. neque enim
mœnibus , aut longâ
sæculorum serie me-

tiendas vrbes arbitrabar . ciuium virtus
ciuitatem claram dabit . Virtutem ergo
dederam, quæ vna nomen donat , cùm
senium nesciat, perstétque post cineres &
fauillas : neque vlla orbe toto signatior
Phoenix. Hæc illa est, à quâ vnâ decus ve-
rum, perstátque immota in continuâ so-
lidæ laudis prærogatiuâ . Quidquid ex-
tra hanc est, leue est; mutatur, non in me-

lius, sed in aliud, & ferè in deterius. At illa stat in gradu, quidquid demum incurrerit: neque deteriolem facit dura & difficilis, vt nec meliorem hilaris aut læta materia: cùm quidquid attigerit, asperum aut tenerum, in similitudinem sui adducat, ac tinguat: sint scabra, illius leuigatione mollescunt, tenuia roborantur, reuocantur obliqua, curuata explicantur, adeoque aliter nata finguntur in melius. Iam quid in humanis clarum magnùmque est, quod cum hac componi possit? minora lumina claritas obfuscat Solis: & Virtus luce suâ, quidquid extra illam affulserit, tenebrat; ac magnitudine quadam suâ, quasi superiectu montis, omne magnum elidit & opprimit. Hæc causâ, cur vbi vos Rempublicamque vestram circumspexi, ad solam virtutem, ingenii que felices partus, descen-

descenderim . Videbam namque illâ
vnâ firmari mentes , supràque omnia
metuenda extolli. paupertatem, exilium,
tortorem si ponerem, nusquam palleſce-
re, nusquam refrigerare artus: quin con-
trâ attollere oculos, conferre vultum , &
totam etiam fortunam prouocare orbe
ſpectatore. Magna hæc. & non ſola ma-
gna? At verò illa quæ extra hominem
ſuum ſunt, tenuia ſunt. ſi abſunt, deſide-
rio fatigant: ſi acceſſerint, amittendi for-
midinem ingerunt; inflantque inanibus,
& tamquam vento diſtensis mentiun-
tur optimam valetudinem. Excute quod
inflat ad initia ſua ventum , miſeram
oſtentabit maciem ; nec aliud quàm oſſa
vix pelle ſuâ veſtita . Quòd ſi propiùs
etiam omnem fortuitorum poſſeſſorem
luſtraueris, deprehendes trepidantem, &
tamquam inter armatos hoſtes, huc illuc

circumspectantem, & ad omnem strepitum circumagentem verticem. occurrunt enim hinc in exilium acti, euoluti bonis, naufragi, similiâque naufragis passi; & vt aues deciduorum foliorum frondiumque strepitus territat, ita ad omnem ictum trepidat quicumque se fortunæ credit: è quâ ingens perpetuò perturbationis materia. Cùm enim fugacissima illius sint munera, quæ nunc solo ostentatorio aut nudo promissorio finiuntur verbo, nunc si accesserint deserunt, sin steterint minantur tamen ablitum, fit vt nulla beatitudo ac ne felicitas quidem inesse iis possit. nihil enim beatum, nisi quod intrepidum: inter namque suspecta & diffidentiae vortices, nec tutò, nec in pace, nec benè viuitur. Beatam vis vitam? excute hunc metum pectore: miserè enim viuitur, vbi perpetuò palpi-

palpitantibus præcordiis viuitur : excu-
feris, si te superiorem his feceris; facies vir-
tutis manibus, quæ te solæ extra metuen-
da locare possunt. Hanc virtutem, &
hoc virtute firmatum pectus, in multis
vestrûm videram. nec satis mihi vidisse,
& gaudio hoc meo pauisse mentem; plu-
res volui spectatores, admiratores, lauda-
tores. Ergo deduxi in hanc calami mei
scenam, quidquid multis annis serius ob-
seruator videram.

Hæc prima scriptionis meæ caussa.
fuit & altera. Euocare volui viros ma-
gnos in æmulam urbium suarum com-
mendationem. scio has mereri, scio illos
posse. & silentium, vtrumque premit; in
illis gloriam, in his calamorum decus. vi-
di, & indolui. quare hoc dexteræ prorita-
mento, euoco in gemellas laudes. agno-
scam beneficium si extorsero; si in pares
aut

aut maiores urbium suarum tamquam
matrum commendationes extruero.
Non deerunt qui conatum damnent,
& fors inclament Phaëtonta. at memi-
nerint conatum hunc amoris esse, & be-
neuolentiæ in me vestræ, obsequij in
vos mei. Erunt qui tot vnâ in vrbe mi-
rentur laudes. Plinium cogitent: quantus
in vno Traiano? quàm nobili panegyri-
co vnus æternauit nomen? quod ille in
vno Imperatore, cur erubescam in tot
Belgis, in Republicâ magnâ? virtus illum,
factâque fortia; nec Imperatoriis inferio-
ra prouocarunt me in chartam & atra-
mentum. & perennabit Traiano, ab il-
lius potiùs calamo, quàm à tot prosperè
pugnatis bellis, decus immortale. à meo
quis scit an victura hæc Respublica? hoc
voueo: nec vt respondeat modò tam va-
riè à me dictis, sed & superet crescenti-
bus

bus cum laude rebus, omni calamo maioribus.

Hic aliquis nouus supercilio Cato :
Quid necessum hæc propalare? non erat
minor virtus parietibus suis tamquam
liberali custodiâ coarctata, quàm inter-
textis publicata floribus. Fallitur. totus
hic contextus virilis est, & si quid orna-
mentorum, è re ipsâ natum est. Sed neq.
hic aliunde accersitis pigmentis lecto-
rem tamquam emptorem frustramur :
maiora inueniet quicumque intrauerit;
ac præter ea, quæ hac nunc manu meâ
in fronte & oculis omnium suspensa
sunt, locupletiora. De ipsâ verò virtu-
tis propalatione hoc dico : noluisse eam
diutiùs tegi. Et verò aperto viuere ostio
ac sine ianitore virtuti proprium. neque
enim reformidat aspici & deprehendi
solitaria. quin imò turbam non admittit

B b

modò,

modò, sed & aduocat interdum; & ferè proprium hoc consciētix bonæ est: cùm mala etiam solitudine suâ anxia & sollicita sit; abdatur licet parietibus, seipsam timet, & domesticum hunc si posset testem fugeret. Contrà, conscientia, à virtute, bona, publicari gaudet, & nonnumquam etiam desiderat, multorum bono. Quid, quòd non rarò dum silentium captat, & suo sibi secreto gratulatur, prodatur etiam nolens. idem enim huic euenire videmus quod flammæ: iacere non potest; quantòque plùs depresseris, tantò animosiùs surgit, supràque depressorem suum ac quæcumque superiecta, audaciùs quò repercussiùs, sese extollit.

Habetis caussas A N T V E R P I A E à me in laudum & honoris theatrum deductæ. Poteram minora spectanda proponere.

nere. sed quem delectent humilia & par-
ua? Magnarum verò rerū species quem
non ad se vocet & alliciat? me sanè quò
res grandior, eò animus in exhibitio-
nem maior. nā in minoribus quis animo
paullo ardentior calamum & chartam
terat? quis in non victuris ingenium po-
nat? excelsa sint nec omnibus obuia, quæ
irritent manus. Idem in omni re inue-
nies. sic nemo discat, quo modo, si qua
necessitas compulerit, in rosâ iaceat: sed
in hoc duratur, vt tormentis non sub-
mittat fidem. Ad mollia illa nulli non
mens pectusque promptum: ad aspera,
ad immitia, ad æternatura animus paran-
dus. Idem per omnia videbis in laude:
nullo opus conatu in re obuiâ, nec quis-
quam in tenuibus vitam quærit. scit il-
lam non posse in his perennare. Magna
enim necessum sint quæ æternent, & à

quibus etiam post capulum viuitur.

Verum, qui plurimorum in Rempu-
blicam affectus, non satis fuit plausum ab
ingenio vestro, (à quo solo vti dixi laus
vera) sperasse, retulisse; voluerunt, & à
mœnibus: & quidem ab eodem calamo.
atque hæc ipsa extrahominem suum po-
sita, oculósque blando ludentia fascino,
quæ non tam bonum arguunt, quàm,
vt ita dicam, condiunt & oblectant,
cùm placere videam non vni è plebe,
sed è laticlavis nostris, pareo. Quidquid
ergo hîc extra animum est, totâmque
quã videmus ANTVERPIAM, ad ori-
ginem suam deductam, subiiciam ocu-
lis. dabo in maioribus, dabo natam, præ-
textatam, ac in virili togâ stantem.
dabo in altâ pace nec laceffitam, dabo
bellantem & reparatam sanguine. aduer-
sis dein & extrema minitantibus supe-
rio-

riorem ; in tutum denique patientiâ & fortunâ suâ eductam : ita ferè magnis rebus , si quid interuenerit grauius , gloriæ potiùs , quàm dedecoris materiam præbet. exasperantur, fatigantur ; sed in nouarum viriû repastinationem . & quamuis liuores imprimantur , nulla tamen vulnera depascunt intima. Quòd si quæ etiam ad summa properantibus nubium more intercurrent, infrà feruntur, numquam diem vincunt.

Carolus Scribanius.


INDEX CAPITVM.

1. B ELGIUM, quæ veteribus Prouincia: quibus maioribus populisq̃ue culta.	15.
2. BRABANTIA. Fortia prouincialium facta, victoria partæ, acti triumphi.	31.
3. Aduatici, Ambiuariti: & cuius Prouinciæ pars aliquando Antuerpia.	49.
4. ANTVERPIA. Ætas huius, ad Northmannorum excursionem relata. Qui Northmanni, ac vastitas per eos illata. graui demum prelio victi.	54.
5. Nomen Antuerpiæ. reiectæ opinationes & Gigantum fabella.	58.
6. Marchionatus Antuerpiensis.	67.
7. Arx siue Burgum: per antiquam videri. Oppidi incrementa.	69.
8. Frequentia. ciuium multitudo. ingens negotiatio.	72.
9. Aduersa vrbi.	76.
10. D. Virginis ades, reliquæq̃ue vrbis paræciæ.	80.
11. Virorum Cænobia, aut loca Religiosa.	90.
12. Feminarum Cænobia, aut loca sacra.	106.
13. Hospitalia. Pauperum receptacula.	110.
14. Varia in vrbe loca, quæ famam merentur.	118.
15. SENATVS Populusq̃ue Antuerpiensis.	128.
16. Militaria ciuium Collegia instituta, hodieq̃ue perseverant.	153.
VOTVM pro REPUBLICA.	156.

CAROLI SCRIBANI E SOCIETATE IESV ORIGINES ANTVERPIENSIVM.

CAPVT PRIMVM.

BELGIVM, *qua veteribus Prouincia: quibus maioribus populisq; culta.*

NGENS olim Prouincia, latè patens, frequens, variusq; populus Ptolomæo, Cæsari, Plinio, Tacito: qui illius terminis quâ longissimè patet, includunt *Aduaticos, Ambianos, Ambinaritos, Atrebates; Batanos, Bellonacos; Caletes, Cyresos, Centrones, Condrusios; Eburones, Essuos; Gordunos, Grudios; Lenacos, Leucos, Lingones; Mediomatrices, Menapios, Morinos; Nemetes, Nervios; Pamanos, Pleumosios; Rauracos, Remos; Seguos, SueSSIONES; Treniros, Tribocos; Vangiones, Vbios, Verocasses.* Hos Cæsar. Ptolomæus addit *Vlbanetes; Plinius Cauchios, Frisios, Frisiabonos, Hessos, Oromanfacos, Sueconos, Sturios, Taxandros; Tacitus, Bethasios, Caninefates, Grinnes, Huger-*
nes,

nes, Mattiacos, Marsacos, Sunicos, Tungros. Vniuersi hi longè lateque per Belgicam primam seu superiorem, per secundam seu inferiorem, dispersi. Primam incoluere Treuiri, & quidquid supra ad ostia se protendit Rheni Alpes ad vsque: reliqui secundam. Nunc angustioribus septa terminis, omni que adeò superiore Belgica exuta, magna que insuper secundæ Belgicæ parte defraudata, septemdecim orbe toto notissimis arctatur Proincijs.

Quòd si ad originem ac incunabula vniuersam gentem deduxeris, plerosque comperies Belgas esse ortos à Germanis; Rhenumque antiquitus transductos, propter loci fertilitatem ibi consedisse: Gallosque, qui ea loca incolerent, expulisse. quamquam Germania vocabulum recens & nuper additum: quoniã qui primi Rhenum transgressi Gallos expulerunt, nunc Tungri, nunc Germani vocati sunt. Inde Cimbri Teutoni que, qui cùm iter in Italiam facerent, his impedimentis quæ secum agere ac portare non poterant citra flumen Rhenum depositis, custodia ex suis VI. milia hominum una reliquerunt.

E Germanis ergo Gallisque Belgæ, è potentissimis duobus populis, in validum corpus coaluere, vt & duritia Germanica, & mens Gallica, magnum aliquid orbi darent: cùm quidquid haberent delecti roboris, in Belgas suos, tantorum patrum generosam sobolem, lubentes volentesque trans-

transfunderent. Quæ etiam caussa, cur non putaverim transeundos hîc Germanos Gallosque illaudatos: nam & patrum laus abit in posteros, maximè si respondeat virtus; ac generoso femini par aut generosior innascatur frutex. Ac de Germanis vniuersis fortiter Tacitus: *Cum ventum in aciem est, turpe Principi virtute vinci, turpe comitatus virtutem Principis non adquare. Iam verò infame in omnem vitam ac probrosum superstitem Principi suo ex acie recessisse. Illum defendere, tueri, sua quoque fortia facta gloria eius assignare, præcipuum sacramentum est. In quâ aliâ gente paria, in Principe, in milite? Probrosam in omnem vitam Principi superesse, quos nō stimulos addat in omnem virtutem? Iam quæ natio alia fortia quaque facta sua Principis gloria assignauerit? Hoc est suo se spoliare, Principem vestire; illius gloriam suam putare, nec aliam quàm illius agnoscere. Agnosco modestiâ, agnosco affectum; & faueo tibi gens valida, non amore in Principem quàm robore minor.*

Atque hæc de omnibus: venio ad designatos in tam laxâ gente. *Catti mihi primi. Duriora genti corpora, stricti artus, minax vultus, & maior animi vigor. multum rationis & sollertia: præponere electos, audire prepositos, nosse ordines, intelligere occasiones, differre impetus, disponere diem, vallare noctem, fortunam inter dubia, virtutem inter certa numerare, quodq; rarissimum, nec nisi ratione disciplina cōcessum,*

plus reponere in duce quàm in exercitu. Posset à Romano homine de gente suâ maius aliquid? dura corpora, rationis multum, sollertia ac parentia plurimum, plus in duce quàm in exercitu reponere. Hæc qui faciant, qui possideant, quantos arbitrabimur?

De morib. German.

De Tenctēris idem Tacitus: Super solitum bellorum decus, equestris disciplina arte præcellunt; nec maior apud Cattos peditum laus, quàm Tenctēris equitum ingens gloria.

Ibidem.

De Chaucis etiam maiora: Populus inter Germanos nobilissimus, quiq; magnitudinem suam malit iustitiâ tueri. sine cupiditate, sine impotentiâ, quieti secretiq; nulla pronocant bella, nullis raptibus aut latrocinijs populantur. Idq; præcipuum virtutis ac virium argumentum est, quod ut superiores agant, non per iniurias assequuntur. prompta tamen omnibus arma; & si res poscat, exercitus plurimum virorum equorumq; quiescentibus eadem fama. Hoc viri est non modò in altâ barbarie, sed in summâ Christianitate; arma iustitiâ, iustitiam armis tueri, nec extra illâ arma nosse. Transeamus ad Cimbros Teutonosq;.

Velleius Paterculus lib. 2. Tacitus de morib. German.

Transiere Rhenum, multis mox Romanorum, suorumq; cladibus nobiles. Propiùs hæc Tacitus: Eundem Germania sinum, proximi Oceano Cimbri tenent: parva nunc ciuitas, sed gloriâ ingens. Veterisq; fama latè vestigia manent, utrâq; ripâ castra, ac spatia, quorum ambitu nunc quoque metiaris molem manusq; gentis, & tam magni exercitus fidem. Sexcentissimum

tesimum & quadragesimum annum urbs nostra agebat, cum primum Cimbrorum audita sunt arma, Calio Metello & Papirio Carbone Coss. Ex quo si alterum Imperatoris Traiani consulatum computemus, ducēti fermè & decem anni colliguntur: tamdiu Germania vincitur. Medio tam longi cui spatium, multa inuicem damna. non Samnis, non Poeni, non Hispania Gallia-ue, ne Parthi quidem sapius admonuere. quippe regno Arsacis acrior est Germanorum libertas. Quid enim aliud nobis quàm cadem Craſſi, amisso & ipse Pacoro, infra Ventidium deiectus Oriens obiecerit? At Germani Carbone & Caſſio, & Scauro Aurelio, & Seruilio Cepione, M. quoque Manlio, fusis vel captis, quinque simul Consulares exercitus populo Romano, Varum trēsque cum eo legiones etiam Caſari abstulerunt. Nec impune C. Marius in Italiâ, Diuus Iulius in Galliâ, Drusus ac Nero & Germanicus in suis eos sedibus perculerunt. Mox ingentes C. Caſaris mina in ludibrium verſa. Ducentis & decem annis Germania vincitur, ac ne vincitur quidem. tot enim annis dubio plurimùm Marte pugnatum. & est ſeruitutis impatiens Germana virtus: mori potuit, & libera cadere, non ſeruire integra. hoc demum magnæ mentis ingens teſſera eſt, mori poſſe, ſeruire non poſſe.

De Cheruſcis & Arminio Principe audiamus Tacitum: Arminius abſcedentibus Romanis, & pulſo Maraboduo, regnum affectans, libertatem popula-
Annal.
lib. 2.

rium aduersam habuit: petitusq; armis, cum Variâ fortunâ certaret, dolo propinquorum cecidit, liberator haud dubiè Germania; & qui non primordia populi Romani, sicut alij Reges Ducesq;, sed florentissimum imperium laceſſierit, prælijs ambiguus, bello nō victus, septem & triginta annos vita, duodecim potentia expleuit: Romanis haud perinde celebris, dum vetera extollimus, recentium incuriosi. Hic ille Arminius, cæsi Vari, trucidatarumq; legionum trium, totidemq; alarū & sex cohortium victoriâ ad internecionem nobilis, haud procul Tentoburgensi saltu, qui etiam nomen retinet, Romanâ illustris clade, & victorię cognomine campus inclytus VVinfeldt, ad oppidum Hornam in VVestphaliâ: hic ille, à quo Cæcina qui quadragesimum iam tum stipendium parendi aut imperandi habebat, cum quadraginta cohortibus Romanis tantum non casus est. ac ni proiectus in limine porta castrorum, miseratione, cum per corpus legati eundum esset, clausisset viam, cæsus castrisque exutus fuisset. Hic ille, qui contra Germanicum, manu, voce, vulnere sustentauit pugnam à quintâ horâ diei ad noctem: quiq; die altero ausus est conferre manum, conlato gradu vario euentu, cum hinc à tergo palus Romanos, flumen autem hostes clauderet. atque inde utrisque necessitas in loco, spes in virtute, salus ex victoriâ: nec minor Germanis animus, imprompto licet Arminio ob continua pericula, & acceptum vulnus. quin & Inguimerum totâ volitantem

Well. Pa-
terculus
lib. 2.

Tacitus
Annal.
lib. 2.

tem acie fortuna magis quàm virtus deseruit. Magni viri, Principes magni, si laudator accedat, qui tam alienæ, quàm virtutis sit propriæ, admirator, prædicator.

Iam Cæsar in Philippicis campis, in quibus Urbis, Imperij, humanique generis fata commissa inclamant, quorum manibus victoriam retulit? quorum ausu Pompeianis destinatum triumphum, vertit in interitum? *Germanorū* nimirum *cohortes tantum in effusos equites fecere impetum, ut illi esse pedites, hi venire equites viderentur. Hanc stragem fugientis equitatus, levis armatura ruina commitata est: tunc terrore latius dato, turbantibus invicem copijs, reliqua strages quasi unâ manu facta est.* Ergo Germanicæ cohortes, Pompeiani robur exercitus equitem loco pepulerunt, ac in effusam fugam: & quod miraculo proximum, equitem pedites: inde tamquam turbine reliquus impulsus exercitus, quantam destinato Magni Pompeij imperio ruinam dederit; quàm latam ad illud Cæsari viam strauerit, quis ignorat? In bello deinde Alexandrino, *equites Germani dispersi, vada fluminis quærentes, partim demissioribus ripis flumen transnarunt; & legionarij, magnis arboribus excisis, quæ longitudine utramque ripam attingerent, proiec-
tis, repentinoq; aggere iniecto, flumen transierunt. quo-
rum impetum adeo pertimuerunt hostes, ut in fugâ
spem salutis collocarent: sed id frustra: namque ex eâ*

*Florus
lib. 4. c. 2.*

*Hirtius
de bello
Alexan-
drino.*

fugâ, pauci ad Regem refugerunt; panè omni multitudine interfectâ. victoriæ proinde Cæsari initium, vt in Philippicis campis à pedite, sic in Ægyptijs ab equite Germano. Felicem Cæsarem Germano milite, cuius manu vincere potuit!

*Ammian.
Marcell.
lib. xv.*

Venio ad Gallos. *Ad militandum omnis ætas aptissima: & pari pectoris robore senex ad procinctum ducitur, & adultus, gelu duratis artubus & labore assiduo multa contempturus & formidanda. Nec eorum aliquando quisquam, vt in Italiâ munus Martium pertimescens, pollicem sibi præscidit, quos ioculariter Murcos appellant.* Etiam in senibus viuida virtus, & in extremâ ætate iuuentæ robur. turpe vinci in ipso propè capulo ab ætatis flore. Quid hæres? Semper Galli florent, ac in æterno sunt robore, iuuenes, senes. nulli hîc Murci. vincere aut mori, eademum gloria est. ac Gallias primum à

*Velleius
Paterc.
hist. lib. 2.*

Domitio Fabio nepote Paulli, qui Allobrogicus vocatus est, intratas cum exercitu accepimus; magnâq; mox easdem clade Romani affectarunt & amiserunt. Euocemus vetera. Nam & urbem, igne, ferro, manibus,

*Florus
anno ur-
bis 361.*

solo equatam legimus; & cum Dictatoribus ætate suâ primis, magnâ vtrimque datâ acceptâq. clade, depugnasse: in agro Albano cum *M. Furio*, in ipsâ propè portâ Colinâ cum *Q. Seruilio*, cum *C. Sulpitio*, ancipiti diu euētu; ac *Camilli* non tam virtuti quàm inexpectatæ rei superuentu cessarunt. Cum *Q. Fabio* & *P. Decio* pugnarunt vt viros

viros decuit, cū *casa* ex *Decij* exercitu *septem mil-*
lia; ex *Fabij* mille ducēti. ac ni *Samnites* prater *aciem*
Gallorum, relictis in dimicatione socijs ad castra effuso
 se contulissent cursu, ingens accepta clades fuisset,
 quæ alterum *Cannense* nomen dare potuisset. Ta-
 ceo *Flaminios*, *Marcellos*, *Aenobarbos*, *Manlios*,
Valerios; cum quibus variè pugnatum. Quid re-
 feram prælum nō modò præsens *visu*, verū & ^{Polyb. lib. 2.}
ceteris auditu horrendum; in quo cū *Attilius Cō-*
sul cecidisset, *Aemilius* vicit? quid *Camertino-* ^{Polybius.}
rum agrum, quid *Aretinum*, in quo *Lucius Con-*
sul; quid *Feculanum*, in quo *Romanorū* sex millia
desiderata, reliquis fuga dilapsis? Quid *Hannibalis*
victorias, quæ ferè *Gallorum* virtute partæ? nam
 cū apud *Trebiā* *Sempronio Cos.* pauci ex
Afris Hispanisq; cecidissent, plurimi ex *Gallis*, tanti ^{Polyb. lib. 3.}
 agminis ductoribus victoria concedi debuit. &
 apud *Cannas* cū ex *Afris Hispanisq;* vix mille ^{Polyb. lib. 4.}
quingēti, è *Gallis* quatuor circiter millia desiderati. Hi
 nimirum primi, hi exercitus duces, quorum san-
 guine victoria parta. Spectarunt *Carthaginenses*,
 spectavit *Hannibal*, vicit *Gallus*, magnumq. no-
 men *Hannibali* dedit: apud *Thrasimenum* verò ^{Polyb. lib. 3.}
Consul ipse Flaminius à Gallis circumventus occidi-
tur. in quā pugnā cū ex *universo* *Hānibalis* exer-
citu mille dumtaxat & quingēti cecidissent, magnā
 ex parte *Galli* fuerunt. Quid magnum fuit *Afro*
 vincere alieno sanguine? magnum tamen fuit vi-
 ctoriam

Polyb.
lib. 3.

etoriam illi dare suo sanguine. Iam ille ipse *Hannibal* cùm iter in Italiam parat, destinatumque Romanis fulmen, Saguntino conflatum igne, ab illis fabulose altitudinis niuibus, tamquam de cælo rapit, ingenti mox fragore per medias Alpes exercitum in æquum ducturus, *in tantum periculi cum exercitu incidit, ut ab extremâ pernicië nihil admodum abesset, ni obiectu Elephantum Gallos terruisset: ingens tamen hominum & equorum numerus periit.*

De bello
Africa-
no.

Caesar de
bell. Gall.
lib. 7. in
appugna-
tione A-
urici.

Narrat Hirtius paucorum equitum rem memoriâ dignissimam. *Accidit res incredibilis, ut equites xxx. Galli Maurorum equitum II. millia loco pellerent, urgerentque in oppidum. audax factum. At nescio an non à Cæsaris manu priore maius. Quidam ante portam oppidi Gallus, qui per manus seni accipis transditas glebas in ignem è regione turris projiciebat, scorpione ab latere dextro transiectus exanimatusque concidit. Hunc ex proximis unus iacentem transgressus, eodem illo munere fungebatur: eadem ratione ictu scorpionis exanimato altero, successit tertius, & tertio quartus: nec ille prius est à propugnatoribus vacuus relictus locus, quam restincto aggere, atque omni parte submotis hostibus, finis est pugnandi factus. Facinus memorabile: & in mortis pro patriâ contemptu, Scæmolis, Curtijs, Horatijs, æquandum.*

De bello
Gallico
lib. 7.

De vniuersis verò Gallorum ingenijs quid senserit Cæsar, videamus. *Singulari militum nostrorum virtuti*

virtuti consilia cuiusq; modi Gallorum occurrebant, ut est summa genus sollertia, atque ad omnia imitanda, atque efficienda, quæ ab quoque traduntur, aptissimum. Quid Hirtius? Gallos homines apertos, mini- *De bello Africa-
no.*
meq; insidiosos, qui per virtutem, non per dolum dimicare consueverunt. Fefellit illos nimia non semel virtus. nam si quando bello superati, dolo plurimum aut structis antè insidijs.

Hic si quis curiosior Germana robora, Gallamque componi velit virtutem, Cæsarem audiat: non potuit ab alio censore seuerius, non potuit veriùs.

Fuit antea tempus cum Germanos Galli virtute *Cæsar de
bell. Gall.
lib.6.*
superarent, & ultrò bella inferrent, ac propter hominum multitudinem agriq; inopiam trans Rhenum colonias mitterent. Et Tacitus: Validiores olim Gallorum res fuisse summus auctorum diuus Iulius tradit: *De morib. German.*
eoq; credibile est etiam Gallos in Germaniam transgressos. At nunc quæ vis, quæ dextera bello potior? nihil dico. eunt in orbem non rarò commeantque animi, roboraque ignauo sæpè otio fatiscentia, vsu & quâdam potentiorum attritione firmanda. Quidquid fiet, stabit illud Taciti: Soli Galli fraternitatis nomen cum populo Romano usurpant. *Tacitus
lib.xi.*

Et Gallorum quidem fortissimi Belga. nemo id potuit certiùs testari Cæsare. vt nulli notior silicis duritia, quàm qui affrictu didicit, qui vulnera retulit, qui cicatricem ostentat. Eadem reperies

Dd

apud

Lib. xv.

apud Ammianum Marcellinum: Gallorum *om-*
nium apud veteres Belgæ dicebantur esse fortissimi.

Libro I.

Annal.

& apud Tacitum, Germanicus magnus Impera-
tor, non obscurus Belgicę testis virtutis: *Neq. enim*
dij sinant, ut Belgarum, quamquam offerentium, de-
cus istud & claritudo sit, subuenisse Romano nomini,
compressisse Germania populos. Glorientur Belgæ se
olim Cæsaris testimonio Gallorum fortissimos, Ger-
manici deinde iudicio, idoneos & validos *subueni-*
re Romano nomini, comprimere Germania populos;
& ante illa tempora se solos, qui omni Galliâ *ve-*
xatâ Teutonos Cimbrosq; intra fines suos ingredi pro-
hibuerunt.

Cæsar de
bell. Gall.
lib. II.

Quid egemus verbis, rebus diuites? Percurra-
mus Prouincias. quis posset? paucas aliquot, è
quibus reliquas metiamur. Atq. hîc si vetera me-
moriâ repetam, dubitem an vllâ vmquam pu-
gnatum quàm apud Neruios atrociùs: veterano-
rum enim hîc manus, gradum retrò dedit, ac pu-
dore magis quàm virtute restitit. Quare furenti
quàm imperanti similior Cæsar, primam in aciem
procurrit, propè inermis, cùm nequidquam antè
prensasset fugientes, cõfirmasset oculis, manibus,
clamore: vt non defuerint qui in illâ trepidatione
eo Cæsarem vultu dicerent, quasi occupare manu
mortem vellet. Audiamus illum ipsum: Cæsar,
vbi suos urgeri, signisq; in unum locum collatis
duodecima legionis milites confertos sibi ipsis ad pu-
gnam

gnam esse impedimento; quarta cohortis omnibus centurionibus occisis, signifero interfecto, signo amisso, reliquarum cohortium omnibus ferè centurionibus aut vulneratis, aut occisis, hostes neque à fronte ex inferiore loco subeuntes intermittere, & ab utroque latere instare, & rem esse in angusto vidit (fugato antè equitatu castrisque captis) scuto ab novissimis uni militi detracto in primam aciem processit, cuius aduentu paullulum hostium impetus tardatus. accursu deinde duarum legionum, quæ impedimentis præsidio fuerant, ac legione decimâ à Labieno in subsidium transmissâ, cesserunt Neruij: tantam tamen, Cæsaris confessione, in extremâ spe salutis virtutem præstiterunt, ut, cum primi eorum cecidissent, proximi iacentibus insisterent, atque ex eorû corporibus pugnarent: his deiectis, & coaceruatis cadaueribus, qui superessent, ut ex tumultu tela in nostros conijcerent, pilasq; intercepta remitterent: ut non nequidquam tanta virtutis homines indicari deberent: ausos esse transire latissimum flumen, ascendere altissimas ripas, subire iniquissimum locum: quæ facilia ex difficillimis animi magnitudo redegerat. Intueamur propiùs, ac quasi collato pede rem exploremus. De suorum cadaueribus tamquam de vallo ac æquiore loco pugnare, hostium telis hostem ferire, latissimum flumen transgredi, paratum ex aduerso hostem adoriri; ascendere altissimas ripas, ac ex ijs veteranum militem, recētem, benè

habitum, acie instructum deturbare; *subire iniquissimum locum*, & è tantâ loci antè inlessi, occupati, muniti, opportunitate hostem pellere; validumque equitatum pedestribus copijs in effusam fugam vertere, ánon ingentium animorum est? Victi tamen Neruij, fateor: sed à solo Cæsare victi. Nam ex hac victoriâ nihil sibi miles, nihil eques, nihil centurio, nihil decerpere legatus potest; cesserant Neruiorum robori, cesserant animis; vnus Cæsar vicit. veriùs: fortuna in Cæsare vicit. Hæc de Neruijs. De *Battanijs* quid dicam? qui Taciti *Agricolam* legit, quid ambigit vltra? in illustri illâ exhortatione, quâ suos prouocat ad imponendum quinquaginta annis magnum diem in postremâ subactæ Britanniaë pugná, dubio eò vsque Marte pugnatum ait, *donec Agricola tres Battanorum cohortes & Tungrorum duas cohortatus est, ut rem ad mucrones & manus adducerent. qui ut miscere ictus, ferire umbonibus, ora fœdare, & tractis qui in aquo obstiterant, erigere in colles aciem cœpere; cetera cohortes amulatione ac impetu commista, proximos quosque cadere cœperunt: inde ingens victoria, in quâ finis sequendi nox & satietas fuit. Iam cui ignota Civili Duce expugnata castra, deleta cohortes, pulsum Battanorum insulâ Romanorum nomen? cui Aquilius terrâ marique superatus? cui Lupercus? cui exercitus apud Vetera cæsus, & in conspectu Nonesij equestri proelio victus?*

Tacit. in
Agricolâ.

Etus? cui *Labeo* terga vertens? cui deditæ legiones? & ni vincentes spolia tardassent, vinci *Cerialis* poterat. Neque hoc mirum videri cuiquam debet, qui *Battauios* cogitauerit *diu Germanicis bellis exerci-* *Tacit. hist. lib. iv*
tos; mox auctâ per Britanniam gloriâ, transmissis illuc cohortibus, quas veteri instituto nobilissimi popularium regebant. cùm & esset domi delectus eques, præcipuo nandi studio, arma equosq; retinens, integrisq; turmis Rhenum percurrere solitus. Quis alius eques sequatur præeuntes? rapidissimum flumen, latissimum, altissimum, integris equitum armatis turmis transnatare, an non miraculo proximum?

Hæc veteres *Battaui Belgæq;* veteres. Nam de recentioribus, quamquam angustis iam limitibus arctatis, quid dicam? Quattuor & quadraginta annorum ciuilia bella nimis, ah nimum docent. ô quando finis? Non tandem aliquando posito mari secutura malacia decumanos serenabit fluctus?

Non ira qua procudit enseis,

Et miseras inimicat urbes

desæuiet mitiore vultu, blandiore ferro & fronte? ô tandem! Iam tot exercitus terrâ mariq; delati, tot acies fusæ, tot oppida vi capta, tot Regum ac propè Europæ totius opes exhaustæ, quid loquuntur? quid miles è validissimis populis in hanc prouinciam immissus, instructæque fremente ge-

menteque Oceano classes, vt integri integra potuerint maria, Belgicumque quâ equite quâ pedite solum tegi, quid testantur? Nolo vererem hanc scabiem nouo vngue, nolo has cicatrices duriorē pertentare pollice. nouacula hîc omnis manus est. Cum Regum quos vlla retrò tulit ætas maximo, cuiusque iam olim fortunatissimis maiorum successibus

Crenere vires, famâque & imperi

Porrecta maiestas, ad ortum

Solis, ab Hesperio cubili,

tot iam annis de imperio, ingentibus datis acceptisque cladibus, certasse, quis non miretur? Felicia bella, si versa à consanguineo in Turcico ferocissent iugulo. nunc quæ gloria, cùm omne propè hoc robur à Belgicâ manu in Belgico natauit sanguine, vt non semel vetus illud ingeminare licuerit, Ha tempora!

Stat consanguineum campo scelus; vnius ingens

Bellum vteri:

prouinciæ vnius, tamquam fecundæ (non & misere?) matris, fecundæ (non & infelicis?) sobolis, acies hostilis, inimica agmina. Audi Deus, & incude diffinge nouâ in

Massagetæ Arabasq; ferrum,

tot iam annis in Belgico retusum sanguine.

Eheu! cicatricum, & sceleris pudet

Fratrumq;.

ergo

ergo dissociatas sociemus dexteras. Tu post illum
hoc potes,

O Dina gratum qua regis Belgium,

Præsens vel imo tollere de gradu

Mortale corpus, vel superbos

Vertere funeribus triumphos.

auerte hanc pestem à plebe populoque tuo; & in
Parthum aut Scythas conuerte has ficas, nullo sa-
tiandas, nullo pacandas sanguine.

CAPVT SECVNDVM.

BRABANTIA.

*Fortia prouincialium facta, victoria parta,
acti triumpho.*

BRABANTIA aliquando è variis populis, in hũc,
quem videmus, coaluit. & patuit aliquanto la-
tius. nam à S. Bauone in Brachbantenſi agro ædi-
ficatum ſunt qui prodiderunt ſacellum, quod in
ipsâ Gandenſi vrbe cis Scaldam conditum. &
Diuum Lauinum ad Eſcam, in pago Brachban-
tenſi, martyrio coronatum accepimus. Annales ſa-
nè noſtri habent, *Teneramundam cum agris, in*
pretium fide opera atque opis contra Grimbergios,
Theodorico tunc Comiti Flandria acceſſiſſe, atque
abiunctam deinceps à nobis eſſe. Ottonis verò Se-
cundi diploma commemorat, *conſirmariſſe eum*
poſſeſ-

Anno
1059.

possessiones Gandensis ænobij, in pago Brachbantenſi, villam Veruiniam & Fleterſele, & Papingham, Bainingham, Giſenſele & Holtzem. quæ pleraque in hodiernæ Flandriæ finibus reperias, vt bonam huius partem Brabantia occupauerit: nec Hannoniæ minorem, ſi non omnem. nam in veteri diuiſione Caroli & Ludouici Regû anno DCCC. LXX. hæc habes: *In Brachbanto Comitatus III. Cameraceſium, Hannoum, Louienſem.* Sanè Sigibertus illam ad Tornacenſium mœnia extendit: *In pago Brachbantenſi iuxta Tornacum.* Nunc minoribus arctatam terminis è vicinorum veterum popu-
lorum coaceruatione prouinciam vnã videas. è *Neruijs* enim, *Aduaticis*, *Ambiuaritis*, *Pamannis*, *Tungris*, *Eburonibus*, *Taxandris*, *Menapiis*, *Morinis*, non poſtremis partibus defruſtatis, vnum agrum, tamquam vnum corpus ſtatuit. Ambitur nunc ab Oriente *Leodiensibus*, *Namurcenſibus* à Meridie, Occidentem *Flandri* claudunt, Septemtrionem *Battani* ac *Zelandi* Scaldæ æſtuariis difcreti. Circumſcribitur Moſâ, Scaldâ, Sabi, Tene-
râ, fluminibus, quæ nuſquam tranſilit. ciuitates numerat, magnitudine, variisq̃ue ab ingenio & arte propugnaculis validas ſex & viginti: ac ſuper has ſeptemdecim ſolo robore ſuo, nullâ ductili foſſâ aut muro cinctas, vrbicis prærogatiuis dotatas. fortiunturq̃ue iura ſua ſub *Brabantia* Ducatu, tamquam ſpecioſi corporis non vltima membra,

bra, *Limburgicus* Ducatus, *Dalemij* Comitatus, *Valkenburgicus* ager. Ingens populus, valida ubiq. & lecta iuuentus, ad libertatem aut mortem animus promptus, clarumque bello nomen. Iacuit tamen aliquot sæculis multis modis fracta veritas, inscitia prouinciæ nostræ, mox assentandi licentia, inde inuidentiâ aduersus prospera. Inscitiæ si audaciam iungas, ingens malum. Assentationem quis non pronis auribus hauriat, imperiorum virus? quod enim non latet venenum sub hoc fauo? quod quò quis haurit auidius, eo infestiores hostem accipit, ruinâ beneuolentiam remuneraturum. ut meritò beatam hanc dixero prouinciam; in quâ plurimi quod debent, quod Deus, quod suadet ratio, quod publicè bonum, sentiunt: beatior, in quâ dicere liceat quod benè senseris. hanc videor mihi nactus, nec fœdo in adulatione seruitutis crimine maculatam, ut quæ illi obduxerit pessulum; nec inuidentiæ fuligine dedecoratam, ut à quâ liuor exulet. Dicam ergo quod de Brabantis meis sentio, semotis prioribus rerum publicarum pestibus: dicam quod in tantâ historiaram tenuitate, ac quasi macie, reperio. Quod dum facio, non diffitebor aggredi me plenum variis opus casibus, atrox præliis, discors seditionibus; ipsaque adeò cum externis pace, in se sæuum. Magna enim passim nobilitas ferro extincta: domestica an externa bella plura, du-

Ec bium;

biū; & permitta hæc non semel felici infelicique
euentu. Prosperæ res in Galliâ, Germaniâ, An-
gliâ, Italiâ, Asiâ, aduersæ non semel. Ierosolyma
capta, Syria domita, Prouinciæ huic triumphos
debet. Mutuis deinde cladibus, Geldricis, Ebuor-
nicis, Battauicis, Flandricis, Limburgicis, Luxem-
burgicis, nobilitata. Mota reperio in Britannos
arma, perdomitos Stadienses hæreticos, patriæ
& diademati restitutos Reges: neque annum pro-
pè vacuum à proeliis, liberum à ferro. Ceterum
antequam propiùs hæc attingam, fateor, multa
(vt antè dixi) iacere ac quasi dormire apud nos
sæcula, scriptorum incuriâ, gloriæ neglectu, veri-
metu, obsequendi aliis studio, dum nostra negli-
gimus, aliena admiramur: illa deprimimus, aut
intacta tamquam ingloria transimus, hæc extolli-
mus. Quare profiteor non habere me multis
ætatibus quod pro comperto dicam. Fabulas aut
his propinqua, quis nisi plebeîâ linguâ narrauerit?
non merentur hæc nomen calami; sed neque in-
stituti est mei historiam texere. seponam hanc
materiam alteri ætati. Capita nunc deligam ex
plurimis pauca, & ea ferè quæ militiæ robur de-
cusque tangunt.

Brabanti, Gallicum ac Germanicum genus;
olim in maioribus, mox priorum factorum
memoriâ clari. & meminît, vt vetera taceam, in
Saxoniâ suâ *Crantzius*, æquatque per ea tempora
Hel-

Heluetijs: ante discrimina cunctabundos, in ipsis
feroces, in periculis impavidos, turbidis rebus in-
trepidus, in audaciâ fortunatos, pro libertate pro-
que gloriâ pleraque ausos, consiliis dandis prom-
ptos; nec tam linguâ, quàm factis feliciores;
manu promptos, & ad quascumque scientias ac-
ertes natos: super hæc tamen omnia bellicâ lau-
de magnos. Feliciter horum operâ, Anglorum
Henricus, ciuitates recepit, nutantes firmavit, pro-
ceres obedientiam edocuit. Nec in longum quies
data. traductos enim lego in Aquitaniam suc-
cessu pari. Inde etiam sub *Jacobo Auiniensi* equi-
tum magistro lectissima iuuentus in *Saladinum*
ducta, stetit hic anceps prælium, donec *Auiniensis*
inuectus in confertos hostes, & quâ parte acrior
vis fiebat, dubitantibus subuenit, confirmat cla-
more, telis, manu, suo denique suorumque san-
guine hostem loco pellit: cædes deinde, non
prælium. Læta ea victoria Christianis: cunctisque
super vota fluentibus mœrorem attulit, sanguine
tantorum emptam: ita nulla felicitas in purum
perpetuat. Quies deinde ab externo hoste, turbata
domi; signaque in *Theodorum* Hollandiæ Comi-
tem illata *Henrico* Duce: & Comes castris exutus,
amissis signis, viuis in potestatem venit. nec mul-
tò post *Henrici* ductu *Philippus* Imperator *Otto-*
nem superat, creuit tamen mortuo *Philippo*, *Hen-*
rico pro *Ottone* fides integra & secunda, quâ Leo-
dien-

Anno
1175.

Anno
1176.

Paulus
Emilius

Anno
1192.

Anno
1202.

Anno
1206.

Anno
1212.

dientes in *Ottonis* verba cogit. Multa hinc proelia, sed *Henrico* prospera, pro quo fortuna & partitoties victoria: hinc saeva ac deformis vrbe totâ facies secuta; nec tam proelia quàm vulnera, cruor, & corporum strages. Successit *Stadingorum* vesania, *Brabantico* compressa & extincta ferro. Profecta ad hoc bellum è *Brabantiâ*, *Gerardi à Lippâ* Bremensis Archiepiscopi rogati, ingens nobilitas: & ut quisque corpore, viribus, opibus, ingenio maximè valebat, ita maiore animo, pro maiorum intemeratâ fide, contra hæreticos stetit. Hoc magnum, paucis nostrorum desideratis, *Stadinganos* ad internecionem deletos

Anno
1234.

ferro ac flumine. Grauis exinde pugna in *Siphridum* Coloniensem, *Reginaldum* Geldrum, *Adolphum* Nassouium, *Henricum* Luxemburgensem, *Valerianum* Falcoburgensem, & duos huius fratres, directâ acies: diemque solidum ambigua victoria stetit. Vicit tandem *Joannes* Brabatiæ Dux, cum mutuò se hortari *Brabanti* acri impressione hostem auerissent. capti Coloniensis, Geldrus, Nassouius, & Falcoburgius, partium duces, desideratique præter promiscuam plebem, equestris ordinis quadringenti, ut faciliè videas quantum

Anno
1238.

sanguinis fusum. Nec fuit incruenta *Brabantis* victoria, cum non tantum imbellior quisque, sed è primis ductoribus non pauci ceciderint: è Coloniensibus & Geldris, omnia robora utriusque gentis,

gentis, cum Luxemburgensi & Falcoburgij fra-
tribus. Restitutus post hæc regno & suis, *Eduar-* Anno
1327.
du tertius Angliæ Rex Brabantinâ manu, quam
& in Aquitanos, Britannos, Normannos, Iberos
duxit, fortunatissimo ubique euentu. Pari eam
aliquando successu *Richardus* Anglus in Aquita-
niam, *Philippus* Gallus in Aragoniam & Flan-
driam, *Ioannes* in suam Angliam, *Eduardus* in
Scotos duxerat. Iam *Conrado* Imperatore *Vlissi-*
bona Saracenis erepta, ducentis hostium millibus
cæsis aut in fugam versis, neque alia clarior eo sæ-
culo victoria, Belgarum ac Brabantorum cum-
primis virtute parata. *Vacu* exinde externo metu, domesticis atfere-
malis, veterem enim inter *Brabantos* & *Grimben-*
genses discordiam, priuatorum æmulationes ac-
cenderant, multæ ante hos annos inuicem clades;
crebriusq; infestiusq; quàm in cognato fas po-
pulo, decurrerant. hinc æmulationes & inuidia,
& vix agro discretis connexum odium: ergo ar-
ma in se vertunt, diriguntque acies pari vtrimque
spe libertatis ac dominationis. Nec aliàs concur-
sum mole maiore, neque ambiguo magis euentu:
Brabantica vtriusque robora: & omisso pilorum
iactu, gladiis hastisque res agebatur; collatoque
gradu, corporibus & vmbonibus nixi. noscentes
inter se, in euentu totius belli cerrabât pro gloriâ,
pro principatu. Inchoata pugna ante solis exor-
tum:

tum: nec destitum ante noctem; quin & in ipsis tenebris pugnatum: incerti hîc ictus, vulnera improuisa, suorum atque hostium ignoratio. deleta tandem promptissimo quoque aut saucio, vtrâque acies ad sua se recepit. exigua quies; adpetente luce rursus pugna, & absumptus alter dies vulneribus, cadibus: neque nox finem fecit. tum verò strepitus dissoni, casus incerti; cùm neque ferendi neque declinandi prouidentia, non virtus: adeoque ignauissimi cuiusque telis fortissimus cadit. varium prœlium, his, rursus illis exitiabile; cùm nihil animus aut manus, ac ne oculi quidem prouisu iuuarent, donec satietas, & lassæ tandem manus & ferrum, acies dirimerent. paucæ horæ sine sanguine, ac ne curandis aut obligandis vulneribus tempus datum: vix namque exhaustâ nocte, paratos exercitus dies aperuit, & pugnatum in meridiem. cessit demum *Grimbergensis*: victor *Brabantus*. E quâ aliâ gente triduana pugna? aut nisi *Brabantus Brabanto* contrâ staret, eademque vtrâque acie arma & artes, triduum pugnari potuit? Illustrem hanc pugnam reddidit *Brabantia Dux* infans, & inter cunas vagiens, ex editiore arbore media inter agmina depensus, vt vagitu & tenellæ commiseratione ætatis, animos suis adderet, terrorem hostibus immitteret, cùm perfacile viderent destinatû *Brabantis* cum Duce suo vincere aut mori. Fuit & illud militare,

quot-

Anno
1144.

quotquot ceciderunt, contrariis cecidisse vulneribus, versosque in hostem: ea cura morientibus, ut decori etiam exitus foret.

Hactenus *Europæ*. *Asiatica* à cælo prodigia sunt: & *Gedeoneis Machabæisq;* non inferiora; cum *Godefridus Bullonius*, alterum naturæ miraculum, *Brabantia Dux*; *Græcia*, *Aegypto*, *Palæstina* victoricia infert sacrata Deo signa. Nullum hîc mendacio pretium est. rem narro: nec tam humanę dexterę, quàm præpotentis Dei. quę ut aliàs sæpè, adfuit Duci nostro. *Nicaa* expugnata, primum Anno 1096. laboris & tanti itineris præmium. fusi hîc subsidiarij *Turcæ*. pauciores tamen cecidere ob propinqua suffugia. Rursus prælium. ingens numerus; ducenta millia numerat *Tyrinus*, trecenta sub lib. 3. c. 12. pra sexaginta millia *Vilhelmus Malmesburiensis*. æquata pugna, dum missilia mittuntur; ut ventum ad ferrum, deturbati hostes, ruinæ modo præcipitati. Quæsitum deinde quam urbem aggrederentur. *Antiochia* potior visa. hanc auferre *Turcæ*, in rem famamque videbatur. ardua res, imminetia in orbem turrium iuga, ferrati portarum obices, ac tantum non iustus in urbe exercitus. Aduersus quę omnia fortior animus: tantusque ad *Bullonij* verba, trucem nec aliud ostentantis, certantis exercitus ardor, ut leui momento nudata propugnatoribus mœnia, portarum obices subuersi, capta ascensu munimenta fuerint. cessit dehinc

Anno
1098.

Mal-
mesb. lib.
6. c. 22.

dehinc ciuitas victori. At in illâ victrice sedē suâ
à trecentis Turcarum millibus obsessum victo-
rem reperio. ingens planè multitudo. *Bullonius*
quamquam confideret virtuti, ac super omnia
Deo, tamen exhortationes precibus miscet; *sper-*
nerent numerum, & inanes barbarorum minas: cessu-
ros ubi crucem ferrumque toties fusi agnouissent; ac
in multis paucos esse qui praelia profligarent, ipsamque
adeò multitudinem non semel exitio sibi fuisse: glo-
riaq; ipsorum ac in primis cruci accessurum, quod
modicâ manu omnem hanc turbam deiecissent. Dixe-
rat, cùm excepit miles gladio & hastâ; fususque
hostis, tamquam à vento palea. Signa deinde *Iero-*
solyma illata, copiâ defensorum, propugnaculis ac
magnitudine validæ. ineratque miles, & prouisi
antè commeatus. Omnia cesserunt virtuti; capta
Ierosolyma, tantorum merces bellorum. sequitur
pugna. erant equitum in exercitu nostro millia
quinque, peditum quindecim: hostium equitum
millia centum, peditum quadringenta. ferox ho-
stilis acies, & noui decoris auida, post tot suorum
cædes, tot secunda nostrorum praelia, insultare,
prouocare, iactare minas. & trepidabant nostri,
nec satis consilia expediebant, obsidionem tole-
rarent an in hostem irent. placuit tandem ire.
instructa acies educta mœnibus, neque deerat ho-
stis toties impatiens vinci. & *Bullonius* fortissimi
nusquam militis, nusquam constantissimi ducis
offi-

Tyr. lib.
9. c. 9.
Anno
1099.

Tyr. lib.
9. c. 12.

officium omiserat: occurſabat paudentibus, retinebat cedentes: & vbi plurimus labor, ſpesque aliqua, conſilio, manu, voce, crucisque memoriâ ſuos animabat, terrebat hoſtes. Atrox hinc cædes, donec Turcarum cohortium præfecti, ſuſtentatâ non nihil acie, telis obruuntur, inde effuſa fuga. Supra centum millia cæſa tradidit *Vrſpergenſis*. Maior ſecuta clades, cùm mare fugam inhiberet; integri hîc cum ſauciis, ſemineces cum valentibus voluuntur fluctibus, variâ pereuntium formâ, & omni imagine mortuorum; ac plures longè mare quàm ferrum hauſit. clara, & antiquis quorumcumque Imperatorum victoriis par eâ die laus parta: Deo in primis, poſt Duci. quippe ſunt qui paullo minùs quàm quadringenta Turcarum millia cecidiſſe narrent; vt non immeritò *Malmesburienſis* inclamet: *Cedant poëtarum præconia, nec priſcos Heroas vetus attollat fabula; nihil umquam horum laudi comparabile vlla gennere ſæcula*. Moritur poſt hæc *Godeſfridus*, nulli veterum pietate, animis, victoriis inferior: ſuccedit *Baldwinus*, alter Ieroſolymorum Rex. & ſecuta bella. ita nulla ab hoſte quies. Quadraginta fuiſſe millia refert *Vrſpergenſis*, cùm apud noſtros non niſi millia octo. At *Baldwinus* crebris proſperisque ſucceſſibus exercitatum eduxerat militem: hoſtis per catervas & turbas ſuos diſpertiens, agmina noſtrorum circumfuderat, non ignaro Duce noſtro,

stro, qui huic pugnae composuerat aciem. ut ventum ad manum, hortatur *Baldwinus* suos, *ferro rem agerent, praeda immemores, partem victoriam cuncta ipsis cessura*. Inde crucem vertit in hostem; quam ductrice late barbaris terror immissus, nostris additus animus; ac primo equitatus perfundit quod obuium & validum in hoste erat, ceteri terga prebuere. vertit post haec suos ad hostilia passim propugnacula, excindit pleraque, plana ac edita; validos inualidosque, pari omnes metu complet; cetera terrore incolarum in deditio-nem veniunt: paruaque manu, & vix fidem reper-turam, quadraginta equitibus, peditibus ducentis, viginti *Saracenorum* millia fundit. Steterant attoniti nostri: senserat *Baldwinus*; ergo haec ad suos, ut exaudiri ab omnibus posset: *Ne dubitarent, stare eos super vestigia gloria, cineres ossaque Saracena calcantes. quocumque hostes intenderent, clades priores & dira omnia obuersari. ne terrerentur nudo apparatu; veteranis casis, facilem tironi fugam fore. Quod roboris fuerat, tot ante prosperis suorum praelijs periisse; superesse qui fugam animis, qui vulnera tergo ferant: sed & Deum ipsum in aspectu esse, cuius nutu cape-scerent pugnam Belgica virtutis memores. illum diem gloriosissimum fore, quo parvam manu, & qualis lecticam oblectantium se Principum, non armatos circumstare soleat, magnam hostium manu fudissent.* Valuit oratio. & deleri omnes poterant, nisi vi-ctorem

ctorem militem sanguis lassasset, & hebetatum
 vulneribus mortibusque ferrum. Equitibus dein
 quingentis, ac duobus peditum millibus, cum
 Saracenorum quindecim millibus certatum.
 prosperum id *Balduino*, *Saracenis* exitio fuit. Ma-
 gna hæc. & potuisset *Saracenorum* nomen occi-
 dione occumbere, si *Godefrido* & *Balduino* fratri-
 bus reliqui Christiani Principes accessissent, pa-
 resque *Belgis* animos attulissent: qui ferè è primâ
 nobilitate & lectissimâ iuuentute primi ad pu-
 gnam, postremi in receptu. Nec vltima hîc laus
Antuerpiensium; rara super alia prærogatiua, vt
 primi in *Bullonij* sacræque expeditionis verba iu-
 rarent, nouo inter se fœdere obstricti, non redi-
 tuos nisi victores. Grande exemplum reliquæ
 nobilitati *Belgica*: quæ solemni sacramento, Ordini
 plausu, simili se obstrictione deuouit. Om-
 nium hîc laus, sed ferè primorum maxima: insita
 namque hæc mortalibus natura, circumspectare
 initium, sequi audentes.

*Delectum
 militum
 Antuer-
 pia habet
 Bullonius.*

Possẽm hîc fortia *Brabantorum* facta numero &
 robore plurima, possẽm Duces enumerare, belli
 pacisque gloriâ magnos, *Pipinos*, *Martellos*, *Gode-
 fridos*, *Henricos*, *Ioannes*, *Philippos*, *Maximilianos*,
Carolos: quorum vario ductu ingentia pugnata
 bella, clarissimis relatis triumphis, *Sueni*, *Saxones*,
Bauari, *Dalmatæ*, *Longobardi*, *Sclani*, *Hunni*, *An-
 gli*, *Lusitani* loquuntur; & in ipsâ *Galliâ Martelli*
 F f 2 manu,

manu, *Saracenorum* septuaginta millia cæsa. cùm-
que reparato postea exercitu alteram formidi-
nem intulissent *Gallia*, cunctaque pauore com-
pleuissent, dum quæ metuunt singuli extollunt,
facili credulitate eorum qui eadem pauent, tan-
tumque non subacta *Gallia* mœsta iaceret; *Martelli*
dexterâ reddita salus est, & *Saraceni* graui
proelio attriti, omni in posterum redeundi spe
recisâ.

Quantos hac ætate *Martellos* daret, non *Brabantia*, aut *Belgium* tantum, sed *Europa* tota, qui
non *Galliam*, sed *Asiam*, *Africamque* & *Europæ*
reliquum, barbaro depulso iugo, vendicarent, si
tam concordibus armis animisque hostem impe-
terent, quàm æmula circumspectant regna? Cete-
rùm vicinus metus, & maior à propinquo terror,
prætexuntur: speciosa nomina. *Ottomannicus* pa-
uor obsedit animum, & metum è vicino obiici-
mus: quemcumque timor occupauit, vsurpauit
eadem. Quid ergo expectamus, vt mutuo lassati
ferro, in ius ditionemque barbari concedamus?
Toties laceffiti, Prouinciis regnisque exuti, torpe-
mus otio; nec quisquam præter frigidam bello
dexteram ostentat: quid nisi paullò post supplices
protenfuri? Sed æmulatio quousque hæc? & do-
minandi spes, ac in agro connexo cæberior seges? ô vo-
ces! Hæc talia erunt, donec homines, & regna:
& fuerunt *Godefrido* & *Balduino* pugnantis.

Publica

Publica moueant, quorū interuentu priuata pensentur. Periiit *Asia* & *Africa*, & *Europa* pars maior erepta Fidei est. & nos de emulā vicinitate gladiamur. Formidamus connexa imperia: moderatius ab *Ottomanno* speramus? aut mitioribus in illo malis prememur? quoties edocti post datas dexteras, post iusiurandum interpositum, & stamus in noxiā fiduciā, ac inter barbaras manus toties periurio lotas mitiora cogitamus? Exsurgite. *Godofridum* & *Balduinum* duces habemus: nihil hīc nouum, aut ignorance sui formidandum; calcata via est. Potuit hanc primus Prouinciæ dux vnus, tot successibus latus, tot cælo ituris triumphis fatigatus; tot regna, & sociata imperia pudebit sequi? ô semper inimica magnis trepidatio euentibus! ô quos triumphos vertis in iugum improba æmulatio! Exsurgite: par caussa est, idem *Deus*, *Cruce* eadem, eademque maiorum *Fides*: tantū animis opus, sequentur reliqua. Nam si regnorum tanta de vicino libido trahit, satis sub *Ottomannis* imperiorum est, quod omnium restinguat sitim, expleat famem. vestra tantū *Reges Principesq;* virtus exspectatur, consensus animorum vester, in quo omne robur; & sine quo, quamuis fortia, inualida sunt. Neque ego nunc vos ad bella aut pericula voco. omne robur vobiscum est; omnis victoria in manu est. Nam qui *Ottomannum* tutatur miles, vestrâ dissensione

tutatur: iungite hæc diuifa, nusquam vos aspicient, quin eodem momento effugia circumspiciant. Quid statis dubij? aut quousque dissociant diffidentia & æmulatio, imperiorum pestes; adulatio & detractio, regnorum toxica? Exsurgite Principes. mille & quadringentis ampliùs annis *Asiaticas* & *Africanas* tutabatur aquilas *Romana Fides*, paribus coaluerat *Gracia* tota. quis secuit? inimica Regnis æmulatio. *Alexius* mihi vobisque testis, fastus, libido, diuinorum contemptus, numquam saturandæ æmulationis focij. Videte ne apud vos eadem. Necdum sat illinc magna mutæ diffidentia spretique documenta numinis? Vbi eadem causa, metus idem. Quid si ab eodem hoste? an expectandum, donec Hungarico submittamur iugo? Nihil facilius quàm dispersos vinci; nihil facilius quàm coniunctos vincere, & frangere barbaras illius minas, ac ad Mahumetanum veterem puluerem deducere hos montes. Quid exempla poscimus, domesticis diuites? Sentiant vos *Godefridos*, *Balduinos*. putatis aufuros bella? veterem formidinem, fugam, cædes sperate. Toties parua manu superati, quid nisi precariam vitam Regnumque tenuerunt? exinde priuatis nostrorum dissensionibus creuere, subactæ Prouinciæ, Regnaque, & Orientis imperium impuro calcatum pede, infessum *Mahumetanâ* rabie. Quousque stamus, & in Christiana pe-
ctora

Etora ferrum vertimus? Hic illud tempus oblit-
 terandæ culpæ; properate crimen in decus ver-
 tere. aderit qui *Godefrido Deus*. Audete, quicum-
 que in vetere maiorum *Romanâque Fide* statis.
 vestrâ enim dexterâ cadet hic *Nicanor*. Non
 euoco degeneres veritatis grano; non nouitiis
 saturos commentis, qui à *Lutheri, Caluini* aut
Mennonis torculari madidi, eructant non vuas sed
 labruscas. Vos volo intemeratæ maiorum *Fidei*
 propugnatores: vos mihi reduces *Machabæi*, vos
Godefridi, Balduini. vos enim estis de *semine viro-*
rum illorum, per quos *salus facta est*. Nam istos ^{1. Mach.}
Iosephos & Azarias non moror, cadent *Gorgia*
 manu. vos volo *Godefridi & Balduini* germen:
 vos mihi non *Machabæi* tantum, sed *Isai Bethle-*
mici decus. quorum fundâ, & limpidissimis de
 torrente lapidibus, è pastoraliperâ eductis, cadat
 spurius *Philistheus*. Nam quid aliud limpidissimi
 lapides, quàm vera limpidaque *Fides*, nullis de-
 decorata maculis? quid torrens, quàm *Scriptura*
sacra, vnanimi *Patrum* maiorumque sensu tradi-
 ta? quid pastoralis pera, si non *supremi pastoris vi-*
carij Christi, successoris Petri, cui commissæ oues,
 spiritale armamentarium? ex hac perâ, ex illo tor-
 rente, *Scriptura sacra* sensus purus, mens vera. Vos
 ergo dilecta Deo germina, *Samuelis* cornu inun-
 cta, erigite mentes, sacrata sancite foedera. nihil
 incertius morâ. inualefcit malum. festinatione
 opus;

Sapien-
tia 4.

opus, nec consiliis nunc, tot sæcula retrò abierunt, sed factò opus. abolete tot ætatum ignominiam. Quid expectatis reliquos Principes, segrege iam, & ab illâ pastorali perâ, voluntario exilio damnatos? odi moras. sat virium in vobis, si animorum, si coniunctionum satis est. Quid numerum circumspicitis? audite Sapientem: *Multigena autem impiorum multitudo non erit utilis, & spuria vitulina non dabunt radices altas, nec stabile firmamentum collocabunt. Et si in ramis in tempore germinauerint, infirmiter posita, à vento commovebuntur, & à nimietate ventorum eradicabuntur. Confringentur enim rami inconsummati, & fructus illorum inutiles, & acerbi ad manducandum, & ad nihilum apti: ex iniquis enim somniis filij qui nascuntur, testes sunt nequitia aduersus parentes in interrogatione suâ. Quam vitam promittant rami arido inserti trunco? quas radices agent spuria & à maioribus degenerantia vitulina? quod firmamentum collocabunt, inconcussa maiorum areâ destituti? quæ germina speres ab emortuis ramis, omniq̃ue vitali succo spoliatis? inconsummati frutices quos fructus dabunt? somniorum filij, è Lutheri, Caluini, Mennonis puluinari, à parentum thoro profugi, ab vberibus matris aberrantes, quid nisi nouitiis interrogationibus aduersus parentes, longamq̃ue retrò maiorum seriem, sibi variisq̃ue perniciem creant? Quare de his nulla mihi verba.*

nec

nec si arma, si signa poscant, velim socios. certiùs sine his vincetis. nam quæ pars inimicis *Crucis* cum *Cruce*? & *Cruce* tamen vnâ *Palestina* domita. quam qui tollit, quidquid validum sustulit.

CAPVT TERTIVM.

Aduatici, Ambuariti: & cuius Provincia pars aliquando Antuerpia.

BRABANTIAM dedi, cuius nobilissima pars *Antuerpiensis* ager. Transeo nûc ad *Aduaticos*, & *Ambuaritos*, qui in *Brabantia* ius ditionemque concessere. Pars ergo nunc sunt *Brabantia*, & *Aduaticos* quidem ex *Cimbris* & *Teutonis* *Cæsar* De bello Gall. lib. 11. duxit. Ipsi erant ex *Cimbris* *Teutonisque* prognati, qui cum iter in *Provinciam* nostram, atque *Italiam* facerent, his impedimentis. quæ secum agere ac portare non poterant, citra flumen *Rhenum* dispositis, custodia ex suis ac presidio sex millia hominum vnâ reliquerant. Hi post eorum obitum multos annos à finitimis exagitati, cum aliàs bellum inferrent, aliàs illatum defenderent; consensu eorum omnium pace factâ, hunc sibi domicilio locum delegerunt. E *Cimbrorum* ergo & *Teutonum* reliquiis *Aduatici*; quos, inter *Ambuaritos*, *Nervios* & *Eburones*, ad *Scaldam* vbi nunc *Antuerpia* est, sunt qui confedissee velint. At mihi verisimilius est *Aduaticos* iam olim agrum occupasse, vbi nunc *Gallo-brabantia* est, inter *Nervios*,

De bello
Gall. 2.

nios, Eburones, ac Menapios, tenuisseque Hannonia, Hasbania, Namurcensis Comitatus, ac Leodiensis soli non minimam partem, Condruſijs conterminos. Minus etiam adducor ut credam fuisse Antuerpiam eam urbem in quam Aduatici superatis à Casare Nervij exercitus sui robur contulerint, aperte enim refragatur Caesaris locus. apud quem Aduatici: sua omnia in unum oppidum egregie naturam munitum contulerunt, quod cum ex omnibus in circuitu partibus altissimas rupes despectusque haberet, una ex parte leuiter acclinis aditus, in latitudinem non amplius CC. pedum relinquebatur. quem locum duplici altissimo muro munierant. Antuerpia verò quæ rupes, qui despectus ex alto? ingens planities est: nisi quis dicat ingentes rupes, in humillimas desedisse arenas; aut Oceano abstersas, tamquam leues humani corporis verrucas. Minus fors aberrauerit, qui Aduaticum statuatur in montibus, qui Namurcensibus aut Hunsibus imminent; aut in quocumque potius quam in Antuerpiensi agro; in quo perpetua planities, & tamquam continuum placidumque æquor, omnem Aduatici coniecturam excludit. Sed neque, ut quidam arbitrati, suprema in eo oppido fuit cum Casare Aduaticorum pugna: cum non multo post Cottæ & Sabino Cæsarianis legatis deletis, Ciceronis castra, magnam manu Aduatici, Eburones, Nervij, atque horum omnium socij ac clientes oppugnavint. Sed & iustis exinde

De bello
Gall. li. 5.

de

de exercitibus *Neruij & Aduatici bellum Romanis pararunt*: adeoque vt *Induciomaro à Labieno occiso*, perstiterint tamen in armis cum *Neruijs & Menapijs & Cisirhenanis Germanis*; vt facillè videas *Aduaticos* etiam tum gentem fuisse non contemnendam, ad arma promptâ; & aduersâ vnius oppidi clade, non tam fractos, quàm ad audenda maiora prouocatos. Sed neque in vno oppido vniuersa deleri gens potuit, quæ longè lateque dominaretur, ipsisque illâ ætate *Eburonibus* imperaret.

Ambiorigis Eburonum reguli verba sunt; *Se pro* *Casaris in se beneficijs plurimū ei confiteri debere, quod eius operâ stipendio liberatus esset, quod Aduaticis finitimis suis pendere consuesset: quodque ei & filius & fratris filius ab Casare remissi essent, quos Aduatici obsidum numero missos apud se in seruitute ac catenis tenuissent.* Nam quod *Casar* scribit, *sua omnia*

Aduaticos in oppidum egregiè naturâ munitum contulisse; quis non videat inter altissimas rupes, aditu propè inuio, non nisi angustam urbem adeoque arcem veriùs quàm urbem ædificatam? Ac cùm dicat in illâ memorandâ *Aduaticâ* pugnâ, non nisi quattuor *Aduaticorum* millia cecidisse, reliquis in oppidum reiectis, quis credat postridie eius diei refractis portis defuisse qui defenderent è viginti nouem millibus, quos in auxilium *Neruiorum* è iuuentute suâ eduxerant? aut si post quattuor millia cæsa urbem ingressus sit propugnatoribus

De bello
Gall. lib.
II.

destitutam, quid magnum fuit potuisse capi? imò quid non magnum, ausos tam exiguo numero, tam raro milite, ingentia *Romanorum* castra, validumque exercitum vallo tamquam mœnibus cinctum oppugnare? Audiamus Cæsarem: *Pugnatum ab hostibus ita acriter, ut à viris fortibus in extremâ spe salutis, iniquo loco, contra eos qui ex vallo turribusque tela iacerent, pugnari debuit; cum unâ in virtute omnis spes salutis consisteret*. Raro exemplo: hostem aggredi vallo inclusum, turribus cinctum, & hostem ab ingenti recentique victoriâ animatum, & ex iniquissimo loco victorem oppugnare exercitum.

De bello
Gall. lib.
IV.

De *Ambinavitis* tenuia apud veteres vestigia reperio, quæ me ducant ad tantum populum, qualem nunc videmus. Illud certum, cum *Vsîpetes*, & *Tencteri* à *Suenis* pulsi, *Menapios* sedibus exuissent, legatos ad Cæsarem misisse, triduanas inducias poscentes, negasseque Cæsarem: cognouerat enim magnam partem equitatus ab iis aliquot diebus antè prædandi frumentandiç causâ ad *Ambinavitos* trans *Mosam* missam: hos expectari equites, atque eius rei causâ moram interponi arbitrabatur. dolum dolo lusit. cumque capita Germanici exercitus apud se detinuisset, aliud ex alio nectens, subitâ irruptione imparatos, ducibusque destitutos, adortus, ingenti eos clade attriuit. Cum ergo *Germani* inter *Rhenum* ac *Mosam* confederint, equitatumque

tumque in *Ambinaritos* trans Mosam frumenta-
 tum miserint, perfacile euincam *Ambinaritos*
 intra Mosam & Scaldam sedes habuisse; fuisseque
 illorum agrum *Buscoducensem*, *Bredanum*, *Bergi-*
zomium, *Riensem*, *Antuerpiensem*, ac *Campinia*
 potiozem partem. Neque enim alio statui loco
 possunt, cum in orbem aliis passim populis *Me-*
napij cingerentur, *Vbiis*, *Trenirensibus*, *Eburoni-*
bus, *Tungrensibus*, *Morinis*, *Battavis*. intra ergo
 Mosam & Scaldam *Ambinariti* variis prouinciis
 circumfusi, *Nervii*, *Tungrensibus*, *Menapiis*, *Ebu-*
ronibus, *Aduaticis*, *Morinis*: vt non videantur ab-
 errasse qui *Antuerpienses Ambinaritos* arbitrati;
 maximè cum à primâ sui institutione, *Marchio-*
natus Riensis vrbs hæc caput fuerit, ac pars quæ-
 dam Riensis agri. Adstipulatur huic sententiæ
D. Villibrordi testamentum; quod *Antuerpiam*
 in agro Riensi statuit: eadem habes apud *Theo-*
fridum Epternacensem. Iam verò Riensem agrum
 inter *Ambinaritos* numerant, etiam illi qui *Ant-*
uerpiam inter *Aduaticos* statuunt; vt proinde
 verisimile sit Riensis agri caput *Antuerpiam* inter
Ambinaritos numerandam. quorum potentiam
 Cæsariano æuo non infimam fuisse nullo negotio
 comperiet, qui cogitauerit trium ingentium flu-
 minum ostiis, *Rheni*, *Mosæ*, & *Scaldæ*, ac *Oceani*
 variis æstuariis vniuersam prouinciam locupleta-
 tam, piscatu, mercimoniis, commeatu nobilem.

CAPVT QVARTVM.

ANTVERPIA.

Ætas huius, ad Northmannorum excursionem relata. Qui Northmanni; ac vastitas per eos illata. graui demum proelio victi.

NOLLEM incerta. & quis in tãto ætatum tamquam fluctuum cursu initia incerta, tamquã primam designet aquam? Labuntur, vt amnes, anni. quis in illorum volubilitate, primæ scaturiginis lympham eliciet primam? & quis in tot sæculorum densâ nocte auroram primam, lunam, solémve designabit primum? Luferūt varij, prout ingenium tulit cuiusque varium, amorve traxit in retrosiora: ita ferè æterna cupimus, quæ amamus impensius. Ad *Cimbros* tamen & *Teutonos* reuocant plerique; exinde Cæsariano æuo claros fuisse, & *Aduatici* aut *Ambiuariti* principem populi. Ab eo æuo altum vbique silentium, in annum quingentesimum decimum sextum, cùm ciuitatis huius præfectura à *Theodeberto*, *Vtiloni* tradita, cæso *Clochilaico* Dano. Meminit victoriæ huius *Turonensis*: *Theodoricus* *Theodebertum* filium suum in illas partes cum valido exercitu ac magno armorum apparatu direxit; qui interfecto *Danorum* Rege *Clochilaico* hostes nauali proelio superatos

ratos opprimit, omnemq; rapinam terræ restituit. & Sigebertus: Theodoricus Clochilaicum Regem Danorum Gallias vastantem perimit. neque hac clade, fracti licet Dani, extincti fuerunt. Docet Sigebertus: Northmanni adiunctis sibi Danis Franciam ac Lotharingiam peruagantes, Ambianos, Atrebates, Corbeiam, Cameracum, Tarnennam, fines Morinorum, Menapiorum, Brachantensium, omnemq; circa Scaldam fluvium terram, Monasteria Sanctorum Vualarici & Richarij, ferro & igni devastant. Inde Vual fluvium ingressi, totam Batnam, palatium etiam Neomagi incendunt. Ambussit hæc etiam flamma Antuerpiam, in Scaldæ littore urbium longè primam. neque hîc stetit rabies: Franciam repetunt, Parisios obsidione cingunt: ita Regino. Henricum Ducem militari astu circumueniunt, inde Trevas incendunt, Verdunum ac Tullum usque omnia populantur. Hæc tristitia. sequuntur lætiora. Arnulphus Rex auditâ cade suorum, à Baioariâ contra Northmannos pugnaturus properat cum valido exercitu, quos supra fluvium qui Tilia dicitur pedestri prælio adortus, tantam ex eis stragem fecit, ut ex innumerabili multitudine vix superessent qui ad classem aduersum nuntium ferrent. Nobilis victoria: & quæ aliquando Danorum furorem non repressit, sed extinxit. Danos dico. idem enim mihi populus Northmanni & Dani, è Septemtrionali Germaniæ parte in has terras.

Anno.
882.


Anno.
882.

Sigebert.
anno
895.

terras delati, quod & nomen *Noort-man* quemuis lingue illius peritum edoceat. Claram huic coniecturæ præfert facem Eginhartus è *Caroli Magni* domesticis vnus: *Vltimum quod contra Northmannos qui Dani vocantur, primū piraticum exercentes, deinde maiore classe litora Gallia atq. Germania vastantes, bellum susceptum est.* Accedit ad hanc sententiam Regino, cū dicit: *Carolo Aquis commorante, ducentarum nauium classe à Northmanniâ in Frisiam appulisse Danos, Frisisque denictis tributum imposuisse.* vbi *Danos* è *Northmanniâ* educit. *Dani* ergo *Northmanni*. nec hi ab illis alij. Cū verò Sigebertus *Tilia* fluminis qui se in *Scaldam* exonerat, meminit, locum pugnae designat. qui non potuit longè abesse ab hac vrbe. nam & classe venerant: neque verisimile longiùs ab eâ confedissee; maximè cū hostem adesse scirent valido exercitu, euocatis in subsidium *Gallia* & *Germania* viribus; ipsumq; Imperatorem exercitus ducem; quo, si quid aduersi euenisset, facilior tutiorque receptui via foret, & omnis generis com meatus è vicino mari ad manum; terrorq; simul incuteretur hosti, cū ingentem in anchoris classem stare sciret. & sanè quantū ostentatio ad terrorem valeat, nemo ignorat. Et iam antè à Reginone didicimus, non viribus tantū sed & astu pugnare *Danos* solitos, cū Imperatorij exercitus ducem, fossâ, stipulâ, terrâque iniectâ, ignarum insidiarum pereme-



A porta ad Pyramidon
a Pyramide Durnum
qui nuper cogitatum
augmentum docent



De Kipdorp
poorte

De Roy
poort



Fort St. Isabel

ÆDES IN EA SACRÆ,
HOSPITALIA, LOCA CELEBRIORA,
ARX, AQUEDUCTVS, OSTIA, VICI.

Incrementa vrbis, numeris
designata.



1875

1875

1875

1875

1875

1875

1875

emerunt. Ac classem hanc in Scaldâ stetitisse quis ambigat? neque enim hîc aliud flumen tantarum nauium capax, neque Tilia classem aut grandiores naues toleret; sed nec modicis, quales fert Tilia, tantus traduci exercitus potuit.

Habemus *Danica* seu *Northmannica* vastationis clarum in translatione D. Gummari locum: *Northmanni per fluvium Schendam ad villam* Molanus refert. *Turninum deuenerunt, ubi erat monasterium S. Fredigandi confessoris. Sed Deus propter iniquitatem habitantium exosus locum, reliquias ipsius iussit altè transportari, ut nullum esset obstaculum contra desolationem; quibus sublati, velut muro & turribus ciuitatis destructis, irruit gens inimica, & incendio perdidit omnia adificia, ipsûmque monasterium consumpsit, homines partim trucidauit, partim captiuos abduxit. Sunt & hodie magnæ olim rei veltigia, vix mille ab vrbe hac passibus ad ripam Schendæ: nomenque manet *Durna*. Neque immunem ab hac hostili incursione fuisse *Antuerpiam* arbitrari possumus, loci vicinitate sæuitiam prouocante. neque nouum cuiquam videri debet, *Northmannos* per Schendam, nunc pertenuem ignobilemque ac propè sine nomine riuulum, *Durnam* seu *Durnium* adnauigasse. ruptis enim eâ parte aggeribus, perfacile fuit à Scaldâ in Schendam transmittere. Ac verisimile eâ ætate nullos fuisse aggeres, qui Scaldam arcerent à*

Schendâ; vt ingens ille nunc campus, ac longa planities, palustri plurimùm humiliq̃ue solo, flumine insepultus iacuerit: ac ni arte etiamnum arceatur, totum hunc integat agrum Scalda. Et vidimus nostrâ ætate.

Anno
656.

Redeamus vnde digressi, fuisse *Antuerpiam* sub *Clochilaico* Dano vrbium non vltimam, clarâque *V Villibrordi* ætate, qui in ipso castello *Antuerpo*, Ecclesiam sibi à *Rhotingo* datam asserit, ac tertiam telonij partem. Eadem habes apud Theofridum Epternacensem. Sed & ante *V Villibrordum*, sub *Eligio*, *Andouerpienses* non municipij, aut oppidi vnus, sed Prouinciæ populum latè dominantem non infelici coniecturâ colligas; cùm

Lib. 2. c. 3
& 8. vita
S. Eligij.

S. Audoënus, *Flandrenses*, *Andouerpienses*, *Frisones*, *Suenos*, pari loco collocet in enumeratione laborum beati *Eligij*, ac tamquam partem curæ ac sudoris illius, *Flandrensibus*, *Frisonibus*, *Suenis* componendam.

Anno
649.

CAPVT QVINTVM.

*Nomen Antuerpia. reiectæ opinationes
& Gigantum Fabella.*

VASTVM hîc mare est: quis enatabit integrâ naui, aut tabulâ? scopulus est multorum naufragiis decantatus. Quid ergo? non elidam aut frangam hîc nauem? nam quocumque hanc flecto,

flecto, præter scopulos, breuia aut vada, vt magnâ circumspeditione opus sit, ac non nisi cælesti aliquâ lunâ ductrice. Verùm à cuius cælo hoc sidus si non à D. VVillibrordi?

Testamentum D. VVILLIBRORDI.

IN Christi nomine oportet Christianos *viâ* *veritatis* agnoscere, per quam Creatori suo dignè meritis suis seruire, aut oblatio eleemosynarũ eorum, & deuotio perueniat ad salutem: ipso summo dicente: *Date, & dabitur vobis. & : Facite eleemosynam, & ecce omnia munda sunt vobis.*

Idcirco ego in Dei nomine Clemens VVillibrordus Episcopus, cogitans casum humanâ fragilitatis, qualiter peccata mea possum abluere, & donante Domino ad æterna gaudia peruenire, dono à die præsentis, donatumq; esse perennibus temporibus volo, hoc est, ad Monasterium Epternacum, quod est constructum super fluuium Surâ in pago Bedensi. In nomine Patris, & Filij, & Spiritus sancti, & SS. Petri & Pauli Apostolorum, & sacrati Ioannis Baptista, vel ceterorum Sanctorum, ubi ego ipse Clemens VVillibrordus custos vel gubernator præesse videor, & si Christo placet, corpus meum ibidem requiescere debet.

Hoc est quod dono vel trado ad ipsum sanctum locum Epternacum, omnem rem vel villas, seu mancipia, quæ mihi ingenui Franci pro amore eorum & salute tradiderunt vel condonauerunt.

Similiter illas res quas Dominus Pipinus mihi condonauit, vel delegauit, seu matrona sua Plictrudis, sue filius suus Dominus noster Carolus Maior domus: quas res ipsas Dominus Carolus, & genitor Pipinus, tam me uiuente quàm de istâ uitâ migrante, pro eorum mercede condonauerunt.

Et illas alias res ex parte denonimo, vel homines qui mihi eas tradiderunt vel delegauerunt, id est, ut hac scriptura sollemniter pro temporum serie confirmare debeat, & hi sunt homines nominibus his nominati.

Rothingus mihi condonauit, vel tradidit ecclesiam aliquam, quæ est constructa in Antuerpo castello, super fluuio Scalde in pago Renensium, cum appendicijs suis, villas denominatas his nominibus, Bacualde, VVinnelincheime, Furgalare, & in ipso castello Antuerpo tertiam partem de illo teloneo.

Et Heribaldus clericus mihi condonabat & tradidit ecclesiam aliam in pago Marsum, ubi Mosâ intrat in mare, cum appendicijs suis, & Mariscum unde Berbices nascuntur.

Et Angilbaldus mihi condonabat vel tradidit villam quæ vocatur VVadradoch in pago Taxandrio, super flumine Duthmalâ.

Et Ansaldus mihi condonabat vel tradebat omnem portionem suam in villâ quæ vocatur Busloth, in pago Taxandrio.

Et Berethinda, Deo sacrata femina, mihi condonabat vel tradebat omnem portionem suam in villâ

Bocanscot, in pago Taxandrio.

Et Henricus mihi condonabat in villâ quæ vocatur Pieplo.

Et Engelbertus mihi quondam donabat, vel tradebat mihi omnem portionem suam in villâ quæ vocatur Hinesloten, in pago Taxandrio.

Item quod Engelbertus mihi condonabat vel tradebat villam quæ vocatur Alpheim, in ipso pago Taxandrio.

Item Ansaldus clericus mihi condonabat vel tradebat villam quæ vocatur Diosna, in pago Taxandrio super fluvio Digenâ.

Et Thietbaldus mihi condonabat vel tradebat ecclesiam aliquam quæ est in villâ Montnahim, quæ Araride vocatur, cum appendicijs suis.

Et illuster vir Hedenus mihi condonabat vel tradebat omnem portionem suam in villâ quæ vocatur Aimistadi super fluvio VVielheo in pago Turingasnes.

Superiùs nominatas vel scriptas ego Clemens VVillibrordus trado atque transfundo, ad illam casam Dei superiùs nominatam Epternacum, vel ad illam sanctam congregationem Fratrum ibidem Deo seruientium; eâ verâ ratione, ut quidquid de iisdem rebus superiùs nominatis facere decreuerint, in omnibus habeant potestatem faciendi, ut & ibidem omni tempore pro nostrâ mercede vel seniore nostro Carolo Maiore domus, seu eorû hominum qui mihi

suas res tradiderunt, proficiant in augmentis.

Et illud placuit nobis inferendum. Si fuerit ullus de heredibus vel proheredibus meis, seu qualibet opposita aut extranea persona seu iudiciaria potestas, quæ contra hoc testamētum vel donationem meam, quam ego Clemens Villibrordus Episcopus sanā mente, plenōque consilio & deuotione integrā fieri iussi, venire aut agere vel eam infringere voluerit, & si ista charta ei ostensa ad relegendum fuerit presentata: sibi ipse exinde compescere noluerit, in primis iram Dei omnipotentis incurrat, & sanctorum Angelorum, & ab omnibus ecclesijs, vel consortio Christianorum efficiatur extraneus, & habeat partem cum Iudā, qui Dominum tradidit, & cum Dathan & Abiron, quos terra viuos deglutiuit, & insuper inserat unā cum forio fisco auri libras decem, argenti pondo quinquaginta coactus exsoluat, & quod repetit euindicare non valeat. Actum anno VI. regnante Theodorico Rege.

Vniuersum Testamentum putauī attexendum, & nefas defrustrare aliquid ab hoc firmamento, in quo fidus illud, cuius ductu *Antuerpum* firmaui, nomen reddidi tot sæculorum noctibus tenebratum: deflexit exinde paullatim, vt humana sunt, & ex *Antuerpo*, *Antuerpia* dici cœpta, hodieque perseuerat. Iam vnde hoc nomen? tenebræ hîc mihi, & non nisi à nouo astro pellendæ.

ergo

ergo opinationes statuam. quamquam ingens adhuc nouarum campus. quis cursum tenebit certum? obscura res est, & in quâ pedem vbique figas in altissimâ nocte. Sunt qui *Handt-u-verpian* à manibus proiectis voluerunt: ac ne quid fabulæ deesset, Gigantem reppererunt, cuius etiâ dentem ostentant palmo maiorem. Credamus habuisse duos supra triginta, quantum os illud fuerit, in quo tot palmares dentes luserint? sex pedes iustam viri longitudinem statuunt, quatuor palmi pedem, vt quatuor digiti palmũ. palmi ergo xxiv. virum dabunt. hunc virum arbitreris ludere inter dentes Gigantis nostri. monstra narro. propiùs etiam subducamus calculum. Concedamus in iusto viro ordini dentium, longitudinem palmarum duorum, quæ duodecima iusti hominis pars est; necessum erit Gigantem nostrum palmos complexum minimum xcvi. qui cubitos xvi. statuunt, pedes xxiii. licet dentium illius ordini non nisi octo palmos concefferimus. Quid si palmos tribuamus xvi. centum & xcii. palmos æquaauerit. qui cubitos xxxii. dabunt, pedes xlviii. quanto hic Goliadâ celsior, quem Scripturâ teste scimus sex tantũ cubitorum & palmi vnus fuisse, pedum nimirum ix. & palmi vnus? Est & aliud in Gigante nostro non minùs portentosum. dens ille quem ad fidem faciendam ostentant, sedecim vncias appendet: cùm interim dens viri maximus

mus, numquam aut rarò drachmam attingat aut excedat: singulæ autem vnciæ cùm octo constent drachmis, necessum fuerit Gigantis nostri dentem, CXXVIII. drachmas appendisse. Iam si à mole dentis, ad reliquum corpus transeamus; cùm in viro sex pedum dens maximus drachmæ sit vnus, quantum arbitrabimur Gigantem nostrum, in quo dens vnus drachmas pendet centum viginti octo? Scio veteres variè fabulatos, credulitatisque facilitate ad immania Poëtarum somnia deductos. Memini Maronis:

*Hic & Aloïdas geminos immania vidi
Corpora, qui manibus magnum rescindere calum
Aggressi, superisq; Iouem detrudere regnis.*

Et alibi eleganter:

*Fama est, Enceladi semiusctum fulmine corpus
Urgeri mole hac, ingentemq; insuper Ætnam
Impositam, ruptis flammam exspirare caminis;
Et fessum quoties motat latus, intremere omnem
Murmure Trinacriam, & calum subtexere fumo.*

Quid si ingenti vrbs huius mole urgeri Gigantem nostrum dixero? Pari felicitate Pindarus:

Ὅς τ' ἐν αἰνᾷ ταρτάρῳ κεῖ-
ται θεῶν πολέμιος
Τυφῶς ἐκατηκάραντος, ἐν ποτὲ
Κιλίκιον πρέψε πολυώ-
ρυμον ἄντρον, νῦν γε μὰν
Ταίθ' ὑπὲρ Κύμας αἰλιρκέες ὄχθαι,

Σικελία τ' αὐτὸς πῆλξαι.

Στέρνα λαχναίνου κίων

Δ' ἔρηνία συνέχει.

Νιφόρος Ἀΐτνα πάντες

Χιόνος ὀξείας πθίνου.

Qui in horrido tartaro iacet

Deorum hostis,

Typhon centiceps, quem notissimum

Cilicium aliquando nutriuit antrum,

Ipsius nunc ultra Cumas sepientia mare

Litora, & Sicilia hirsuta premit pectora.

Ninosa vero Aetna nimis perpetuo acuta

Sen frigore trentis nutrix, columna adinstar

Calo minantis ipsum cohibet.

Nescio an non Gigas noster, si non centiceps *Typhon*, centimanus *Briareus*, inter Centauros stabulans, horrendum

Aestuet, atque omnem Cocyto eructet arenam.

Concedamus aliquid Poëtis, quibus facile semper in mendacio ingenium. hic hydram felicibus renascentem reperit vulneribus; ille Centauros, equos hominibus suis somniauit implexos; alius *Mercurium* alatum, ac *Trimiam* trinis capitibus ac multis manibus horrificam: quidam de hominibus aues, flores, arbores, deque feris homines ingeniosâ naturarum demutatione fabulati sunt. Et ne soli Poëtæ fabulas populo venderent, reperi-
ti Philosophi, qui humanam animam pro merito-

rum ratione, hîc insultantem in aquilâ, ibi desultantem in anguillâ, alibi in sterquiliniorum bestiis vermium venena ruminantem, statuerent: ac modò transeuntem in capram, modò in balenam, inde in coturnicem, imò & in cadauerinam, rursusque in humanam; semperq. memorem sui, in vrsô, in leone, cane, talpâ, vespertilione. Fuerûnt & Historici, ne quid deesset somniorum vanorum, qui Poëtas imitati, naturæ an ingenij sui portentis, narrationes farserunt. Plinius in Cretâ cadauer narrat repertum sex & quadraginta cubitorum, Strabo in Tingi Mauritanix ciuitate, sexaginta cubitorum, Boccatius non longè à Drepano cubitorum ducentorum; ita cum ætate crescunt fabulæ: *Pallantis* corpus altitudine Romana superasse mœnia, vulnusque à *Turno* illatum quattuor pedum hiatu patuisse, à Bergomâ Eremitâ ex Martino accepimus. Quantum ergo vulnus, quo periit, accepit Gigas noster? & quo ense vastissimi illius corporis amputata manus est? Iam quid potuit ad omnem fabulam explendam reperiri accommodatius, *Brabonem* *Cæsaris* collegam, *Alcidem* nouum, *Druonis* nostri, rediuiui *Erycis*, manum præscidisse: tam nobile collegæ sui factum aut ignorasse *Cæsarem*, aut prefisse silentio, qui non tacuerit *Sextum Baculum*, *C. Volusenum*, *T. Pulsionem*, *L. Varenum*, pluræque inferioris notæ & operis?

Beca-

Becanus noster *Antuerpiani* à Belgico *aen-werpen/*
adiectu, vel *aen-de weruei apud aggerem*, deducit,
 felici semper coniecturâ. Ego nihil hîc pugno. *Be-*
canum tamen præeuntem lubens sequor. Nam in
 tam confusâ ac diffusâ planè re, tamquã in paten-
 tissimo Oceano, propiùs ille mihi portum tenuit,
 & viam tãdem aliquam signavit tamquam astro.

CAPVT VI.

Marchionatus Antuerpiensis.

Q Vis ad genus suum deducat? obscura res
 est. & ferè initia rerum annorum mole la-
 bant, & primigenio destituta fidere, tamquam
 per obscurum noctis aut densam nubem cælum
 ostendant suum. E manuscripto Lipsiano codice:

Henricus genuit Henricum Louaniensem:

Quilibet istorum Romani Marchio regni.

Nouitia hæc. *Vuassenburgius* à *Tungrorum* Prin-
 cipibus deducit, inde ad *Carolum Magnum*, po-
 sterósq. audax factû. at nescio an pari robore. ex
 voto meo velim stare auctori fidem. *Lazius*, *Be-*
canus, *Lipsius* ad annum trahunt 1091. *Vtilonem*
 enim *Theodonis* magni Boiorum Ducis fratrem
 honorariâ *Marchionatus* Antuerpiensis præfectu-
 râ, à *Theodorico* Ludouici Magni Gallorum Regis
 filio, donatum volunt: adnitente cum primis
Theodeberto, *Theodorici* filio, qui *Clochilaicum* Da-

norum Regem post ingentes abactas prædas, depopulataque hostiliter vicina Marchionatui loca, terrestri ac nauali clade, ad internecionem deleuit, consilio manuque potissimum *Vtilonis*; cui etiam sororem in vxorem *Theodebertus* dedit. è quo matrimonio *Caroli Magni* magnum genus. Magnum proinde *Marchionatus* nomen, à quo tantorum progenies Regum, mille & quod excurrit annis, nusquam interruptâ serie, cõtinuata, in *Hispania Reges Austriacamq;* se diffundens domum. Hic ergo tot Principum primordia, tot Imperatorum eunabula, non Romanorum modò, sed & Ierosolymorum, quorum princeps *Godefridus*, in Antuerpiensi Marchionatu suo, exercitus in Asiam ducendi primitias roboraque delegit. ac in ipsâ adeò vrbe, *Equestri* titulo ciues duodecim, duodenario Apostolorum numero prouocatus, decorauit, maximæ rei magna in hoc Apostolico delectu initia daturus, dum felici omine, ex vnâ hac vrbe secuturarum victoriarum prænotationem quamdam, spe plenus è sacro hoc numero, ominatur; & spem, acti de *Turcis Saracenisque* superarunt triumphî. Quis proinde vetet gloriari *Antuerpiam*, tot Regum Principumque parentem? tot Imperiorum matrem? ferè enim quæ eueniunt origini debemus. quam si tollis, omnem secuturam seriem præscindis: neque iam vlla euentuum posteritas numeretur.

Quo

Quo verò loco *Belgij* Principes, sacri hunc Imperij *Marchionatum* habuerint, vel ex eo colligas, quòd *Marchionatum* vrbi antetulerint. Cùm *Anno* enim *Ludovicus* Flandriæ Comes à *VVenceslao* 1357. Brabantia Duce *Antuerpiam* impetrasset, nulla quantumvis ingens pecunia digna visa fuit, vt *Marchionatu* cederet. Quare cùm urbem feodalitio iure Comes possideret, caruit *Marchionatus* titulo: & licet tenuerint Flandriæ Comites urbem in annum M. CCCCI. cùm ad Brabantia Duces rediit, *Marchionatu* tamen exclusi fuerunt.

CAPVT VII.

Arx siue Burgum: per antiquam videri.
Oppidi incrementa.

ARX siue *Burgum* vetus mihi, quo nunc loco templum *D. VV alburgis* sororis *D. Bonifacij* magni Germaniæ Apostoli. ac si Annalibus credimus, ante annos mille, non fuit inter *Belgij* vltimas: ipsaque structura vetustatem loquitur, cui-cumque ferendo æuo idonea. cuius si aream consideras, metire muri qui flumine alluitur extimam partem, mille minimùm passus complectitur.

Hæc prima vrbis initia, vetera indubiè, & quæ Romanam ostentant ætatem, aut hac maiorem. sed per exiguo ambitu. Creuit deinde ante annos mille, adiectione vicini agri. complectitur hic

nunc *Senatoriam domum*, *Dominicanorum* & *Sororum nigrarum* cœnobîa. auxit iterum pomerium *Henricus Dux*, anno MCCI. ita iis qui protulere imperium, vrbis etiam terminos propagare datur. continetque hæc nunc area *D. Virginis* ædem sacram, *Prioratum S. Salvatoris*, domum *Patrum Societatis Iesu*, Sacella varia. maior tamen accessio facta sub *Joanne III. Brabantiæ Duce*, anno MCCCXIV. claudit enim hic locus ambitu suo, Tēpla SS. *Michælis*, *Georgij*, *Andree*, *Iacobi*; cœnobîa, locaque sacra plurima, *Franciscanos*, *Carmelitas*, *Capucinos*, scholas *Societatis Iesu*, *Augustinianos*, *Alexianos*; *Hospitale* maius, *Nonnas*, *Tertiarias*, *Albas sorores*, *Clarissas*, *Annuntiatas*. Iterum pro fortunâ crescente populo & opibus termini producti, sub *Carolo V.* anno MDXLIII. elegans & diffusum opus, & quod in mille & sexcentos in longitudinem passus extendatur, in latitudinem in quadraginta quatuor supra ducentos: est hic *Oosterlingana* domus ampla & venusta. tandem *Castrum* cum planitie suâ accessit anno MDLXVII. sub *Philippo II.* Hispaniarum Rege.

Iam mœnia qui curiosius speculatus, facile videbit, nullis *Europâ* totâ cedere, ita è viuo patrio marmore solidè firmata, procurrentibus passim validissimis propugnaculis in mutuam tuitionē, mutuum prospectantibus. De quibus hoc audeo: certasse hic omnium artificum ingenia, hostibus
ad

ad terrorem, ciuibus in præsidium: tantâ interludente venustate, vt dū molem spectas roburque, arbitreris omnem abesse elegantiam; hanc si intuearis, putes deesse robur: rarâ in humanis mixtione, roboris & venustatis. Si latitudinem quæris, patentissima est: nam & in supremâ planitie, tamquam in summo vertice procurrit in pedes cx. Validum opus, & quod magis mireris, arboribus perpetuis consitum, tam scitè & ad lineam, vt nulla, conetur licet, dentem imprimat invidia: ita extra etiam omnem contumeliam elegantia est. Urbis portas è solidâ credas rupe stare, opere omnes Dorico: vt meritò dubites, elegantia, an firmitas vincat. Quid referam fossas quæ mœnia ambiunt? ingentes omnino in orbem ductæ, quâ fluuio diffidebatur; nam reliquâ partem latissimum flumen tutatur. Ædes mirâ felicitate ad omnem negotiationem, varietatem, splendorem, ingenio plurimùm in iis naturam superante, numerat Guicciardinus tredecim millia & quingentas (& superest etiam ædificando area: cuius si amplitudinem metiaris, tribus minimùm millibus locum præbeat) plateas supra ducentas; quas in laxissimum non rarò prospectum, & qui cuiusvis oculos fugiat, videas protensas; ædium circumsecus elegantiâ, & quæ continuâ quasi serie ad ostentationis inuidiam æmulumque splendorem depugnent, firmatas. Nihil persimile huic *Europâ*
totâ,

totâ, seu viarum laxitatem, & ad perpendicularum ductus, seu augustam ædium amplitudinem intuearis: quas non tam priuatorum quàm Principum arbitreris vsibus destinatas. Accedunt adhuc supra sex & viginti fora vario opulentata mercatu.

CAPVT VIII.

Frequentia. ciuium multitudo. ingens negotiatio.

TAM varia vrbis incrementa quid aliud docent? neque producta hæc ad terrorem, aut ad nudam ostentationem profecta. Quid quòd ætate nostrâ cogitatum seriò de nouo augmento, veriùs, de nouæ vrbis conditu; quæ vniuersam propè hanc quam videmus, ambiret immani flexu? nec cogitatum tantùm, sed initia ducta, & progressum non infeliciter. vetuerunt tempora, & in medio cursu conatû præsciderunt. Magnum alioqui paremqu; operi architectum nacti eramus, *Gilbertum van Schoonbeck*; & quo meritò se iactet *Antuerpia*, componatque cum quocumque veterum. Viuere desijt præmaturè, ætatis anno XXXIX. longiore vitâ dignissimus. credas tamen sæculum vixisse, si quæ in veteri, si quæ in vrbe nouâ, ab ingenio & manu illius, intuearis. prodigia sunt: nec tantorum annorum, sed multarum ætatum opera, ac non nisi à Regum ærariis. quæ si propiùs discussseris, dubites, audaciore ingenio, an feliciore manu

manu peregerit. & cogitabat maiora. suburbia, in quibus supra duo ædium millia, ac inter has, Regum magis ac Principum, quàm priuatorum domus longè plurimas, fossâ & mœnibus claudere.

Omittamus cogitationes, rem ipsam aggrediamur; & frequentiam aliquando, tamquam è scenâ aut theatro, spectandam proponamus. decurram per capita, & non nisi punctuatim, quasi per summum verticem, aut capillum, singula. Frequentatissimos annos reperio, quinquagesimum sextum, & qui sequuntur in septuagesimum septimum. Erant urbem incolentium, supra centum millia. desumam in huius rei fidem, è veteri codice anni 1568. numerum. censa illo anno civium capita, in primâ regione seu tribu (*wijcken* linguâ nostrâ nominant) 6239. in secundâ 5929. in tertiâ 6124. in quartâ 6512. in quintâ 5218. in sextâ 5810. in septimâ 9627. in octauâ 6943. in nonâ 7419. in decimâ 7529. in vndecimâ 7234. in duodecimâ 7164. in decimatertiâ 8248. capita ergo vniuersim 89996. Hæc civium. erant eodem anno variarum hîc gentium familiæ, quæ domicilio locum delegerant. capita in his 14985. erant proinde capita 104981. atque hæc extra nautas, quorum ingens numerus in nauibus. Erant super hæc in suburbiis capitum 50. millia, quibus ius ciuitatis, non secùs ac in vrbe natis. iam peregrè

aduentantes quis enumeret? lego anno CIOIO-
 XLIX. LVI. LIX. LXI. numerata ciuium & aliunde
 accedentium capita, suprâ CC. millia. nemo mi-
 rabitur, qui cogitauerit, quanti hîc è variâ gen-
 te, Germani, Hispani, Lusitani, Angli, Genuen-
 ses, Florentini, Mediolanenses, Lucenses, Pisani,
 quanti que è reliquis Italiæ, adeoque & Galliæ vr-
 bibus: sanè è solâ Hispaniâ, trecentas aliquando
 incoluisse hanc urbem familias accepimus, poten-
 tes plerasque, & quæ ingentes secum opes trahe-
 rent. Quid quòd statâ bis de die horâ, meridianâ
 & claudente diem, supra quinque hominum mil-
 lia, in destinatum negotiationi locum conuenire
 solita? & numerat *Guicciardinus* CCC. ætate suâ pi-
 ctiores, sartores ICC. aurifabros CXXIV. chirur-
 gos CX. pistores CLXIX. omnes familiarum ducto-
 res, & arte suâ magistros.

Transeamus ad res ipsas. Naues non semel in
 flumine bis mille & quingētas spectauimus, cū
 in anchoris posteriores starent, duas, tres etiam se-
 ptimanas, priusquam terram aut tenerent comi-
 nus, aut onere se leuarent; nec erat dies, quâ non
 quingentæ minimūm ad nauigarent, aut enauiga-
 rent omnium generum mercibus onustæ: ac vno
 non rarò maris æstu cccc. appulisse accepimus.

Iam currus vix fidem inueniant. nullâ dies non
 ducentos vidit vectoribus grauidos: taceo Ger-
 manica plaustra, Hansatica, Lotharingica, Galli-
 ca,

ca, quæ nullâ non septimanâ millia adæquarent, sub amico pondere gementia: taceo rusticos carros omnis rei commeatum deportantes, qui hebdomadatim, decem millia superarent: taceo in animorum laxamentum, in luxum etiam fastumque destinatas rhedas facilè quingentas. quæ singula quanta fuerint, nemo non videt.

Quòd si ad negotiationes ipsas, remque pecuniariam, oculos animumque reflexeris, maiora videbis. Dixeram in *Antuerpiâ* meâ, quinquaginta auri milliones, annis singulis, in rerum emptionibus, ac venditionibus, in vnâ hac vrbe absumi solitos; corrigo. inuenio namque accuratiore disquisitione, nullo non anno è suprâ recensitis, quingentos argenti milliones, auri nimirum centum triginta tres, & quod excurrit, in rerum emptionibus venditionibusque erogatos. atque hoc extra campsualem pecuniam, illam reciprocâ, & tamquam adlabentis relabentisque Oceani æstu, adfluentem refluentemque statâ accessione & fugâ; dum per vniuersum orbem inambulat fenerario itu redituque. hanc nulli propè numeri, arithmetica nulla expleat. Fuit hoc: eritque, vbi benignior afflauerit cælestis aura.

Finio hoc caput meliore negotiatione, ingeniorum & liberalissimarum artium: quarum, in vnâ hac vrbe, ludi fuerunt supra CL. omnium scientiarum linguarumque vernacula domicilia. hinc

plerique antequam pedem vrbe extulerint, omnium loquuntur linguis: nec viris hoc tantum, sed & mulieribus perfamiliale est.

CAPVT XI.

Aduersa vrbi.

O *Nulla longi temporis felicitas!*

Incrementa dedi, imminutionem videamus. humana hæc: summa petimus, vix media attigimus, & præcipitio locus est. Vbicumque te paullo è plano & supra hanc aream erexeris, casum time. Quid quòd in ipsâ arenâ deiectâ, & humili, lapsus. Irruunt fortuiti casus, aut *Dei* imperio lasciuiam & fastum depressuri, aut ab opibus, & grandi populo, dissidia & in partes sectiones. Publica priuataque narro. Extrema passam à Danis Antuerpiani, ac in ignibus totam cõsedisse vetus codex testatur anno DCCCXXXVII. vrbs deinde partem maximam,

In segetem veluti cum flamma furentibus Austris incidit, vna absumpsit flamma, anno MCCXXXVI. sæuiit eadem, tres nobilissimas depasta plateas, *Nieu-straet*, *Kip-dorp*, *Keyser-straet*, anno MCCCXCVI. ingensque rursus ignis anno MCCCCLVI. & anno CCCCLXI. ac ante hæc, anno MCCLXIII.

Anno
1533.

Erat post hæc negotiationi designata domus ampla

pla & nobilis, & qualem nulla viderunt regna parem. valuit hîc flamma. ita nihil æternum. volunt fata, & tamquam imprudenti nexu tollunt deprimuntque, ibi humilem casam, hîc Regum domus: & qui steterunt cælo vertices inuidiam facturi grandini & nimbis, versi in cineres plebeio calcantur pede.

Anno
1583.

Arcem huius vrbis quis ignorat? nullum viderat Europa validius propugnaculum. vix decem annis steterat, cùm pars maxima æquata solo. nec multò, surrexit iterùm tamquam post busta phoenix funeri superstes suo.

Edificari cœpta anno
1567.

Anno
1577.

Senatoriam domum, principem vrbis domum, vidimus superbo stantem vertice: vidimus iacentem ab insolenti calorum manu; eademque flammâ septingentas priuatorum ædes sub ingenti diuitiarum mole fatiscentes, paucis horis absumptas. Quid? tot opera, quæ lustrare singula singulas vrbes poterant, horulâ euerti vnâ, vt propè Antuerpiam Antuerpiæ quæramus? Quid querimur mortales? an inexpectata aggrauant, & nouitas adiicit calamitatibus pondus? non hac lege intrauimus, eandem exituri? inter peritura nascimur, viuimus, cadimus. Circumfer oculos, an non quo quidque fulsit speciosius, cecidit citius? non quidquid longa sæculorum series struxit, dies vnus spargit, & dissipat? non, vt alia desint, domesticus aut externus hostis, nullo impellente,

Anno
1560.

Anno
1576.

quæ ætates plurimas tulerant, ruunt? & non ubi
nunc Campiniæ solitudines, exsurgere regia po-
test? & in quo nunc turba suffocatur, fieri solitu-
do? Pilæ fumus, ludi mortales fumus. Intueamur
hec fortuita, omnia, singula: & ubi accuratiùs cun-
cta lustraerimus, quid aliud Fortuna facit, quàm
vt in hunc mortalium cœtum, diuitias, honores,
regna, imperia, gratiam spargat? quorum quæ-
dam inter diripientium manus scissa sunt: alia infi-
dâ societate diuulsa; alia cum ruinâ eorum, in quos
deuenerant, pressa. omnia denique dum aut ra-
piuntur, aut possidentur, vel cum animâ excussa.
Quid ergo, damno hæc munera? nihil dico. & ta-
men vnum dico: prudentissimum quemque, ex
voto Senecæ, dum induci videt munera, à thea-
tro fugere; scit enim magno parua constare. At
plerique hîc inter primos versantur, ubi spei aut
lucris aliquid circumspiciunt; nec vnâ contenti
manu, plures vouent. Miseri! qui vilem non rarò
quæstum, ingenti ruinâ luunt: & dum singulis in-
hiant auidi, omnibus excluduntur. Vis monen-
tem? secede mecum quisquis es ab his ludicris, &
da raptoribus locû. Veniet dies, & fors iam pulsat
fores, quæ prædâ & raptoem suû raptu rapiet vno.
Quid igitur? virtutem sequere. Nulla hanc flâma,
ruina nulla, inferiùs adducet, aut à celsò mouebit
vèrtice. Hæc vna moueri nescit: statâ enim illius,
vt cælestium, magnitudo est, & immota quies.

Verùm

Verùm ad aduerfa . inceperam à flammâ , finio in illâ . Templum *Dei Matri* sacratum , absumpsit edax ignis , & quidquid hîc magnum , præter turrim & chorum , sustulit vna dies . non vmquam tulit, Anno 1533.

Documenta fors maiora , quàm fragili loco starent , quæcumque humanâ fabricata manu . vix vna dies interfuit inter augustissimum *Europâ* propè totâ templum , & nullum . eoq̃ue hic casus tristior , quò ferè sine exemplo . Multa namque templa , incendia , aut de cælo fulmina vexarunt ; rara tam ingentia abstulerunt , tam breui morulâ tanta depasta sunt . Vnum solatur , nescio an alteri , vrbi sanè vestrę proprium , surrexit augustius . Ita ferè , quidquid hîc periit , perijsse credas vt resurgeret altius . felicitas hæc vestra est .

Intra mœnia hæc euenerūt . extra illa , ingentia à *Rossemio* damna illata . sæuiit ferro & igne : sed ferè Anno 1542. in imbellem rusticam manum , in ligna & lapides , in templa & monasteria , *Cartusianorum* , *Nonnarum* , *Beginarum* , *V Villibrordi* , in quidquid sacrum profanumq̃ue . Quid magnum fuit sternere quæ nullo propugnatore defendebantur ? Non est viri , ferocire in lapides , in non percussuram calcem . Viri est , vbi hostem ostenderis , vbi inimica agmina , vbi hauriendus aut dādus sanguis , stare impavidum , occupare priorem , & , si quid prosperum aduenerit , instare fortunæ ; sin secus , abolere ignominiam


miniam fortibus ausis. nam in prosperis ferocem esse, muliebris ingenij est: & ferè qui in secundis, vbi nulla contrà dextera steterit, sæuiunt, his in aduersis

Refugiat timidis sanguen, atque albescant metus;
nec à ferro aut manu, sed à solis pedibus auxilium petant.

CAPVT X.

D. Virginis ades, reliquaq; Urbis paræcia.

QVALE per incertam Lunam, sub luce malignâ,
E st iter in siluis;
tale hîc mihi, si ab origine primâ eruenda & nar-
randa singula. Hoc certum, in æde illâ principe
non semper fuisse Canonicos, nec tenuisse hunc
locum. alterum non minùs certum: Præpositum
hîc olim fuisse, magnâ dignitate, qui duodecim
Canonicis, vniuersoq; præesset Clero. sedem ille
fixerat, vbi nunc templum Archangelo *Michaëli*
sacrum. cessit loco, rarâ largitate, rariore etiâ, cùm
Canonicatibus quattuor: quos *Northerto* Præ-
monstratensium conditori, ob res præclarè in hac
republicâ gestas, cum Ecclesiâ tradidit, locum ipse
sibi suisq; delegit alium. Fama tenet fuisse hîc
sacellum *Dina Matri* sacrum, & 400. annis cla-
ruisse miraculis frequentibus & magnis; quin &
perseuerasse prodigia in annum M. D. XXXIII. cùm
incen-



TEMPLI D. VIR
VERA DE



INIS MARLÆ
INEATIO.



incendio Ecclesia periit. quæ ut primū vrbi reddita est post immanes cineres, reddita & prodigia esse: paullatim tamen refrixisse, fiducia labante. Fide enim & spe miracula ferè surgunt, perstantque. ea si tepescant, ac pulso quasi gelascent calore, miraculorum cursum stare, nec iam vltra arentia benigniore fluxu suo rigare videmus pascua. Ego tamen nihil in hac re audentius affirmo; nec ausim in tot ætatum decursu, certioribus destitutus. Hunc tamen delegisse Præpositum locum res loquitur; reliqua obscura. ante Nortbertum fuisse nemo dubitabit. quot antè annis, quis eruat? Dicam testata è veteri manuscripto codice: *Godefridus Bullionensis, qui anno M. XCVI. cum multis Principibus Belgicis in expeditionem Ierosolymitanam profectus, anno M. XCIX. eam cepit, & primus Ierosolymorum Rex creatus est; Decimam duorum manipulorum, quam ab Imperatore in feudo tenuit, Ecclesie D. Archangeli Michaelis ad usum Canonice ibidem seruientium contulit.*

Erat tunc Ecclesia, nec ignobilis, Præpositus, Canonici, in quos Ierosolymorum Rex ab ipsâ Palæstinâ munificentiam testari voluit. Nec stetit hæc liberalitas in vno Rege, transiit ad Imperatorem: habes in eodem codice: *Henricus IV. Romanorum Imperator, anno M. C. XIX. litteris sigillo suo munitis, consilio & petitione Godefridi Ducis, concessit Ecclesie S. Michaelis Archangeli sita in Burgo qui*

dicitur Antwerp omnem decimam qua continetur à terminis Zantflit usque Olmezemuthen, ita ut quartam eiusdem partem Ecclesia Præpositus sibi retineat, & reliquas in usum Fratrum conferat. Ratam donationem hanc habuit Lotharius. verba codicis sunt: Lotharius tertius Romanorum Imperator anno M. C. XXXV. indictione II. anno Regni sui S. Imperij II. omnem decimam ab antecessore suo Henrico IV. collatam, cum integritate Præpositura, & omnibus appendiciis suis Ecclesia sancta MARIÆ in Burgo qui vocatur Antuerpia assignat. Conditorem sanè suū agnoscit hæc Ecclesia Godefridum Bullonium, & publicè testatum reliquit: Regnante in terrâ sanctâ felicitis recordationis Illustrissimo Christianissimoque Principe fundatore nostro Godefrido de Buillon Ierosolymitanorum Rege. Hæc Decanus & Capitulum, in veteri membranâ, anni M. CCCCX. Iunij die X.

Sequitur in superiore manuscripto codice: Anno M. CXXIV. Præpositus se transtulit cum octo præbendis ad Ecclesiam S. MARIÆ. quam Burchardum Cameracensium Archiepiscopum sacrasse docent hi versus:


*Vndecies centum ductis & sex quater annis
Virginis à partu conciliante reum,
Burchardus Præsul hæc atria, nec minùs aram
Sacrauit, mediam qua tenet Ecclesiam.*

Octo deinde Canonici transierunt in duodecim:

cim: anno verò M. CCXL. in XXIV. Laudanda res; &
 nescio an hoc æuum exempla donet. vltroneæ
 huius depauperationis, cùm octo in opum sua-
 rum societatem quattuor euocant. nec his con-
 tenti, alios adsciscunt duodecim, quos vt dignita-
 te, ita prouentuum accessione æquant per omnia
 sibi. Denique in eodem codice hæc lego: *Feriâ se-*
cundâ post Omnium Sanctorum anno M. CCLVII. ordi-
natum in Capitulo fuit, vt post decessum vel cessio-
nem G. de Per-u-veys Præpositi, commutetur nomen
Præpositi in nomen Decani: qui eamdem haberet iu-
risdictionem quam Præpositus, & duplicem præben-
dam sicut olim Præpositus. Fuit dicta Capitularis or-
dinatio per Præpositum G. de Per-u-veys ratificata,
& postmodum per Nicolaum Episcopum Cameracen-
sem, Alexandrum IV. & Urbanum IV. Romanos
Pontifices. Primum à constitutione hac Decanum
reperio Henricum Nose anno M. CCLXXI. longâ
exinde & nusquam interruptâ serie duos & vi-
ginti numero. Pontificem inter hos vnum. Adria-
num VI. Archiepiscopum Bisontinum vnum
Franciscum Busleydium: Episcopum etiam vnum
Carolus Masium Ipreensem, mox Gandensem,
qui in Decanatu successorem habet Ioannem
del Rio.

Transiit tandem Collegiata hæc Ecclesia, an-
 no M. D. LIX. in Cathedralem, ad laborante Phi-
 lippo II. Hispaniarum Rege, Pontifice Paulo IV.

Verba dabo; quoad ealicit ex erectione nouorum per *Belgium Episcopatum* defruſtare. ac primò *Antuerpienſem* Eccleſiam eximit à Camera- cenſium iuriſdictione Pontifex: *Ex certâ ſcientiâ, de fratrum noſtrorum conſilio, ac de Apoſtolica plenitudine poteſtatis, ad Dei omnipotentis honorem, & ſanctâ ipſius Eccleſiæ auctoritatem*, Antuerpienſem Eccleſiam atque Dioceſim *auctoritate Apoſolicâ*, tenore præſentium perpetuò eximimus, ſegregamus, diuidimus, & ſeparamus ab omni iuriſdictione, poteſtate, & ſubiectiõne, Archiepiſcopi & Capituli Cameracenſis, atque à ſolutione decimarum, aliorumq; iurium, Archiepiſcopo & Capitulo ratione iuriſdictionis, ſubiectiõis, & legis *Dioceſana & Metropolitana debitorum*. Firmat deinde *Cathedralem* Eccleſiam, & quidquid hanc tangit. ac è veteri & *Sedi Apoſolica* conſuetâ formulâ, Antuerpienſe oppidum in ciuitatem erigit: Eccleſiamq; *B. Virginis Collegiatam* in *Cathedralem*. Põtificia verba ſunt: *In Cathedralem, conſilio & poteſtate & auctoritate & tenore præmiſſis, erigimus*. ac in eâ Episcopalem dignitatem, cum ſede Episcopali aliisq; *Cathedralium Eccleſiarum* inſigniis, honoribusq; & privilegiis, quibus ceteræ *Cathedrales Eccleſiæ* de iure vel conſuetudine utuntur, vel uti poterunt, ſimiliter erigimus, & inſtituimus. Antuerpienſi demum in *Cathedralem* erectæ, aſſignat territorium ſeptem oppidorũ cum pagis interiacētibus (qui ſunt ad CXLIV. quos







quos in iconismo huius Diœceseos hîc inserto videre est) *longitudinis quinquaginta sex, latitudinis triginta millium passuum similium.* Hæc Pontifex. Habuit verò Ecclesia Episcopos, I. *Philippum Nigrum*, de quo possum illud;

*Ostendent terris hunc tantum fata, neque ultra
Esse sinent.*

II. *Franciscum Sonnum*, qui è Siluæducensi sede ad hanc venit anno M. D. LXX. decessit anno M. D. LXXVI. III. *Lavinium Torrentium* ex Archidiacono & generali Vicario Leodiensis Ecclesiæ, anno M. D. LXXXVII. abiit ad meliora M. D. XCV. de quo liceat illud Maronis: non hæc

Vllo se tantum tellus iactabit alumno.

Heu pietas, heu prisca fides, innictaq; Virtus,
duris asperisque infracta rebus! IV. *Guilielmum de Bergis* ex Decano Leodiensi, & primâ nobilitate Belgicâ, anno M. D. XCVIII. abeuntem ad Camera-censem Archiepiscopatum anno M. DCI. luximus; mortuum etiam magis, anno M. DCIX.

— *manibus date lilia plenis;*

Purpureos spargam flores,
vt momumentum

His saltem accumulem donis, & fungar inani,
amico tamen & obsequioso munere. V. *Ioannem Miranum* anno M. DCIV. seruet hunc vrbi DEVS. Surrexit sub hoc Seminarium Diœcesanum, magnorum successuum grande initium; quo illi no-

mine pij omnes debent gratiam, locupletes operam, reliqui votum è meliore vitâ.

Sunt extra summam ædem *Parœcia* quattuor. in quibus nihil admodum habeo quod lectorem mereatur, nisi quis ea volet, quæ è veteri membranâ: dabo.

S. GEOR
GII.

Nos Decanus & Capitulum Ecclesiæ Collegiatae B. Mariæ Antuerpiensis, ad supplicationem & instantiam Burgimagistrorum & Legislatores, nec non communitatis oppidi Antuerpiensis, & aliis certis ex causis & respectibus moti, concessimus, quantum in nobis est, & de iure possumus, quod in Ecclesiâ Parochiali S. GEORGII dicti oppidi, quæ etiam filia ipsius Ecclesiæ B. Mariæ existit, erigatur fons baptismalis pro infantibus ipsius parochiæ S. GEORGII baptisandis. anno M. CCCG. LXXVII. XV. Maij. Pontificatus Sixti VI. anno VI.

Fuisse ante hanc concessionem *Parœciam*, concessionis verba docent: quin & fama est vetustissimum vbi templû esse, sed fama tantum. quot ante concessionem annis, quis dabit? Reperio tamen in Manus. codice anno M. CCCIV. altare ibi DD. Petro & Paulo sacratum, additumque coemeteriû, monumentum nimirum victoriæ diei illius ab Antuerpiensiû Marchione à Flandris relatæ: sed & in veteri chartâ, anno M. CCI. fuisse hanc Ecclesiâ, nō ignobilis eâ ætate pagi. Ego nihil affirmaverim.

S. VVAL-

S. WALBURGIS proxima priori Ecclesia ^{S. VVAL}
est: testatur id constitutio Sixti IV. anno VII. & ^{BVRGIS.}
concessionis verba,

*Nos Decanus & Capitulum Ecclesia Collegiata
B. MARIE oppidi Antuerpiensis, Cameracensis Dix-
cesis, ad supplicationem & instantiam Burgimastro-
rum, & Legislatores, & communitatis incolarum,
Parochia castri oppidi predicti, alijsq; certis causis &
respectibus moti, consentimus, quantum in nobis est &
de iure possumus, quod in Parochia Ecclesia S. WAL-
BURGIS castri dicti oppidi, qua filia ipsius Ecclesia
B. MARIE existit, erigatur fons baptismalis pro in-
fantibus Parochia dicta Ecclesia Castri baptizandis;
quodque constituatur ibi cœmeterium pro funeribus
ipsius Parochia sepeliendis, nisi alibi suam elegerint
sepulturam. Actum anno M. CCCCLXXVIII. I. Martij.*

*Fuisse D. VVALBURGIS Ecclesiam Parochia-
lem, ante hanc concessionem, clarè docent Pon-
tificia Sixtina verba, quæ habes in ipsâ institu-
tionis formulâ, ubi dicit solitos in hac Ecclesiâ,
qui illi præessent, Nubentium benedictionem impen-
dere, Pœnitentiæ & Eucharistiæ Sacramentum mini-
strare: additq; fuisse admodum graue & damnosum,
pro Baptismatis & extrema Vnctionis Sacramentis,
ad matricem Ecclesiam recurrere, & ad illam dece-
dentium pro tempore eorum corpora tumulanda de-
ferre. Erat proinde ante Pontificiam hanc institu-
tionem, Decaniq; & Capituli concessionem, Pa-
rochia:*

rochia: sed quæ careret *Baptismatis & extremae Vnctionis Sacramentis*, & cœmeterio. quæ hoc demum anno concessa, concessionis verba docent. Quot verò antè lustris aut sæculis Parochia fuerit, incertum mihi. Hoc certum, in Burgo templum fuisse Arcis areæ superstructum. Nec dubitare hac de re quisquam potest, qui testamentum *D. Villibrordi* legerit, & in illo hæc verba: *Rhotingus mihi condonauit, vel tradidit Ecclesiam aliquam, quæ est constructa in Antuerpo castello, super fluuio Schalde, in pago Renensium, cum appendiciis suis, villis, &c.* Erat ergo iam Ecclesia *Villibrordi* tempore ante annum *DCCXXXVI.* quo ad meliora *Villibrordum* discessisse historiæ tradunt. Aliquis hîc Ecclesiam hæc gentilitium arbitretur fanum, at erat *Rhotingus* Christianus, & Ecclesiam tradidit, *cum appendiciis suis, villis*, testamento expressis, qui ferè mos Christianorum. & vt fuerit gentilitium, vt primùm tamen ad *Villibrordum* venit, quis non credat pulsâ gentilitate ad nos transisse? *Villibrordum* cogitate, & in hoc animum, calorem, zelum, fidei propagandæ robur & studium, inuictumque aduersis pectus.

S. IACO-
BI.

S. IACOBI Ecclesiam æui propinquioris fuisse nihil addubitem. quo verò anno exstructa, incertum. quo in Parochiam erecta, institutio Sixti IV. & Concessio Decani & Capituli tradit.

Con-

Consentientes quantum in nobis est, & de iure possumus, quòd huiusmodi capella S. IACOBI, qua infra limites ipsius Ecclesiae nostrae Beatae MARIAE, quae etiam Parochialis & matrix Ecclesia est, consistit, in Parochialem Ecclesiam aliàs tamen canonice prae-habentem ad hoc potestatem cum insigniis Parochialibus, ut puta fonte Baptismali, extrema Vnctione, & ceteris Sacramentalibus iuxta confinia per nos & praefatos supplicantes consignata & concordata erigatur. anno MCCCCLXXVII. III. Iulij Sixti IV. anno VII.

S. ANDREAE recentior est: docent id Constitutionis Adriani VI. & Concessionis Decani & Capituli verba. S. AN-
DREAE.

Decanus & Capitulum Ecclesiae B. MARIAE Antuerpiensis, cupientes diuini cultus augmentum, & votis & desideriis Illust^{ma} Domina Margarita Austriaca, necnon ciuium & incolarum oppidi Antuerpiensis, satisfacere; consenserunt quantum in ipsis fuit, erigi nouam Ecclesiam Parochialem sub innocatione S. Andree, die XXIX. Maij, anno M. D. XXIX.

Habes in eadem Concessione, fontem Baptismalem & coemeteriũ. Ante tamen Concessionis huius diem, Ecclesiam hìc reperio, cùm è Saxonià Augustiniani anno M. D. XIII. in urbem hanc venerunt. ante horum aduentum tenebræ mihi.

Hæ quinque vrbe totâ Parœciæ . antè vna D. Matris in solidum, & numeris suis omnibus

M m abso-

absoluta Parœcia fuisse videtur. stetitque ad annum MCCCCLXXI. cùm frequentior grandiorque populus, ac in tredecim regiones, quas *VVijcken* vulgò appellant, ritè discriminatus, Parochum vnum onere leuare suasit, addereque priori quatuor. Sed & principem Ecclesiam in duos Parochos dispartiri placuit: vt non quinque, sed sex censerì debeant. Possent designari plures, & staret singulis suus labor: nunc plurima familiarum millia vnum agnorunt: exsurgat qui faciat.

CAPVT XI.

Virorum Cœnobìa, aut loca Religiosa.

LVSTRABO singula, & si quid occurrat litteris aut famâ notum, non omittam.

PRÆMONSTRATENSES, tempore inter Religiosos primi, duce D. NORTBERTO sub annum MCXXIII. in hanc urbem venerunt. Celebre illâ ætate NORTBERTI per Germaniam orbemque vniuersum nomen. qui Adamiticam Tanchelini hæresim, per vicina vrbi loca sæuientem, validè repressit, vesanis impudentiæ illius ardoribus restinctis. ob quam rem, benè, & è voto Antuerpiensium peractam, areâ, domo, temploque donatus. liquidò hoc litteræ docent.

*In nomine sanctæ & indiuiduæ Trinitatis. Ego
Hil-*

Hildolphus Præpositus S. Michaëlis in Antuerpiâ, tam futuris quàm præsentibus in perpetuum. Qualiter præfata Ecclesia nostra ad usus Canonorum Præmonstratensis Ordinis trāsierit, & quā de causā assensus Capituli nostri eis datus fuerit, præsentis scripti attestatione notificamus. Cū in diebus nostris quidam hereticus Tanchelinus nomine in partibus nostris aduenisset, & venenoso sermone à fide & à Sacramentis Ecclesiæ plurimos auertisset; hac de causā ut illa hæresis, quæ provinciam nostram occupauerat, funditus extingueretur, consilio Domini Burchardi Episcopi, & totius populi, & assensu Capituli nostri, Dominum Nortbertum, virum nostris temporibus spectabilis religionis, accersiri curauimus; eiꝯ ac suis Fratribus Regulam beati Augustini seruantibus, suamqꝫ institutionem exsequentibus, supradictam Ecclesiam cum capellis in eius cœmeterio fundatis, & tribus curtilibus & iugero terræ eidem cœmeterio adiacentibus, cum quattuor præbendis, per manus memorati Episcopi tradidimus; circumspeditione vigiles, dignèque perpendentes, quòd eorum saginaremur orationibus, & bonis spiritualibus, si eos sustentaremus beneficijs temporalibus. Nos verò prius numero duodecim, numerum nostrum in octo terminauimus præbendis, & cum his & Præpositura nostra integritatem in Ecclesiam beatæ Mariæ transtulimus. Ceteras verò quattuor præbendas, per omnia eis consimiliter participantibus, proprio nostro arbitrio dedimus. Excepto quòd

allodia & mancipia, qua usque ad hac tempora Ec-
 clesia illa possederat, in nostros singulariter usus segre-
 gauimus. Baptismus verò celeberrimi temporis, vi-
 delicet Pascha & Pentecostes, in Ecclesiâ illâ observa-
 bitur; reliquo autem tempore Parochianus noster ba-
 ptizandis providebit. Infirmos autem visitare &
 communicare, oleoq; inungere, confessiones audire,
 mortuos sepelire, omnibus hac ab eis quarentibus libere
 concessimus. Vt autem tam praeclara beneficentia foedus
 inuiolatum, & inter nos & ipsos semper permaneat,
 hoc definitum est, ut quodcumque munus, infirmus, &
 moriens parochianus, siue in terrâ, siue in aliâ substan-
 tiâ cuius Ecclesiæ aliquid obtulerit, aut pro se offerri in-
 stituerit, per medium diuidatur. Quod verò alienus
 sanus aut infirmus, aut parochianus incolumis dede-
 rit, Ecclesiæ, cui hoc datum fuerit, absque partitione
 possideat. Ipsa verò Ecclesiæ sedulâ omnium exactione
 inuicem iuges sibi debebunt fraternæ charitatis ora-
 tiones, in omnibus necessitatibus sese supportantes. Pro
 commemoratione verò suæ libertatis utraque Eccle-
 siæ persoluet Cameracensi Prasuli aureum nummum
 Antuerpiensis moneta & ponderis, singulis annis in
 festo S. Luca. Vt autem hac rata & inconuulsa perma-
 neant, sigilli nostri impressione, & testium subscriptione,
 qui interfuerint, & hoc donum dederint, annotari cu-
 rauimus. Ego Hildolphus Præpositus S. Mariæ, An-
 selmus Canonicus, Bernardus Canonicus, Giselber-
 tus Porcus, Raduarius Canonicus, Otto Canonicus,
 Ra-

Raduardus scriptor, Ragerus Canonicus, Hildemius Parochianus. Actum autem est hoc anno Verbi incarnati MCXXIV. Indictione secundâ, Epactâ tertiâ.

Dos ergo prima debetur Canonicis anno M. CXXIII. altera Duci anno MCCXI. Senatus etiam non pauca contulit.

Sepulta in hoc templo anno MCCCCLXV. *Isabella Borbonia Caroli Pugnacis vxor, vbi ante gradus principis altaris mausoleum habet.*

DOMINICANI à Senatu populoque in hâc vrben Argētinâ euocati. Dabo euocatorias litteras, veterem ac non nisi Antuerpiensem pietatem spirâtes.

Religiosis & discretis, honorandis, Priori Provinciali Fratrum Prædicatorum Teutonia, & Fratribus diffinitoribus Capituli Provincialis apud Argentinam, Scabini & communitas Antuerpiensis, Cameracensis Diæcesis, salutem & sinceram in Domino charitatem. Quamuis mundanis pulueribus obfuscata comparatione felicitatis spiritualis multarum Ciuitatum, quibus in populo & aliis tēporalibus termini nostri superabundant; nostram necessitatem vobis inuitamur exponere. Cum itaque secundum præsentem statum, ministerium vestrum sanctæ Dei Ecclesiæ comprobetur pernecessarium, & nos hucusque consolatione vestrà (quod cum dolore proferre possumus) caruerimus, nisi in quantum B. Fratres vestri domus Louaniensis, vel alij remotiores nos duxerint

visitare, omni deuotionis affectu uestram propulsantes exoramus charitatem, quatenus nobis & nostris compatiamini, & collegium Fratrum uestrorum Antuerpiam destinari faciatis. Hos enim ipsos affectu sincero, & dilectione stabili pertractare compromittimus: firmam tenentes fiduciam, quòd, cùm Dominus benedixerit domui Aegypti propter introitum Ioseph, & domui Laban propter Iacob, benedictionis diuina munus ad introitum eorundem consequemur. Datum in Inuentione S. Stephani, anno MCCXLIII.

Hæc Antuerpienses. sunt in eamdem sententiam Brabantiae Ducis & Cameracensis Archiepiscopi. quæ quia longum recensere, prioribus infisto. Designata aduentantibus à Senatu domus, areaque per ampla: & retinet hodieque vicus nomen, vulgò *Preeck-heer-straet*. Transierunt post hæc, veteri relictâ domo, in eam quam etiamnum inhabitant, liberalitate *Henrici III.* Brabantiae & Lotharingiae Ducis, anno MCCLVI. vbi etiam templum ædificarunt. Fama tenet *Albertum Magnum* Ratisbonensem Episcopum anno MCCLXXI. sacrasse. cuius cùm angustiiis excluderetur populus, placuit priore euerso, aliud à fundamento augustius, in eam quam videmus molem erigere, anno MDXLVII. audaci per omnia, raro, visendoque opere. Habes in hac æde, prioris, in campanâ, monumentum, hac inscriptione:

Tēporibus clango certis, & funera plāgo. anno 1253.

PRIOR-

PRIORATVS S. SALVATORIS, Cisterciensis Ordinis, vulgò *Petri Potz*; munificentia *Petri Potz*, patricij Antuerpiensis, coniugisque illius *Maria Terrebrots*, exstrui cœptus anno MCCCXXXIII. & ad optatum aliquando finem eorundem benignitate anno MCCCCXLVII. deductus, annuoque censu, qui duodecim religiosis alendis satis esset, dotatus.

FRANCISCANI cœperunt anno MCCCCLXVII. locum Senatus dedit. donationem Philippus Brabantia Dux diplomate probavit.

PHILIPPVS Dei gratia Dux Burgundia, Lotharingia, Brabantia, & Limburgia; Comes Flandria, Arthesij, Burgundia, Palatinatus, Hannonia, Hollandia, Zeelandia, Namurci, Marchio, sacri Imperij, Dominus Frisia, de Salinis ac de Mechlinia. Vniuersis presentes litteras inspecturis salutem in eo qui est omnium vera salus. Cum inter alios Fratrum ordines Regulares, quos per diuersos Patres pro perfectione vel eminentia vite Christiana ab exordio militantis Ecclesia introductos esse conspiciamus, sacro Apostolico ordini ab eximia sanctitatis Patre beato Fracisco diuina inspiratione, ut pie credimus, Fratribus ac discipulis suis tradito (quo praediti, tamquam abiectis auro & argento, & reliquis omnibus auaritia & cupiditatis huius mundi illecebris, quibus qui tamquam Mammona inserviunt, Deum odio habere coguntur,

guntur, ab earumdem illecebrarum imperiis in sanctam libertatem euasi velut paratissima & expeditissima mancipia, spretis omnibus soli Deo poterunt adherere) tamquam Ordini acceptissimo Deo, & pro dilatatione & ampliatione sanctitatis militantis Ecclesie specialissimam in animo nostro commendationis sedem parauerimus; perindeque eos quos videmus se ex corde non ficto ad eiusdem Ordinis strictam observantiam mancipare, magnâ & indefessâ cogimur charitate complecti; & libenter ea quæ ad fomentum & incrementum eiusdem observantia operari posse conspiciamus, omni sollicitudine promouere; offendiculaq; & aduersus prosperum successum eiusdem observantia militantia, quantû in nobis est, longius relegare. Sanè cû didicerimus nouiter dilectos & fideles nostros Burgimagistros, Scabinos & Consules oppidi nostri Antuerpiensis, ad prædicti sacri Ordinis observantiam promouendam charitate accensos, Fratribus eiusdem Ordinis quos viderût ad illibatam, quantum humana infirmitas diuino afflante adiutorio cõcessit, se velle in eadem Ordinis observantiâ, absque voluntariâ & irrationabili dispensatione, unanimiter cõtinerere, commodasse certam quantitatem terra in loco qui nunc communi nomine Mons omniû Sanctorum vocatur; super quâ quibusdam viris deuotis hoc procurantibus, & alijs manum charitatis & deuota liberalitatis ad hoc porrigentibus, adificium satis conueniens tam pro diuino seruitio quàm pro receptatione dictorum Fra-

Fratrum erigere & fabricare inceperint : ne tam sancto proposito & initio deesset auctoritas Principalis, placuit id quod ex deuotionibus subditorum sic est inceptum, auctoritate nostrâ omni modo, tamquam ab initio manum apposuissimus, ratum & gratum habere; & perinde nos ipsos tenore presentium eiusdem monasterij declarare & constituere Archifundatores. Idq; ex nunc fundatum esse, & inantea ad reuerentiam & honorem Dei, & Beati Andrea Apostoli, & Patroni nostri per nos speciali deuotione electi, nec non dicti Vestri Patris Francisci Vita Apostolica sectatoris, complendum & perficiendum; & sub eorundem Patronorum, & præcipue dicti B. Andrea Apostoli titulo perpetuis futuris temporibus recolendum. Rogantes instantius Reuerendum in Christo Patrem Dominum Cameracensem Episcopum, quatenus Ecclesiam ipsam & altare maius, & alia principalia adificia, qua cõsecrari conuenit, ad honorem dictorum Patronorum, & præcipue B. Andrea Apostoli, necnon minora altaria, & eius alia loca partialia per Dei gratiam & deuotorum hominum charitatem perficienda, ipsiq; accommodata & commodanda qua congruum fuerit dedicare ad honorem Dei & aliorum Sanctorum, iuxta deuotionem eorum qui eleemosynas suas ad hoc contulerint, per se dedicare velit & consecrare, aut per alium dedicari ordinet & consecrari. Placuit nobis insuper ex nunc Fratres omnes & singulos, qui in dicto monasterio post consecrationem

huiusmodi iuxta dictam Regulam observantiam, sunt sanctam & religiosam vitam acturi, in nostram protectionem & salvaguardiam speciali recipere, promittentes pro nobis & heredibus nostris, eos & eorum quolibet quamdiu in Ordinis observantiam perseveraverint, quantum in nobis est, tueri & defendere, adversus omnes qui eosdem nunc vel inanter quibuslibet persecutionibus vel iniuriis turbare sategerint, vel molestare. Sub pena indignationis nostrae, & ultionis consona rationi, secundum mensuram & qualitatem delicti, omnibus subditis nostris cuiuscumque status aut conditionis extiterint, districtius inhibentes, ne dictis Fratribus quamcumque molestiam aut iniuriam, verbis aut factis, quomodolibet inferre aut irrogare presumant. Præcipue antedictis Burgimagistris, Scabinis, & Consulibus, necnon receptoribus principalibus, & aliis quibuslibet eiusdem villæ obventiones recipientibus, aut receptoribus districtius inhibentes, ne de esculentis & poculentis quæ paucis diebus consumuntur, & quæ eisdem Fratribus à devotis & fidelibus ob amorem Dei in puram eleemosynam conferentur, presumant ausu temerario, quidquam Gabella, Impositionis, Tallia, Maletota vel Assisia titulo exigere, petere, capere, vel extorquere; sed potius obmittant penitus aurum & argentum exigere ab eis qui nec id habent, nec in communi, nec in privato licitum est habere. Et præterea mandantes & precipientes omnibus officialibus nostris presentibus, atque futuris, quatenus eosdem ab omni ini-

iniuriâ, molestiâ & persecutione tamquam præcipuè Dei famulos tueantur atque defendant, aduersus omnes qui ipsis huiusmodi iniurias, molestias, aut persecutiones inferre molientur. quosque, si qui fuerint, tamquam hostes & aduersarios seruorum Dei, meritis pœnis & ultionibus, omni dissimulatione postpositâ, curent afficere. nec in hoc unus alium præstolari, nec etiam à nobis aliud expectare mandatum; quoniam ita ob singularem deuotionem, quam habemus ad veram & illibatam dicti Ordinis regulam, & odium transgressionis eiusdem, necnon ad reuerentiam & honorem Dei, Beatorumq; Andrea Apostoli & Patris Francisci Apostolica vita præcipui sectatoris, placeat, ex certâ nostrâ scientiâ & auctoritate principali sine contradictione fieri volumus cum effectu.

CARMELITÆ anno MCCCCLXXXV. locum ædificando delegerunt; fauentibus impensè Maximiliano Romanorum Rege, & Philippo Brabantia Duce. Docent hoc Pontificiæ litteræ.

INNOCENTIVS SERVVS SERVORVM DEI, dilecto filio nobili viro Maximiliano Archiduci Austria salutem & Apostolicam benedictionem. Eximia deuotionis affectus, & probata fidei constantia, quibus in nostro & Apostolica Sedis conspectu clarere dignosceris, non indignè merentur, ut votis tuis illis præsertim quæ diuini cultus augmentū, ac animarum salutem, ac Religionis propagationem spectant, quātum cum Deo

Nn 2 possu-

possumus, fauorabiliter annuamus. Sanè pro parte tuâ nobis nuper exhibita petitio continebat: Quòd tu qui oppidum Antuerpiense Cameracensis Diœcesis, tuo temporali dominio subiectū, & illius incolas speciali dilectione prosequeris, & cupis nō solum prospero & felici regimini ipsorum in iis quæ ad tuum temporale dominium huiusmodi pertinent providere, sed etiam quantum in te est, pro salute animarum earundem te utiliter & salubriter exercere, non demerito sperans, quòd si Professores Ordinis gloriosissimæ Dei genitricis semperq; Virginis MARIÆ de monte Carmeli haberent in dicto oppido aliquam domum, pro vnius Prioris & aliquorum Fratrum dicti Ordinis usu & habitatione, incola præfati, qui ad Ordinem ipsum & illius Professores singularem gerunt deuotionis affectum, ex Prioris & Fratrum pro tempore in dictâ domo degentium exemplari vitâ, ac diuinorum deuotâ & assiduâ celebratione, predicationibus verbi Dei, audientia confessionum, & exhortationibus ad benè & laudabiliter viuendum, uberiores fructus pro suarum salute animarum in dies reportarent, ac meritis & intercessionibus eiusdem Virginis MARIÆ consequerentur præmia felicitatis aternæ; summopere desiderans de bonis tibi à Deo collatis unam domum pro usu & habitatione Fratrum prædictorum in eodem oppido construâ & edificari facere, si tibi ad id eiusdem Sedis auctoritas suffragetur. Quare pro parte tuâ nobis fuit humiliter supplicatum, ut tibi in dicto oppido in aliquo loco
ad

ad id conuenienti & honesto, domum prædictam cum Ecclesiâ, campanili humili, campanâ, cœmeterio, refectorio, dormitorio, claustro, hortis, hortalitiis, & aliis necessariis officinis construi & adificari faciendi, ac dilectis filiis Generali dicti Ordinis, necnon Prouinciali Prouinciæ Allemanniæ Inferioris in quâ ipsum oppidum consistit, Prioribus quoque & Fratribus Ordinis eiusdem illam pro eorum Usu & habitatione recipiendi, & perpetuò inhabitandi licentiam concedere, aliâsque in præmissis opportune providere de benignitate Apostolicâ dignaremur. Nos igitur qui diuini cultus augmentum, & Religionis propagationem, animarumque salutem supremis desideramus affectibus, tuum in hac parte pium & laudabile propositum plurimum in Domino commendantes, huiusmodi supplicationibus inclinati, tibi domum prædictam in aliquo loco dicti oppidi ad hoc conuenienti & honesto, cum Ecclesiâ, campanili humili, campanâ, cœmeterio, refectorio, dormitorio, claustro, hortis, hortalitiis, & aliis necessariis officinis, pro perpetuo Usu & habitatione Fratrum prædictorum, Ordinarij loci licentiâ petitâ, licet forsân non obtentâ, sine tamen alicuius præiudicio, construi & adificari faciendi, ac Generali necnon Prouinciali, Prioribus, & Fratribus prædictis illam recipiendi, & perpetuò inhabitandi, auctoritate Apostolicâ, tenore præsentium, licentiam elargimur. Jure tamen Parochialis, & Beata MARIE Ecclesiariam oppidi prædicti, & cuiuslibet alterius semper saluo in

omnibus. Nos enim dicta domui, postquam sic constructa fuerit ut praefertur, ac Prioribus & Fratribus, qui illam pro tempore inhabitabunt, ut omnibus & singulis privilegiis, fauoribus, concessionibus, & indultis quibus alia domus Fratrum dicti Ordinis & illarum Priores & Fratres in genere potiuntur, & gaudent, ac uti & potiri ac gaudere poterant, quomodolibet in futurum uti, potiri, & gaudere liberè & licitè valeant, auctoritate praefata, earundem tenore praesentium de specialis dono gratia indulgemus. Non obstantibus felicitis recordationis Bonifacii Papa VIII. praedecessoris nostri, prohibente ne Ordinis Mendicantium Professores novas domos ad inhabitandum recipere praesumant, absque Sedis praedicta licentiâ speciali, de prohibitione huiusmodi plenam & expressam mentionem faciente, & aliis constitutionibus & ordinationibus Apostolicis, statutis quoque & consuetudinibus dicti Ordinis iuramento, confirmatione Apostolicâ vel quavis firmitate aliâ roboratis, ceterisque in contrarium facientibus vel obstantibus quibuscumque. Nulli ergo liceat omnino hanc paginam nostra largitionis & concessionis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac Beatorum Apostolorum eius Petri ac Pauli noverit se incursum. Datum Romae apud Sanctum Petrum, anno incarnationis Dominica millesimo, quadringentesimo, octuagesimo quinto, XI. Kal. Ianuarij, Pontificatus nostri anno secundo.

Cæno-

Cœnobium augustum est, structura firma, chorus templi altus & illustris; & superioribus his annis adiecta ingenti ausu, felici successu, non modica pars. Sunt qui velint Carmelitas urbem ingressos anno MCCCCV. priuatis tamen ædibus se continuisse in annum MCCCCLXXXV.

BO GARDI texendo vitam tolerabant. hos primùm urbem ingressos reperio anno MCCXXVIII. auspiciis D. Beggæ, Pipini primi, Brabantia Ducis, filia, sororis D. Gertrudis. ac primò, nullis certis legibus, solo caritatis vinculo annis LXII. modestè se continuerunt. anno deinde MCCXC. tertiam D. Francisci Regulam professi, Fratrum de pœnitentiâ nomen sortiti, magnis à Brabantia Ducibus Ioanne II. & III. exactionum temporalium, & à variis Pontificibus, Ioanne XXII. Clemente V. Urbano V. spiritualibus prærogatiuis donati. locum tandem habitationi, priore commodiorem, anno MCCCXLVI. ære suo pararunt, insignique postea accessione, priuatâ industriâ, locupletarunt, anno MCCCCLV. cumque in eam diem texendo vitam singuli tolerassent, prudenti consilio, reliquam Religiosorum consuetudinem imitati, in communi viuere cœperunt anno MCCCCLV. quin & monasticâ professos reperio anno MCCCCLXVIII. eoque res processit, vt textrinâ relictâ solis diuinis vacarent.

AVGV-

AVGVSTINIANI olim fuerunt, & venerāt in hanc urbem anno MDXIII. Congregationis Saxonicae, non postremi famā, numero; cessit deinde anno MDXXIX. non ignobile templum locūque parœciæ S. Andreae, permanetque in hanc diem. Anno demum MDCVII. eiusdem instituti, ex normā nimirum D. Augustini, nullo tamen cum prioribus fraternitatis aut capitis nexu, domum à Senatu impetrarunt.

ALEXIANI. tenue principium. sparsi primū habitarunt, anno MCCC. aucti post numero & opibus, collecti in vnum, propiorem religioni vitam duxerunt. Principium illis ab Henrico Suijdermanno Germano, qui anno MCCCXLV. fundum & domum dedit, ac tandem D. Augustini Regulam secuti, sacratori se religionis voto ligarunt anno MCCCCLXI. demum domum struxerunt insigni opere, priore longè augustiorem, anno MDXLVI.

CAPPVCINI vltimi in hanc urbem è Galliā venerunt anno MDLXXXV. hortatu Alexandri Farnesij, Parmæ ac Placentiæ Ducis. Redierunt paullò post ad suos; rursusque eiusdem Principis euocatione in Belgium, inde Antuerpiam, anno MDLXXXVII. acceptiq. perhumaniter à Reuerendissimo Antuerpiensium Episcopo Læuino Torrentio, Senatu, Populoque, cœnobium Catholici Regis munificentissimis impendiis struxerunt.

reli-

ORIGINES ANTVERPIENSIVM. 105
reliqua priuatorum benignitas adiecit, quâ vnâ
viuunt, extremam paupertatem professi.

PATRES SOCIETATIS IESV anno MDLXII.
urbem ingressi, firmandi aliquando domicilij in-
tia posuerunt. & primùm duo fuerunt, plures ex-
inde accesserunt, cùm impares oneri, pauci illi la-
boribus succumberent. anno demum MDLXXIV.
paucorum, ac in primis D. Frias Hispani, liberali-
tate, emptâ domus, templumq. non totis mensi-
bus sex exstructum. Iuuentus deinde anno MD-
LXXV. moribus ac bonis litteris institui cœpta:
triennium ea institutio stetit: successerunt turbæ,
& ciuilia hæc bella; inter quæ sæuo iactati turbi-
ne, & ingentis naufragij pars non postrema, passi
quod assolent qui enauigarunt tabulâ. Septem an-
nos tenuerunt hi fluctus Belgium, donec positis
illis, cum ipsâ Republicâ Rempubicam ingressi
anno MDLXXXV. auspiciatam feliciter olim iuuen-
tutis institutionem, reliquaque Societatis munia,
maioribus quàm antè animis, secundioribusque
successibus aggressi. Cumque scholarum angu-
stis iuuentus excluderetur, præprouidâ munifi-
câque Senatus largitione, angusta amplaque do-
mus anno MDCVIII. accessit. Creuit hîc iuuentus,
maximè cùm humanitatis studiis, Theologiæ
moralis, Scripturarumque sacrarum, ac Contro-
uersiarum prælectiones additæ.

CAPVT XII.

Feminarum Cœnobia aut loca sacra.

VARII hîc illarum cœtus, rarâ morum integritate. & sunt *Antuerpienses* ad sacrum hoc vitæ genus & castimoniam pronæ. nec mœnibus his contentæ, vicina repleuere oppida: & sicubi sanctior locus monasticaque seuerior disciplina, *Antuerpienses* reperiās. Sunt in

HOSPITALI magno, quæ ægrorum curam gerunt. Huius initia obscura; in peruetusto membranaceo codice hæc habes: *Anno Domini MCCXXXVIII. Calendis Maij, in festo SS. Philippi & Iacobi translatum est Hospitale Antuerpiense ab atrio Beatae Mariæ, ubi prius fuerat edificatum extra oppidum, in campum ubi nunc in honore Beatae Mariæ Virginis est edificatum.* Creuit variorum opibus. Primus dotauit *Guilielmus Nose*, agris in Borsbeke anno MCCXXXII. annuente *Henrico* Brabantiae Duce. Secundus *Ludonicus Berthout*, Mechliniæ Dominus, agris in Mortsele anno MCCLIV. Tertius *Arnoldus de Louanio* Bredæ Dominus, agris in Berendonck, in Micke, in Eeckeren, anno MCCLXXX. Quartus *Hericus* vñ *VVilre* Bergizomij Dominus, agris in Wesele, anno MCCXCV. Sepulturæ ius concessum his reperiō anno MCCXXXVII.

Sunt

Sunt quæ operam suam omnem leprosis impendunt, vulgò TER SIECKEREN. Extra vrbis pomeria primæ fuerunt, anno MCCXXXVI. vrbem demum ingressæ anno MDLXXVIII. cùm latè fortuitus sæuiens ignis priorem locum æquasset solo.

NONNÆ, è Zuytbeuerlandiæ Monasterio, ad hanc vrbem, Capituli & Senatus litteris euocata, anno MCCLXXIX. domum extra vrbis mœnia struxerunt anno MCCLXXX. nomen huic vallis S. *Margarita*. passæ deinde anno MDXLII. à *Martino Rossenio*, ferro & igne, quæ militiæ illius furor permiserat, transierunt in vrbem anno MDXLIV. locumque perexiguum, templumq. à *Petro Tack* Antuerpiensi ciue anno M. D. ædificatum impetrarunt.

ALBÆ SORORES, dicunt se anno MCCCXII. huc venisse, Ordinis pœnitentium S. *Maria Magdalena*. de quibus hæc in veteri membranâ: *Cùm Ioannes Brabantia Dux viro religioso Gerardo potestatem facit per Belgium eleemosynas colligendi, in commodum domus suæ de nouo in honore S. Crucis fundata, ubi opera sunt caritatis, utpote de peccatricibus iustæ mulieres, ac bonæ, ac Deo deuotæ efficiuntur.* nec solis hîc lapsis locus, sed quòd illis locus quibus alibi negatus.

FACONTINAE. *Falco de Lampage*, sub an-

num MCCCL. hospitale hoc loco instituit, à cuius obitu abierunt ad Regium fiscum, quæcumque viuis possederat: etiam hic locus. Emit hunc à Præfecto ærario *Ioannes Van VVitham* anno MCCCLIV. & ab hoc aut heredibus, virgines illæ, quæ priorem aliquando sub *Falcone* locum incoluerant, annuente *Ioanne* Cameracensi Episcopo sub annum MCCCXXI. qui etiam loco nomen dedit: *Onse L. Drouwen dael in Dalckenbroek*, à quo impetrarunt vt in regulam transirent Sanctimonialium *Vallis S. Barbara in Thenismonte*.

TERTIARIAE cœperunt à liberalitate *Henrici Soudermanni* Germani, qui domum emit, dedit, anno MCCCL. Sed non nisi domum. In medio namque magnarum cogitationum, naufragium mari passus, periit. perstiterunt tamen Virgines, priuatâque industriâ variorumque eleëmōsynis vitam tolerarunt. tertiâ *D. Francisci* regulam professæ anno MCCCCLIV. Pio II. Pontifice Maximo.

NIGRAE SORORES. sub annum MCCCLXXI. pauca primùm viduæ in agro Brabantino cœperunt: curam ægris impenderunt, nullum in ualitudinis genus auersatæ. ac nullis aliquândo legibus, pòst *D. Augustini* regulam professæ, anno MDVI. assentiēte Iulio II. Locum multorum munificentia æreque suo pararunt anno MDXXI. nomenque loco indiderunt *Montis Caluaria*.

CLARISSAE, S. *Claram* secutæ, Ordinis *D. Francisci*. Instituit *Isabella* Lusitanica, *Philippo* Brabantiae Duci matrimonio iuncta, salutis anno MCCCCLV. absoluta structura Monasterij ac templi annis sex.

D. Augustini regulam secutæ, quæ in monasterium *D. Annae* dicatum, vulgò LVYTHAGEN, extra mœnia olim, nunc intra illa receptæ. Conditor Illustris vir *D. de Ranst* Ciuitatis Marchio; qui Maximiliani exercitus ductor, cùm feliciter contra Flandros die *D. Gregorio* sacro pugnasset, Anno
1496. duodecim hîc virginibus locum parauit, annuo censu dotauit. nobilis hîc olim locus sterilitati auertendæ.

ANNVNTIATAE, anno superiore Louanio huc venerunt. prima institutio è Galliâ. diffusæ dehinc per Belgium, Brugas, Louanium, Betuniam, Niuellas demum & *Antuerpiam* traductæ. & nunc hîc sunt. priuatorum beneficentiâ, Senatusque ante omnes, ædes locumque pararunt.

BEGINAS ad sacratos hos Ordines refero, animo religionem professas, quam & æmulantur, nullo tamen perpetuo arctioris vinculi voto. templû his domosq. extra urbem exstrui cœptas inuenio in Sion, anno MCCCCLX. incēdio post hæc, quidquid magnis impendiis steterat, absum-

ptum anno MCCCCXCIV. ac tandem funditus sacra profanaque euerfa anno MDXLII. ac demum in urbem traductas.

CAPVT XIII.

Hospitalia. Pauperum receptacula.

ALIA ab aliis condita reperio. & prout quemque pietas aut beneficentia traxit, in varios usus destinata; omnia tamen egenis subsidium. Cura horum, Eleemosynariorum fidei ferè commissa, quorum seriâ sollicitudine res administrantur.

Inde
Hoogh-
straet.

S. I V L I A N I hospitale. falluntur qui ante annos mille stetisse volunt: exstructum reperio anno MCCCIII. Peregrinis quaquà venientibus in biduum hîc domus est, & benignè habentur. ac ne diuina desint, adiunctum sacellum, & in eo diurnum sacrum. ita corpori & animo largiter prospectum.

Inde
Kop-
straet.

I N F I R M A R I A. nomen hoc, loco est. nullus auctor inscribitur. fuisse ante annos CCC. fama tenet, & constans fama. stetit olim in vico *Claddorp*; mutauit deinde sedem anno MDXLV. Sunt in hac feminæ sedecim, & horti domusque legati hoc fine.

Inde
Kerck-
hof-straet

D. V I R G I N I S. conditor *Henricus Sonderman* Germanus anno MCCCXL. multa huius viri germanæ

manæ in hac Republicâ pietatis vestigia: duodecim feminis, ætate aut valetudine fractis, domicilium hîc est; adiuncta ancilla, quæ ætatem morboſve leuet.

CÆRVLEI FRATRES . memorant exstru-
ctum anno MCCCXLVI. multorum hîc munificen-
tia claruit. viris duodecim senio & inualetudine
laborantibus , ancilla in subsidium ætati & ægri-
tudini data.

S. ANNAE . auctorem narrant *Baldvinum de*
Riddere cum vxore *Elizabethâ Hays* . pulchra in
coniugibus largitatis æmulatio . imitentur plures.
vndecim hîc mulierculis & subsidiariæ ancillæ re-
ceptaculum cõcessum anno MCCCCXII. annexum
habet sacellum.

S. IACOBI . æuum huius & auctores vidi lapi-
di insculptos. *Nicolaus de Herde* , *Guilielmus de*
Molener , *Cornelius Lemsens* , *Ioânes Melus* , *Ioannes*
van VVoude , *Guilielmus Ottens* , anno MCCCCLIV.
collato ære posteritati sacrarunt. Quotquot D. Ia-
cobi petunt limina, aut soluti voto reduces, hospi-
tij hîc iura reperiunt. Magna olim concursatio
parentum æuo , cùm & pietas in Diuos ardorq̃ue
maior: & aberat hæresis, ridere & perdere , geli-
damq̃ue suffundere piæ huic flammæ edocta.

GERARDI BAERT. conditoris nomen præ-
fert.

fert. sex viris ætate aut laboribus fractis sacerdotem vnum præesse voluit anno MCCCCLXX.

Opde
Faque
rupe.

IOANNIS VAN BIEST. auctorem nomen narrat; anno MDIV. mulierculis sedecim ancillam adiunxit, abeuntis solamen ætatis. mille è voto meo Bieftios è mercatorum cœtu; neq. enim eunt hæ negotiationes omnes sine rugâ aut maculâ.

By de
Dennis
Aræet.

SACELLVM GRATIÆ. rara semper maiorum pietas. atque ô lubeat, aut non pudeat sequi! præiuit *Antonius Ruelli* anno MDV. duodecim viris, sacerdotem vnum qui sacris indies operaretur, præfecit. imitare qui potes. nam quis non vestrûm fenerario puluere si non intectus, inspersus tamen suâ aut alterius manu, alienum redolet?

In S. Ro
chus
Aræet.

PVPILLARIS DOMVS EXPOSITITIIS DICATA. quorum in magno populo, & frequenti viciniâ, magnus numerus, & iam CXXC. numerant. auctores habet Eleemosynarios vrbis anno MDXXXII. nobile opus, & quod nomen in Principe mereatur. educantur, & vt primûm per ætatem licet, edocentur, prout cuiusque ingenium tulerit. additurque lectio & scriptio, ne quidquam ad honestam educationem vitæque reliquum desit.

In S. Ro
chus
Aræet.

FATVA DOMVS. aberrantibus ab homine suo, quales in magnâ Republicâ, ingenti viciniâ, numquam deesse possunt, locus hic ab Eleemosy-

mosynariis datus. & respondet operi fructus.

IN VICINIA S. GEORGII. *Elisabetha Goudts* Sp. S. To
ris hercke
Ulieden, mortuo marito anno MDXLV. *Ioanne*
Gottensys, pietate, & in pauperes munificentia in-
signis, sex mulieribus locum tribuit. Quanta
hic viduae sub opibus tamquam onere fatiscen-
tes, maiora possent? velint. & mentem hanc inii-
ciat qui potest Deus.

VIRGINVM DOMVS. varium opus, multi Inde
lanthe
Gasthups
Aract.
plex, nec minus rarum; & fortunatissimi euen-
tus. *Ioannes Vander Meeren* anno MDLII. instituit.
Virgines hic erudiuntur, quas egestas paternâ ex-
cluserit domo, aut matrum pudor. quæ vbi adole-
uerint, è pupillari in hanc traductæ, quidquid in
virgine desiderari potest edocentur. inde ancilla-
tum dimittuntur: aut si quam modestior adole-
scens ambiat, matrimonio iungitur, dotem à pau-
perum ærario acceptura.

FEMINARVM DOMVM Eleëmofynarij an- Inde
lanthe
Gasthups
Aract.
no MDLIV. ædificarunt. variæ hic mulieres, & ferè
moribus non optimis, quæ his parietibus, tam-
quam honestâ continentur custodia.

HERMANNVS VANDEN HOECKE, sex vi- Sp. de
Calck
brugge.
ris ætate aut morbo confectis, aream dedit, ædes
statuit, conditoris nomen meruit anno MDLVII.

Opbe
Peerde
mert

IVVENVM DOMVS respondet puellarum: instituitur enim hîc iuuentus variâ arte pro cuiusq. ingenio, aut propensâ voluntate. & delecti superioribus annis ex omni hac turbâ, quæ ingens omnino est, qui ingenio & moribus plurimum sponderent: quiq. præ reliquis eruditionis aut probitatis maioris spem facerent, addictiq. humanioribus litteris, vt inde ad Philosophiam altioresq. scientias transeant. Condidit domum IOANNA VAN SCOONBEECKE anno MDLVIII. multas Ioannas concedat hoc sæculum; singulæq. Belgicæ vrbes vnâ alterâq. ve.

Inde
Boeck
fide.

SEPTEM FRATRVM. anni sunt ampliùs centum cùm *Henricus Loomans* domum legauit, viris septem senio & egestate pressis; subsidariumq. vitæ trahendæ annum censum addidit.

Inde
Rop-
tract.

Pulcra æmulatio, oriantur plures: septem ibi viris, septem hîc mulieribus *Michaël vander Heyden*, anno MDLXII. domum coëmit, dedit, dotaui, nomen inscripsit, SEPTEM PROFUSIONVM SANGVINIS; ita voluit inscriptioni respondere numerum.

In Schut
ters-hof
tract.

CATHARINA & DINA ALARTS virgines anno MDLXXXV. octodecim mulierculis domum annumq. prouentum statuerunt, forti in posteritatem prouocamento, dum æmulantur nomen cælo terrâque magnum. Enascantur plures,
poste-

posteritatis & largitatis æmulæ. & cùm non desint
sorores virgines, non desint *Alartia*, quadam et-
iam meritorum nominisq̃ue inuidentiâ maiores.

S. ANNE. *Simon Roderigues Peretti*, Baro de Inde
Dupl. tract
Rodes, domo Lusitanus, domum emit duodecim
florenorum millibus, hortum tribuit, sacellum
addidit, instruxitq̃ue ab omni re sacrâ; amplam
dotem inscripsit, quæ alêdis duodecim honestiore
loco natis, sed gradu & opibus (variante Fortunâ
vices) exclusis, sufficiat. adiunxit famulam: sed Anno
1600.
& Sacerdotem præfecit, qui sacris indies operaretur;
qui sacratiore verbo viciniam pasceret. Lau-
des etiam musico concentu decantari voluit.

VRBIS ELEEMOSYNARII anno MDCVII. Inde
Lepel.
tract.
octodecim feminis, quæ aut fortunâ, aut homi-
num malignitate, aut inualetudine variâ oppressæ,
maioris calamitatis effugium statuerunt.

IOANNES SVTOR sex viris senio morbisq̃ue Inde
Venus.
tract.
attritis locum dedit, mulieremq̃ue addidit quæ
famularetur. è tenui supellectile venit hæc libera-
litas. quanti erubescunt imitari? Erubescant &
præmiari. Viuet interim Sutoris nomen, nec era-
det hoc vetustas. & vbi opes perituræ? vbi posses-
sores harum? arbitreris tamquam spongiâ è mor-
talium tabulâ deleri, ita nec vestigia persiant,
quantumuis scrutere, tenuia. quære. nec nomine

viuunt. vbi enim nulla benefacti memoria, nec nominis est. Vultis etiam post mortem viuere? vna munificentia æternabit vitam; nescit mori, & ad cuiusque Lectoris oculos redanimabit monumentum.

Inde
Kiepers
tract.

Testamento quattuor domus accesserunt pauperum ærario. dos abest. & quidquid extra nudos parietes, ærarium subministrat. nomen loco, *Den Maesen ganck*.

Inde
Kiepers
tract.

QVINQVE ANNULI nomen est. septem domus sunt. dos nulla. industriâ proinde suâ viuunt, quæcumque hîc viuunt.

ALMERAS, fundatoris ostendit nomen. sex mulieribus ædiculas reliquit, singulis singulas. de suo victitant. Quod deest tolerandæ vitæ, Eleëmofynariorum erogatur liberalitate.

Sequuntur ea quæ extra Eleëmofynariorum curam aliorum subsunt imperio.

Inde
Kiepers
tract.

NAVICA tribus sacellum struxit, ædes adiecit, & leuandæ egestati suorum non postrema donaria.

Inde
Kiepers
tract.

S. NICOLAI sacellum tribus MERCIA condidit: domus adhærent, viris feminisq̃ue inopiâ laborantibus tutelares.

Inde
Kiepers
tract.

Nec minùs benè apteq̃ue commensuratum
habes

habes sacellum à PANNARIA aut FVLLONIA tribu, in quâ olim bina de die sacra, domusque variè duodecim egenis paratæ.

S. IVDOCI sacellum Pelliones ædificarunt, & præsumt loco opificij decuriones. Inde Wol-
traet.

CORIARIORVM sacellum Coriarios condi- Inde
Huyuers
tertraet.
tores habuit anno MCCCCXIX. imperantque Co-
riarij & Sutorij decuriones.

D. VIRGO LAVRETANA. Diego Pardo in- Inde lan-
ghe Nieu-
traet.
stituit anno MDCI. septem mulieribus egestate ad
alienam misericordiam compulsis.

SEPTEN DEIPARÆ DOLORVM. septem Ouer de
Minne-
broders.
mulierum domicilium hîc est: *Canonici* præsi-
dent. *Maria Feys* ære suo instituit.

PETRVS VAN DAEL sex egentibus domum
dedit, dotem addidit anno MDXCVIII. præsumt con-
ditoris heredes.

S. BARBARÆ. *Nicolaus Boot* ædes & sacellum Inde lan-
ghe Nieu-
traet.
tribuit anno MDIV. feminis octo.

NICOLAUS VAN STIILEN sub annum Inde hof-
traet.
MDXVIII. extra mœnia sex mulieribus ædes attri-
buit, annumque censum qualem ea tempora
postulabant. periit sub Rossemio. areolam deinde

nouo extruendo domicilio in ipsâ vrbe emit
Adrianus Nicolai nepos anno MDXLIII. in hac
 Ioannes fratresque domum fabricarunt.

CAPVT XIV.


Varia in vrbe loca, qua famam merentur.

INGENTIA non vno loco terrarum miracula
 reperies, fluctuantes terras, nec minùs in Belgio
 nostro quàm in agro Cæculo, Reatino, aut Ca-
 laminiis insulis, quas non ventis solùm sed & con-
 tis quò lubet impelli videmus. Maius in Nym-
 phæo portentum, cùm in symphonix cantu, ad
 ictus modulantium pedum, mouentur insulæ,
 Saltuariæ dictæ. Nec inferiora montes dabunt:
 Hephæstij sanè tædâ flammante attacti, flagrant
 adeò, vt riuorum lapides in ipsis ardeant aquis: &
 duos circa Indum legimus, quorum ille ferrum
 omne trahit, hic respuit. Neque prodigiis suis ne-
 mora carent: habes ad aquas Cutilas siluam, quæ
 non die non nocte eodem loco visitur. Nec saxa
 frustrantur miraculis: iuxta enim Harpasa hor-
 renda cautes, vno mobilis digito; eademque si
 impellatur, corpore resistit. Magna hæc naturæ
 prodigia. at ego nescio an ab humano natum
 ingenio minus. Inter prima sanè operum huma-
 norum ARX est vrbis huius: quinque validissimis
 firmata propugnaculis mutuum defensantibus:
 mon-


CHARLES THE FIRST

IN WHICH ARE CONTAINED
THE MOST IMPORTANT
AND INTERESTING
CIRCUMSTANCES
OF HIS REIGN
FROM HIS MARRIAGE
TO HIS DEATH
IN THE YEAR 1649
BY
JOHN BURNET
BISHOP OF SALTHERY
IN THE YEAR 1678

ARX



ANTVERPIENSIS.



131

1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 2680, 26

montibus deinde, qui omnem circa regionem agrumque retegant, & ab hostili procursione, ingentibus tormentis bellicis, arceant, mœnibus inclusis, in tutelam raramque amœnissimi prospectus venustatem se in immensum attollit. Sed & extra mœnia humilia propugnacula egestâ terrâ equiti procursum præbent, tutumque receptui locum. armamentaria verò, & comœtuum reconditoria ad miraculum in immanem excurrunt vastitatem. stabulandis etiam equis ingens laxitas: & super hæc militi certa tutaque domicilia, qualia in medio magnarum vrbium desideres: & millibus facilè tribus locum præbeant; pluribus etiam, si qua necessitas arctare cogat domus. templum hîc non maximum, sed pulcrum inter plurima est, scitè & ex arte constructum. Laxissima in Arcis medio area militari delectui commodissima, quæ iusto etiam exercitui fatis sit.

TVRRIS D. VIRGINIS nobilissimum, si quod usquâ opus, quo nec basilica Paulli Phrygius mirabilior columnis, nō Augusti forum, non Vespasiani Pacis templum. audeo. non obeliscus. Eraphicus quadragenûm octonûm, non Philadelphicus octoginta cubitorum, cumq. in ingentem surgat cælo molem, pedum ccccxx. cubitorum nimirum cclxxxviii. tantâ passim pellucet amœnitate,

nitare, tantâ mutuò superstantium columnarum varietate, vt & solaribus vndique radiis transfuerberetur, & luci quaquâ parte viam prospectu præbeat lætissimo. Cœptam ædificari inuenio anno MCCCCXXII. ac XCVI. annis ære publico ædificatam, cùm Ægyptiam pyramidem amplissimam, quæ octo iugera occupauerat soli, annis XX. constructam acceperimus, tresq. alias spectatissimas, quæ orbem totû nomine impleuerunt, annis LXXVIII. mensibus IV. Datum deinde initium alteri turri, audaci potentiæ factò. nec initia tantum; nam & fastigium superat templi, & superbo vertici augustam ceruicem præbet. quis imponet illum? adsint animi, non deerunt opes in tam diuite non vno loco priuatorum recessu.

HOROLOGIVM. quod M. Varro primùm Romæ in publico statutum scribit anno Urbis CCCCLXX. nec aliud quàm solare, cùm in nubilo ac nocte nullæ horæ essent, donec primus Nasica aquâ diuisit horas noctium æquè ac dierum, anno urbis DCXCV. (tamdiu enim Romæ indiscreta lux fuit) atque hoc non nisi oculis subsidiarium; hoc in omnibus iam propè vrbibus etiam auribus medetur, cùm audiendi auiditatem explet, nusquam tamen venustiore quàm hîc concentu. tam suauimodulatione antea mbulus cuique horæ ludus est, tam plena symphonia, vt admirationem stuporemque


Anno
595.

poremq; aduentatibus inædificet. & quidquid ali-
 bi humanæ modulatur voces; quidquid tibiæ,
 reliquaque musica, hoc æs campanum tam expri-
 mit doctè, vt nullum extra illud modificatorem
 desideres. Cogita quidquid vbiq; in quacumque
 gente primum, habes in vno hoc anteludio hora-
 rum pulsu. vis Æolium simplicem suauemq;?
 vis Lydium querulum ac quasi fringultientem?
 vis Phrygium religiosum, ac tamquam turtura-
 lem? vis bellicosum armaque intonantem Do-
 rium? hîc inuenies: ac ab vnius hominis manibus
 pedibusque, tot quasi animari vno tempore &
 pulsu campanas, tamque varium acuto sonitu,
 graui bombo, medio flexu concentum misceri
 musicum, vt cum vnam videas manum, mireris
 varietatem, nullaque non diei noctisque horâ.
 Alibi fors eadem reperies. nescio an pari concen-
 tu, arte simili. imò nusquam pari. quæ caussa,
 quod admirationem aduentantibus excitet, quã-
 tam nulla res alia: maximè in portentosa illâ alti-
 tudine, quâ concentu non urbem modò, sed & vi-
 cinos complet agros. & ingens sanè illa est, cum,
 vti dixi, minimùm in 420. pedes surgat: cui si im-
 positum adnumeres culmen, insertamque cul-
 mini sexdecim pedum crucem, prioribus nihilo
 ignobiliorem, 461. pedes expleat. rarum etiam,
 in hoc opere, 622. de solido lapide gradus recen-
 feri.

CVRIA, Senatoria domus: cum quocumque scalptili Phidiæ marmore, Praxitelicâ Gnidiâ, Neptuno Scopæio, quocumque Artemisiæ Mausoleo componenda, ad invidiam reliquarum propè gentium, vario opere interludente, Tuscano, Dorico, Ionico, Corinthio. elegans structura, è maculoso candicante marmore, liuidiore tamen, sparsimque circumuolutâ canitie, ac quasi si vndatim in crispos vortices agatur. Marmora hæc Menander, diligentissimus Luxuriæ interpres, longè maximo in pretio habuit, Romanique veteres. Plura qui volet, Antuerpiam meam consulat. Fusè dedi. nec addo nunc aliud. edificari cœpta anno M.D.LX. igne periit anno M. DC. LXXVI. redditaque annis sequentibus.

BVRS A. Nihil compono cum veteribus, cum Regum pecuniæ otiosâ & stultâ ostentatione, quâ orbem terrarum impleuere famâ. Hoc dico, elegans per omnia opus esse, quadraginta & tribus è patrio marmore substructum columnis, quas dissoluere nec sæcula quidem videantur posse. æuum inscriptio tradit: longitudo in centum octoginta pedes protenditur, latitudo in centum quadraginta.


OFFICINA VITRI. Æternus hîc ignis est, continuis fornacibus materiam liquantibus, cum alia flatu figuratur, alia tamquam torno teritur,
alia














SV


S. P. Q. A.
IN VSV M NEGOTIATORVM
CVIVSCVMQ. NATIONIS AC LINGVÆ
VRBISQ. ADEO SVÆ ORNAMENTVM
ANNO M. D. XXXI.
A SOLO EXTRVI CVR.











alia argenti modo cœlatur, alia denique auro opulentatur, tingiturque colore quocumque, & ad quemcumque vsum; ad escaria etiam vasa. nec est alia nunc materia sequacior, in quam voles formam; ita ingeniosa solertia est. inuenit hîc in arenâ, in herbâ, in vario puluere, quod ignibus prouocaret in aliam aliamque faciem. In quo illud mihi succurrit mirari, nihil pænè non igne perfici. ignis accipit arenas, à quibus hîc vitrum; alibi argentum, minium, plumbum, alibi pigmentorum & medicamentorum genera fundit. Magis etiam mirandum in eadem materiâ aliud gigni primis ignibus, aliud secundis, aliud etiam tertijs, aliudque non rarò sequentibus. Sanè Tiberio Principe vitri temperamentum variâ materiæ mixtione, ignisque certâ temperie, flexibile excogitatum fama fuit, officinamque abolitam, ac interdictum his ignibus, ne metallorum pretia detraherentur.

OOSTERLINGA DOMVS. insignie elegantiae & opulentiae monumentum. patet in longitudinem CCXXX. plus minus pedes, latitudo minor est. complectitur ambitu suo CCC. cubicula, singula singulis gentis illius mercatoribus percommoda.

CASTELLVM AQVARIVM. operosa res: ambigas ingenio, an vtilitate maior: dispensandæ

in vniuersam urbem nouam, per subterraneas formas tubóſve, aquæ, mirâ dexteritate ac velocitate insignis. indefecta hîc aqua est: tamque diuite nocte quàm die venâ fluit, expletque omnem vrbe totâ cacaborum auidam ac propè inexplebilem sitim.

TYPOGRAPHIA. quanta ea hac vrbe, res loquitur: & me tacente magnitudo se prodit. Inhibe ignem, preme, impositâ fatiga mole, exsurget violentior: idem hîc eueniet. Typographiam hanc quicumque illaudatam transierit, silentio texerit, inuidentiâ presserit, extollet magis. euenietque quod ignibus Chimeræ, quos aquâ accendi Plinius tradidit: ita illa, quo inimico ore & calamo magis lassata, eo publicatione librorum suorum se extollit violentiùs. & fanè quicumque PLANTINIANAM cogitauerit, rem vnâ omnium maximam cogitauerit: maiorem etiam, si viderit. Centum hîc propè characterum genera. nobile opus, & quod raritate & elegantia suâ admirationem prouocet: sunt Syriacorum duo, Hebræorum decem, Græcorum nouem, Latinorum septem & quadraginta, variarum linguarum & gentium reliqua: sunt & musicorum plurima, omnicanæ modulationi commoda. extra hæc imagines æri ac ligno faberrimè incisæ sculptæque ingenti numero. Denique quidquid pluri-

plurimis Typographiæ prælis exsudatur, quid-
quid extruditur, adeò ad limam lineamque re-
ductum, vt nec ex libitinis malignissimis, nec ex
inuiforibus pessimis quisquam habeat quod me-
ritò desideret. Inspice quicumque artem amas, &
vide quàm nitidâ locatione, quàm propè prodi-
giosâ emendatione, quàm tereti ambitu, quàm
pressâ rotunditate, quàm scito interuallo mu-
tuum splendorem augeant; quàm nullâ protu-
bulatione è reliquorum cœtu quidquam emi-
neat: an non laudabis tam numerosâ industriâ
multiscios, tam emendatæ peritiæ, tot vtenfilium
arti subseruientium Dædalos? Longum esset sigil-
latim ac discretim singula, satis erit etiam curioso
lector cunctim hæc ac coaceruatim tetigisse. hoc
addam, Plantinum quidquid hîc est, auctorem
venerari. & patrissant in artificio filij & nepotes.

VRBIS MOENIA. octo validissimis in mu-
tuam tuitionem procurrentibus propugnaculis
solidata; quâ verò agros fossasque spectant, è per-
petuo viuo lapide ita ad firmitatem structa, vt
etiam ad lautitiam arbitreris; ita arboribus in
summo centum pedum vertice confita, vt meri-
tò in hoc sublimi nemore dubites, robur an ele-
gantia præstet. Iam lapides alibi in venustatem se-
ctos, solidis alibi glebis in roboramentum positos
videbis. Portæ operi respondent, firmitate, ele-

gantiâ, æmulâ laude. Sunt verò vniuersim tredecim: agrariæ quinque; reliquæ ad flumen ducunt: his singuli respondent *Kai*, tamquam prominentes è littore aggeres: fora dixeris littoraria, & protuberantia in subsidium capita, variâ frequentata merce; pro quarum varietate nomen plurimùm fortiuntur. hîc namque onere leuantur naues, hîc receptaculum orbe toto aduectarum mercium. nec simile huic reliqua dabit Europa; ac nescio an reliquæ orbis partes. fortiter hoc testantur qui obnauigarunt orbem audaci conatu.

FLVMEN. Scio aquarum miracula. & in quo elemento maiora? In Silaro non virgulta modò, sed & folia lapidescunt; & in non vltimâ Belgij parte, aqua: in Dodone, immerfas cùm extinguat faces; extinctas si admoueris, accendit fons gelidus: in Falisco pota candidos aqua boues facit, in Bœotio Melas ques nigras, Xanthus rufas. Lyncestius potus temulentos reddit; hinc illud Ouidij:

*Quem quicumq; parum moderato gutture traxit,
Haud aliter titubat quàm si mera uina bibisset.*

Iam Belgicas aquas medicabulas quis ignorat? nescio tamen minúsne in hoc flumine quàm in prioribus illis portentum; dum Oceano trahitur auido haustu, portentosâ ad passuum sexaginta millia reciprocatione, paribus quo ille interual-
lis. Reflua flumina quis vidit, ac per tot stadia
ancil-

ancillantia mari? Amnes retrò fluxisse Neronis Principis annis supremis pro portento fuit. & per tot passuum millia reciprocis vndis violentari hoc flumen, minus portentum? Sed & latitudo pro miraculo est: cùm non vno loco, quà urbem præterfluit, mille & sexcentos pedes expleat. & respōdet latitudini profunditas, pedum minimùm sexaginta: vt quantumuis onerarias nullo negotio vehat, tantâ exonerandi onerandiq̃ue facilitate, vt nauticæ rei periti, nullam se orbe toto parem expertos testentur, cùm manibus, è littore, maximæ etiam onerariæ, onere quocumque leuari possint. Ab hoc flumine ostia octo, sinusq̃ue octo, atque hinc nauium in ipsâ vrbe receptacula octo, quę & grandiores onerarias centum de facili excipiant, emittantq̃ue. Rarum omnino opus, & quale fors nulla dabit vrbium reliquarum.

Plura possem. quamquam singula propè hæc talia sint, vt quemcumq; alium nobilitare possint locum. Magnum hoc tamen, & inter memoranda recensendum, cùm ductiles vrbe pænè totâ videas fossas, flumine medium oppidum interfluyente, subterq̃ue non rarò ciuitatem nauigatam aliquot etiam passuum millibus.

CAPVT XV.

SENATVS *Populusq; Antuerpiensis.*

Magna cum Romanis affinitas, vt consanguineum arbitreris populum. Partitio apud illos ciuium, pro rerum, dignitatum, munium, opum discrimine, varia. In *Patres & Plebeios*; in *Tribus*, in *Curias*, in *Centurias*; demum in *Senatores*, *Equites*, *Plebem*, notissima est. hinc illud Aufonij:

Martia Roma triplex, Equitatu, Plebe, Senatu.
Senatores dicti qui in Senatum lecti, *Patritij*, *Equites*, *Plebei* *ve* fuissent. *Patritios* Romulus statuit. cuius imperio singulae *Tribus*, tres delegerant ætate, prudentiâ, opibus primos. nouem ergo primi *Senatores*: creuit numerus & centum creati: adeoque sub eodem *Romulo*, adnitente *Tatio*, cc. inuenio; sub *Tarquinio Prisco*, ccc. vt quisque nimirum è populo, robore, diuitijs, sapientiâ præstabat. Accesserunt, referente *Graccho* Tribuno plebis, *Equites* ccc. auctus post hæc numerus sub *Cæsare*, & excreuit in 100000. *Patritij* ex his dicti, quorum maiores à *Romulo Tatioq;* in Senatum lecti, *Patrèsq;* vocati, & maiorum gentium *Patritij*: gentium verò *Patritij* minorum, quorum maiores à *Prisco* adlecti; *Patres* demum *Conscripti*, qui *Bruto & Valerio* Consulibus in demortuorum

rum primorum locum successerant. Patuit verò Senatus primùm Patritijs, Equestri deinde Ordini, & tandem etiam Plebeio.

Equites erant quibus equestris census erat, opes nimirum supra reliquum vulgus. his publicus equus, annulusque Ordinis symbolum, à Censore datus. Plebeij reliqui.

Eadem hîc reperio, similemque partitionem. Trium enim hîc generum ordinumque ciues. *Senatoriij* qui aliquando lecti in Senatum. Ex his *Patritij*, qui è vetustâ nobilitate, aut Consulari aut Senatoriâ longâ retrò maiorum serie noscibiles. reliqui Equestris ordinis sunt. è quo solo post Patritios legi in Senatum possunt. *Equites*, quibus meritò hoc nomen tribuo, vulgò *Poorters*: à censu enim, ab opibus, ab honestiore negotiationis vitæque genere nomen gradumque sortiuntur. *Plebeij* per XXIX. nobiliora *Corpora*, vulgò *Ambachten*, partiti, quæ singularibus præ reliquis prærogatiuis gaudent.

Percurram singulos veteris illius nostræque Reipublicæ Ordines. ac primò de *Senatoribus*, omnibusque qui Magistratum in Republicâ gesserunt, mihi verba. Et erant Magistratuum apud Romanos genera varia.

Qui statis temporibus semperque in Republicâ legebantur, Ordinarij dicti. quales *Consules*, *Prætores*, *Tribuni*, *Aediles*, *Quæstores*. Qui pro re

R r

natâ;

nata; vt *Censores, Dictatores, Magistri equitum, Interreges, Tribuni militares*; Extraordinarij habiti.

A Conditione etiam, à quâ quisque adlectus, nomen sortiti. hinc *Patritij*, aut *Plebeij* dicti: quòd aut *Patritijs* aut *Plebeijs* concessi. Fuit aliquando tempus, cùm conditionum maxima ratio habita: solisque *Patritijs* maiores Magistratus concessi. transierunt deinde ad *Equites*, ac tandem ad *Plebem*, anno V. CCCLIII. cùm *Tribuni militum* Consulari potestate creati, adeoque *Consules* etiam anno V. CCCXXCVIII. quin & *Dictatores*, anno V. CCCXLVIII. ac demum *Censores*, anno V. CCCCIII.

Pro dignitate demum maiore, minorève, nomen inditur. Maiores inuenio *Interreges, Censores, Dictatores, Consules, Praefectos Urbis*. Minores *Quaestores ararios, Tribunos plebis, Aediles, Curatores Tribuum, Triumuiros nocturnos, Triumuiros monetales, Praefectos Pratorio, Praefectos vigillum, Curatores Regionum, Magistros vicorum* XIV. Regionum Urbis.

Ministri Magistratuum Scribae, Accensi, Praecones, Lictores, Viatores.

Interreges. quinquedialis hic Magistratus, nec aliter quàm Comitiorum causâ creatus. quasi medius inter duos Reges, abeuntem & adlectum. creatio huius è Patribus tantum.

Interreges hîc nulli: nec ulli maiorum ætate fuerunt.

fuerunt. sed neque Interregni nomen notum, aut ex usu Reipublicæ huius.

Censores. nomen à munere datum. horum enim arbitrio populus censebatur. creati primò in annos quinque, inde lege cautum ne plus quàm annua & semestris censura foret, anno V.CCCXX. munera horum ad duo potissimùm deduci possunt, opum & morum æstimationem. Poena pro *Censoris* voluntate posteriori adiuncta: Senatu eijcere, equum adimere, tribu mouere, idque ex honoratiore in inferiorem, aut in totum mouere & ærarium facere.

Censoris nomen hîc nullum est, omneque huius imperium in *Senatu* residet. qui adlectos in Militaria ciuium collegia, quæ *Gildas* vocant, si quâ labe aspersi, loco mouent, ac quasi ærarios statuunt; quin & in grauioribus delictis è ciuium numero expungunt. nec fas ciuem pro quocumque etiam scelere morte mulctare, nisi sollemni antè ritu expopulatum.

Dictatores. dicti aliquando *Magistri populi*, *Pratores maximi*. seditio & ab hoste metus, creationis causâ. vnus legebatur, cuius ampla per omnia potestas, ac solo propè nomine à regiâ discreta. Exercitus scribere, educere, dimittere, omniaque arbitrio suo Reipublicæ negotia gerere poterat. iusque illi in vitam caputque ciuium. Edicebatur verò *Dictator* à *Consule*, isque è Consularibus.

Omnishæc dignitas in Principe degit. *Magistri* tamen populi *Consules* dicti, *Borgher-meesters*. Sed & *Pratores maximi* dici possunt, quòd inter eos qui aut de Republicâ cōsultationibus, aut iuri dicendo præsumunt, illi primi summiq̃ue sint.

Consules. duo, annui, summâ pariq̃ue potestate. *Pratores* aliquando dicti, quòd summæ rei præessent, inde *Indices*, ac *Consules* tandem; mansitq̃ue hoc nomen. eleganter Cicero: *Regio imperio duo sunt, ijg, præcundo, indicando, consulendo, Pratores, Indices, Consules appellantur. militia summum ius habento: nemini parento: ollis salus populi, suprema lex esto. Duo designati, ne si vni imperium committerent, purpuram cogitaret. annui; ne insolescerent imperandi consuetudine. Benè Florus: Ex perpetuo imperio, annum placuit; ex singulari, duplex; ne potestas solitudine vel morâ corrumpetur.*

Consules hîc duos habemus. verùm cùm illi Regibus successissent, etiam in ius Regum venerant: hinc vitæ necisq̃ue in ciues potestatem habebant: pacem bellumve indicare, fœdera sancire aut rumpere illis sollemne. at accisa hæc in nostris; & Principis sunt. Imminuta tamen etiam apud Romanos Cōsularis potestas Tribunitiâ intercessionem, ac antè prouocationem ex lege Valeriâ. Sub Imperatoribus sanè, pari propè cum nostris iure vti. hinc nata inter illos nostrosq̃ue parilitas quædam:

dam: I. Capita utrobique civium. II. Senatus etiam capita. III. Obstrictos sibi ciues habent. IV. Minores magistratus statuunt, non soli, sed è Senatus sententiâ. V. Ius Senatum Populumque cogendi habent. VI. Iuri dicendo *Consul Internus* præest, gubernacula Reipublicę reliqua *Consul Externus* tenet. VII. Coërent improbos, delicta puniunt. VIII. Annalis utrobique dignitas. IX. Illi, quo die creabantur *Consules*, in leges iurabant, ut & reliquus Magistratus, nec fas quemquam Magistratum gerere iniuratum. Faciunt idem nostri in manibus *Amanni*; adstantibus quos Magistratui denuntiando Principes destinarunt.

Discrimen in utrisque quod par apud Romanos in utroque potestas, eademque. Primum tamen apud eos habitum arbitror, qui ætate maior esset; cum enim lege Valeriâ XXIV. fasces, nimix Regiæ potentix indices, mutatæ in XII. essent, ab ætate prærogatiua fuit. In nostris discrimen in imperio video. Primus *Consul* quem *Externum* vocant, quæ urbis administrationem tangunt, sedulus curat, præsidetque: alter quem *Internum* seu *Oppidanum Consulem* dicunt, iuri dicendo præest.

Prator, quod præesset, aut præiret, dictus. Cicero: *Iuris disceptator, qui privata indicet, indicariue inbeat, Prator esto. is iuris civibus custos esto.*

huic potestati parento. Causa *Pratorem* creandi, quod Consulibus bello distentis deesset qui in vrbe ius diceret; ergo *Prator* creatus qui huic muneri vacaret. ac primò *Prator* vnus fuit, anno vero V. C. 101. accessit alter. sed prior ciuibus, posterior peregrinis ius dicebat: hinc nomina *Vrbanius*, *Peregrinus*. Sex deinde creati *Pratores*, Censorino & Manilio Coss. octo sub Syllâ, decem sub Cæsare, & XVI. etiam; qui & sub Augusto: duos Claudius adiecit. XIX. ergo fuerunt, qui iuri dicendo præessent. & stetit hic numerus quàm diu stetit imperium; vbi minui cœpit, minuti etiam *Pratores*.

Nomen deest, rem possidemus. quid enim aliud *Internus* seu *Oppidanus Consul*, quàm Iuris disceptator, qui iudicat, iudicariue iubeat, ciuium iuris custos, & cuius potestati pareant? hæc enim *Interni* hîc *Consulis* munia: cùm *Externus Consul* alijs distineatur Reipublicæ rebus. Iam *Pratores* XIX. quid sunt aliud quàm *Senatores* nostri XIX. è quibus *Consul Internus* vnus, princepsque reliquorum? iuri enim dicendo vt illi, ita & nostri præsumt. respondet numerus, & res ipsa. nomen deesse inter minima pono. quamquam & *Quæsttores* dici possint. erant hi apud illos, qui Iudicijs, quæ quæstiones olim dictæ, præerant; quales primi fuerunt Reges, inde Consules, post à Senatu populoque huic muneri destinati, selecti nimirum

Judices,

Judices, qui iurati sententiam ferrent; quorum decreta pro tribunali *Prator* pronuntiaret. hos quotannis lectos non obscure indicat *Cicero* in *Verrem*; *Nunc Judicem ex Kal. Ianuarijs non habemus*. annuus ergo hic Magistratus, annuus & noster est. Ex his omnibus illud euincas, *Senatores* nostros è Romanâ formulâ *Pratores*, *Quasitores*, *Iudices* meritò dici & haberi posse. Olim septem tamquam *Septemuiri*. nec plures *Iudices* aut *Scabinos* Prætoriâ ac Consulari potestate lego: quorum tunc delectus è Nobilitate, Equitatu, Plebe. & stetit hic numerus in annum MCCCLV. cùm sub *Venceslao* & *Ioannâ* Brabantix Ducibus, duodecim *Scabini* seu *Iudices* tamquam *Duodecemuiri* dati; additiq̃ue sex è primis sex *Patritijs* Antuerpiensium familijs, qui Prætorio huic, duodecemuiro Senatui, consilijs adessent. (quale nunc munus *Pensionariorum* duorum, qui mihi in illorum locum lapsu temporum successisse videntur; aut sanè duodecim primorum *Decurionum* seu *Decanorum* Corporum Reipublicæ, qui hebdomadam omnibus diebus Lunæ consultationibus de Republicâ interfunt.) imperatumq̃ue vt annis singulis sex in Senatum adlegerentur, sex è duodecim Magistratu abeuntibus; tres etiam in Consilium adoptarentur, tribus è sex prioribus dignitate hac abdicatis. *Consules* deinde *Antonio* Duce anno M.CCCC.X. designati. factumq̃ue vt ex sex

Senato-

Senatoribus, qui in Magistratu anno altero perstarent, duo ex Equitatu, quattuor ex Artificum Collegijs essent. firmavit eadem *Maximilianus* Dux & Imperator, anno MCCCCLXXX. nisi quòd in noui annuâ Senatus creatione, à Senatoribus, ex Equitatu sex, & ex eodem ordine à Vico-magistris tres, ab Artificum verò Collegijs non nisi tres generis sui denuntiarentur. nec multo pòst, anno nimirum MCCCCLXXXVI. omni Senatorio adlectui Corpora seu Artificum Collegia renuntiarunt: statutumque vt extra Patritios, è solo Equitatu vulgò *Poorters* adlegi in Senatum possent. Demum auctus Senatus anno MCCCCXC. adnitente in primis *Maximiliano*, filioque illius Archiduce *Philippo*, & XIX. in Senatum adscripti; quos inter *Consul Internus* seu Oppidanus, Princeps Senatus in iure dicendo. additusque supra hunc numerum *Consul Externus*, qui quidquid politicam administrationem spectat, sedulus curaret.

Praefectus Urbis. muneris huius erat, nummulariorum argentariorumque fraudes coërcere, quietem populi curare, illicitos coëtus coërcere: spectaculorum disciplinæ praesse: in omne denique crimen, non in Urbem modò, sed intra centesimum ab Urbe lapidem commissum, inquirere. Primus sub *Augusto* creatus. Scio alium fuisse sub Regibus, cùm profectis domo Regibus, ac mox Magistris

gistratibus, ne Vrbs sine imperio foret, in tempus deligebatur, qui ius redderet, ac subditis moderaretur. Verùm hæc dignitas extraordinaria erat: illa ordinaria, qualis est *Marchionis* nostri.

Duos vrbis huius *Præfectos* meritò hîc assignem. Primum *Marchionem*, cuius viua in Romano *Præfecto* expressio est. quem & *Triumvirum Capitalem* statuo. Alterum *Amannum*, cuius curæ omnis priuatarum ciuiliū actionum disquisitio commissâ est, facultasque Senatum super his conueniendi, ius poscendi, iudicatum exsequendi.

Discrimen inter hosce est. quòd *Præfectus Romanus* in crimen inquireret, agnosceret, sententiam ferret: *Marchio* noster nomen deferat, crimina aut maleficia priuata, publicæve denuntiet, ius poscat (nullum dicat) datum exsequatur; & quidquid publicam quietem bonumque tangit, seriò curet. *Amannus* eadem quæ *Marchio* peragit, sed in alio actionum genere, ciuili nimirum, idque priuatorum. Illud hîc memoriâ dignissimum; prudenti Principum nostrorum consilio, Ius omne, cuius laxissima spatia cognitionem & executionem rerum in quæstionem vocatarum ambitu suo complectuntur, bipartitò diuisum; vt cognitionem omnem tam capitalium quàm ciuiliū mixtarumque rerum Senatui, denuntiationem & executionem *Marchioni* &
S f *Amanno*

Amanno demandarent: neque tamen hanc omnem, aut promiscuè, aut vni: sed *Marchioni*, quidquid vbiq̃ue criminis aut maleficij aut sanè publici iuris esset; *Amanno*, quidquid extra crimen, priuatorum ius fasq̃ue tangeret: ne si omnis iuris latitudo, in vno resideret, in nimiam metuentamq̃ue potentiam excresceret. Simul etiam, quo cuique certiùs ius suum constaret, quod non ab vnius voluntate, sed à plurium impositi inter se muneris quadam æmulâ concertatione pugnantium, dependeret.

Quæstores ærarij, qui & *Præfecti ærarij*, sub *Numa* fuerunt. horum erat ærario præesse, curam illius gerere, pecuniam publicè & priuatim erogare, in tabulas accepti & expensi referre. Duo creati P. Valerio Poplicolâ Cos. *Vrbani* dicti. duo additi anno V. CCXXXII. octo deinde creati circa annum V. CCCXCIII. viginti sub Sullâ: XL. demum sub Cæsare. Augustus verò omnem ærarij administrationem tribus *Prætorijs* sorte lectis ad triennium mandauit.

Vnus hîc *Quæstor* seu *Præfectus ærarij* est; cui eadem quæ Romano, munere, curâ, erogatione concessa. Tres tamen sunt quibus ad triennium omnis ærarij hîc administratio credita: inter quos ille primus, duo reliqui è ciuium numero sunt. delectus autem formula hæc est. Tres Senatorij ordinis, à *Senatu* designantur, è quibus *Decuriones*
Corpo-

Corporum ciuitatis, vulgò *Ambachten*, in tres principes Tribus relati, vnum deligunt. Hic *Quæstor* seu *Præfectus ararij* est, dicique Senatorius potest, cùm è Senatorio ordine desumatur. In inferiorum delectu pugnat ex diametro cum priore, modus. *Decuriones* enim, tres ordinis sui designant, è quibus *Senatores* vnum deligunt; hic plebeius dici potest: qui vbi triennium munus obiuit, altero triennio Plebeij seu secundi *Quæstoris* ac *Præfecti ararij* munere fungitur, ac demum sexennio expleto magistratu abit.

Tribuni. nomen horum æquale Vrbi. sub Romulo enim *Tribunos Celerum* lego, & *Tribunum præfectos*. Vox hæc initium duxit à ternario numero, cùm tres tantùm tunc populi partes, *Tribus* dictæ, quibus qui præerant *Tribuni* vocati. Fuerunt & *Tribuni militum*. primi tamen inter *Tribunos* potestate, dignitate,

Tribuni plebis. sacrosanctus hic magistratus, quē violare capitale erat. è plebe creati, iuris plebeij vindices. duo primùm, mox tres additi, inde quinque: vniuersi ergo decem, quibus nudum primùm ius auertendi vim Superiorum, & intercedendi decretis, donec paullatim populari fiducia progressi, in immoderatam lapsi licentiam, ingentium materiem turbarum & dissensionum dederunt. Fracta hæc sub Imperatoribus potestas, donec vniuersim sub *Constantino* sublata.

Tribunos Tribuum præfectos hîc habes è veteri Romanâ formulâ; trium primarum Tribuum, quæ reliquarum capita & principes sunt, *Tribunos* tres. *Tribunos militum* extra belli tempora ne quære, nisi *Gildarum* sex Capita vel Decuriones, & Corporum Reipublicæ militares duces, *Tribunos* dici velis. & dici possunt. *Tribuni* verò *Plebis* Romanâ potestate hîc nulli.

Ædiles, varij. *Plebei* duo in subsidium *Tribunorum Plebis* creati anno V. CCLX. munus horum, ædificia priuata, publica, ritè fierent, ritè statuerentur. cloacæ, aquæductus, mundi, integri asservarentur; pondera iniqua, mensuræ malignæ tollerentur; quæ quis ad venalium forum detulisset, ea verò vitio carerent. anno deinde CCCXXCVII. creati è *Patritijs*

Ædiles Curules duo, ludorum maximè causâ. quos Curatores Urbis, ludorumque sollemnium voluerunt. sed & ornatus Urbis, templaque Deorum horum curæ fideique commissa.

Ædiles Cereales duo, Cereales dicti quòd frumentariæ rei præessent. è *Patritijs* hos anno V. DCCCX. C. *Cæsar* instituit.

Ædiles hîc tres. Senatorij duo, & à *Senatu* dati, tertius à *Principe*. quattuor deinde additi è populo, qui de corruptæ potissimum rei vitio cognoscerent.

Extra hos video hîc *Ædiles sacros*, quibus *Divorum*

uorum templa concredita, duos in *Aede summâ*, in *D. Iacobi* duos, in reliquis *Parochijs* singulis vnum, Senatorios omnes eosque perpetuos, nisi quòd in *Æde summâ* sint annales. His in Ecclesijs singulis iunguntur è populo *Aediles* quattuor. Præter hos, duodecim *Aediles* qui dixerit, non aberrauerit, Senatorios omnes, qui *Xenodochio*, *Beginasio*, *D. Iuliani* Hospitali, *Leprosorum* cœtui, *Infirmaria*, *Caruleis Fratribus*, bini singulis præsent. annuusque hic magistratus est, & sortitò obuenit è duodecim Senatoribus ætate munereque primis.

Triumuii nocturni incendijs arcendis præerant. Sex hîc *Senatores*, delectu in *Senatum* posteriores, qui arcendis incendijs præsent, *Triumuii nocturni* dici possunt.

Triumuii Monetales præfuerunt cudendæ monetæ, dicti Triumuii A. A. A. F. F. Auro, Argento, Ære, Flando, Feriundo.

Eosdem hîc habeo, vario discretos munere. Sunt *Magistri Monetales*, qui vniuersim imperant. Sunt *Zygoſtata*, quos *VVardeyns* vocant, qui probatorias pyxides ac cuiusque officinæ omnis metalli specimina expendunt: sunt metallorû *Exploratores*, vulgò *Assayeurs*. Sunt *Præfecti Monetales*, qui cudendæ præsent monetæ. hi cruda adhuc & informia excipiunt metalla, reddunt cusâ. nec aberrauerit qui Patritios ac Senatorios dixerit. nã

reliqui ferè è populo sunt, qui metallis flandis feriundis operam locant. habentque hi Senatum suum annalem, duos *Pratoriâ* quadam potestate, septem tamquam *Indices* iuratos.

Præfectus Prætorio militibus præerat, quos Imperatores in sui custodiam adlegerant. Quattuor inuenio sub *Constantino* creatos ex Equitibus, mox etiam è Senatoribus.

Huius loco *Prætoriâ* quadam potestate præfunt hodie *Consules* duo, & è reliquâ nobilitate duo, militaribus contubernijs, quæ *Gildas* vocant. Discrimen tamen aliquod in nostris, *Consules* singuli duobus contubernijs præfunt annali potestate; reliqui vni, sed perpetuâ.

Præfectus vigilum. ab *Augusto* institutum reperio. qui cùm septem cohortes opportunis locis constituisset, vt binas *Regiones* vnaquæque cohors tueretur, *Tribunos* eis præposuit: ac super omnes *Præfectum vigilum*.

Præfectus, qui hodie cohortibus summâ potestate præest, *Consul Externus* est: cui additus à Senatu Senator vnus. *Tribuni vigilum* quinque sunt, vulgò *VVacht-meesters* dicti.

Curatores Regionum *Augustus* creauit: qui cùm Urbem in quattuordecim *Regiones* diuisisset, instituerat vt annui illas Magistratus sortitò tuerentur. duos verò singulis *Curatores* præfecit; qui *Regionum*, quibus præerant, commoda curarent.

Curatores hîc quattuordecem Regionum, in quas vrbs tota cum vicino pomerio diuîsa, videmus; & in singulis Regionibus duos trêsvè è Senatorio ordine, annuosqûe; delectu tamen Senatorio, non sortitò præpositos.

Magistri vicorum, qui & *Vico-magistri*. quattuor per singulos vicos creabantur, vt eos tuerentur.

Duos hîc singulis vicis è populo præpositos habemus. vulgò *Vijck-meesters*. annales sunt.

Scribæ, erant librarij; qui rationes publicas referebant in tabulas, acta qûe & leges perscribebant. fuisse autem hunc ordinem in Republicâ perquam honestum, teste Cicerone, vel ex eo patet, quòd illorum fidei, publicæ tabulæ, decreta qûe Magistratuum committerentur. *Scribæ* multi, vnde factum vt etiam in decurias translati fuerint, *Quæstoriorum*, *Ædilitiorum*, *Prætoriorum*, prout à *Quæstoribus*, *Aedilibus*, *Prætoribus* essent lecti.

Varij hîc *Scribæ*, & ad varia munia translati. *Quæstorius* vnus, *Aedilitius* vnus, *Pupillaris* vnus, *Pacis* vnus, *Pannarius* vnus.

Inter *Scribas*, *Greffarios* & *Secretarios* vrbs numero. Maior tamen horum apud Græcos quàm Romanos dignatio. apud nos etiam multò maxima. Sunt verò in hac Republicâ *Greffarij* quattuor, *Secretarij* quattuor; illis scribæ sex, his duode-

duodecim assignati, quos auguror Scribarum nomine apud Romanos designari.

Curatores operum publicorum, aluei, cloacarum, viarum. Munus horum, curare nequid detrimenti ex his Respublica caperet. Primus *Tarquinius Priscus*, montibus suffossis, pensili non vno loco Vrbe, *Quattuoruiros curandarum viarum* statuit, qui vijs vel muniendis vel sternendis præessent. *Augustus* etiam ordinarium hunc Magistratum fecit, cum antè non nisi extraordinarius esset. additi etiam *Quinqueniri* turribus murisque reficiendis.

Habemus hîc eadem. pro *Quattuoruiris* tamen *Quinquenirisque Duumuiros*, vulgò *Commis & Contrerouleur*. quibus fora, mœnia, vici, pontes, aquæductus, similiaque vrbis loca demandata.

Pensionarij, dignitate Senatoribus proximi. at nouum nomen, nec veteribus notum. auo tamen posteriore video Imperatoribus Iuris-cōsultos adhæsisse. Sanè Vlpianus Romæ Senatores quinque, Equites quinque, in consilium Imperatoribus memorat adhibitos: audio & *Oratores* publicos designatos, ac tamquam perpetuos Imperatoriæ voluntatis *interpretes*. Horum munia *Pensionarij* hîc explent, Senatui à consilijs, perennesque apud Principes, Exterosque, publicæ voluntatis interpretes, ac quasi perpetua quædam memoriæ ac dispositionum in Republicâ scrinia.

Extra

Extra hos, varios in hac Republicâ Senatorij Ordinis inuenio, qui aut varia obeunt in vrbe munia, aut iuri dicendo, non in tribunali de more summi Magistratus, sed in subsellijs confidentes, præfunt. Ex his Senatorij duo, vulgò *Hoofman-
nen-vande Poorterij*, capita nimirum *Equestris Ordinis*. vt non omnino aberrauerit, qui aut *Magistros Equitum*, aut *Tribunos Celerum*, aut *Præfectos Prætorio* dixerit; neque vltima in vtrisque similitudo. sanè par propè dignatio est. licet non ignorem reperiri in omnibus illis plurima, quæ negata nostris. stat tamen etiam nostris sua dignitas: & vt illi *Capita* ac *Præfecti Equitum* ac *Prætorio*, ita nostri *Equestris Ordinis Capita Principesq;* sunt. Senatorijs his, duo Equestris Ordinis iunguntur, par nomen sortiti.

Duo etiam *Pannaria Curia* Senatorij *Curio-
nes, Gul-dekens*: quibus iuncti ex Equestri Ordine duo, *VVardeyns* dicti. Horum munus inquire-
re, denuntiare, ius poscere, lege agere, exsequi quidquid ritè iudicio dictum decretumque fuerit. Iuri verò dicendo præfunt Senatorij duo, delectique à *Senatu* ex *Equestri Ordine*, Seniores sex, *Oudermans*. Fuit cùm omnis horum delectus à Principe, nunc à Senatus voluntate pender.

Quattuor deinde Senatorij *Concordia* præfunt. Vestigium huius non vltimum apud Romanos. in *Concordia* enim templo, quod primus Camil-

lus sedandæ seditioni vouit, ac dedicauit, solitos perpetuæ obliuioni odia sacrare legimus, quod & de templo *Pacis* sub Vespasiano posito accepimus.

Deef-ca-
mer.

Quin & duo qui *Tutelaria Curia* præfunt, *Senatorij* sunt; additur tertius *Equestris Ordinis*, quartus etiam ex aliquo *Artificum Collegio*. hi iudices sunt. Habes apud Romanos, non leuia huius indicia; nam & *Præfectum Tutelarem* sub Antonino Philosopho legimus, & leges de Tutelis varias, *Attiliam*, *Lætoriam*, *Iuliam*, *Titiam*, *Claudiam*.

Præter hos duo *Testimonijs* præfunt. Hi testium dicta audiunt, fidem explorant, vitam, mores, conditionem, animum; siue illi sponte, siue iussi, iurati, iniuratiue, testimonium dixerint. nec leue munus, sed industriæ magnæ, fideique hæc res est. quare *Senatorios* præesse Respublica voluit, de quorum prudentiâ & integritate nemo meritò dubitaret, cùm plurimorum non rarò salus, propositæque causæ euentus faustus infaustusque, à prudenti circumspectaque horum interrogatione pendeat.

Attexam hîc quædam Senatoribus eximia.

I. Nemo in *Senatum* adlegi potest extra *Brabantiam* natus. vetitum à *Ioanne* Duce anno M. CCCXXII. vt arctiore nexu Patriæ insertus, nec externa cogitet extraneo lactatus vbere.

II. Nemo alieno toro natus. statuit *Joannes*
Dux

Dux anno MCCCXXVI. Etiam in parente labes vitanda, ne quis aut à femine virus hauriat, aut de generis frutex arboris, adultero originis fetu maculetur.

III. Nemo adulter. quod si adlecto aduenerit, abdicatione crimen luit, è veteri sanctione. Quod enim scelus damnet, indulgens sibi? aut quâ securi è Republicâ libidinum siluam cædet, quâ excaudicabit, nec quidquam de reciduo fruticare permittet, coniugalis corporis defraudator? quomodo exhibebit linguam famulam in castimoniam Iustitiæ, qui membra sua famula exhibuit immunditiæ? non potest iaculari cum Apostolo iustam sententiam in luxuriæ & libidinis negotia, qui impuro alieno incendio ignes exstinguit suos, qui corpus suum speluncam facit mœchiæ, qui- que aliter quàm nuptijs illo vsus.

IV. Nemo Principi muneris alterius iureiurando obstrictus. voluit *Antonius* Dux anno MCCCCXVI. cùm non rarò intercurrent quæ vtrumque haud patiantur.

V. Nulli patrueles, matrueles nulli, aut de vicinitate sanguinis innexi. Lege cauit *Joannes* Dux anno MCCCCLIV. ne cognatus sanguis, cognatas de ciuium capite sententias eliciat; nec tam facinoris magnitudo, quàm agnationis cæcus impetus trahat in sanguinem.

VI. Nemo qui non annum antè solidum ciui-

tate donatus. sanxit *Ioannes* Dux anno MCCCLIV. quò firmiùs coadulescat vrbi, fertili immissus trunco, cuius opimitati respondeat: ne si externo inferatur nucleo, asper oleaster pro miti oliuâ exoriat, & dum de peregrino fructificat, siluescat in hac areâ.

VII. Nulli è plebe in Senatorium ordinem adleguntur. Iussit *Maximilianus* anno M. CCCC. LXXXVI. Magnum apud Romanos seminarium turbarum, mixtim Senatum legi è Patribus plebeque: nec semel pudicum cum plebe honores communicasse, paresque summis infimos fecisse.

VIII. Nemo auro aditum sibi ad Senatorios faciat honores. *Vencestaus* tulit anno MCCCLV. ac ne prece quidem. quod & sanctissimo interposito iureiurando firmatur à singulis auspiorum die. Nam qui alterius vitæ necisque potestatem pretio parauit, quâ adferre in ferendis sententijs integritatem potest? Aurum qui profudit, aurum sperat; neque enim de nihilo erogatur illud: nam & largitiones plurimùm maiora spectant: aut quisquam facilè frustratorium profudit aurum? Hamus hic est, escaque vilis, in spem maiorum. ne fidite. auro si percutitur, auro vincitur, quicumque viam strauit auro. nec alia manus medebitur huic vulneri, quàm quæ dedit; aurea latam plagam dedit, aurea cicatricem inducet. sic qui proiecit humorem, quo irroratum corpus nesciebat sitim, humore nouo

nouo sitim pellit; nec antè hanc ponit, quàm plus hauriat quàm sparsit; ita appetentior in hauriendo quàm proijciendo natura est. & quam spem dabit incorruptæ mentis, qui à corruptelâ initiû duxit? non vendet qui emit, si spes affulserit lucri maioris? Auida omnis atque adeò inexplebilis plerumque auri sitis est; quantoque plus ingesseris, plus appetet: febris est, nullo restinguenda potu. oleum ignibus iniice, ardebunt magis.

Senatum, *Senatoriosque* sequebantur apud Romanos, *Apparitores*, *Accensi*, *Servi publici*, qui præstò omnibus Magistratibus essent, qui accirent, qui ad ministeria parati.

Quattuor in hac Republicâ primos in hoc numero reperiò, *Corteroeden* dictos: Sex deinde iuratos Reipublicæ *Tabelliones*. Sed & singula Tribunalia ac subsellia, maiora minoraque, suos habent seruos. *Quæstorij* quattuor, *Pacis* vnus, *Pupillarius* vnus, tres *Pannaria Curia*, *Ædilitij* duo sunt.

Tribus tres apud Romanos sub *Romulo* reperiò à tripartitâ populi diuisione, Tribunosque dictos qui *Tribubus* præessent. Singulas deinde in decem *Curias* dispertitas, singulasque *Curias* in *Decurias*, quibus singuli *Decuriones* præessent. Sub *Servio Tullio* urbanas quattuor, rusticas quindecim *Tribus* video; in has verò vniuersam turbam rusticam, in illas urbanum populum coniecit. singulari proinde prærogatiuâ

Vrbana Rusticis antestabant. Mutata post hæc dignatio est, & laudatissimæ habitæ *Rustica*, ingenuorum nimirum, & eorum qui rura possiderent; creueruntque crescente Republicâ, & triginta & vna numeratæ, cùm *Vrbana* libertinorum essent, ac non nisi quattuor.

Alia hîc *Tribuum* ratio. Ibi vniuersus populus Tribubus continebatur, Patres, Equites, Plebs tota. hîc populum vniuersum in tres classes dispartitum inuenio: *Senatores*, *Equites*, vulgò *Poor-ters*, *Corpora* seu Artificum Collegia, *Ambachten*. Et Equites quidem in *Vrbanas Tribus* tredecim, *Rusticam* vnam; illas digniores, hanc minùs laudatam: *Corpora* verò in octo & viginti nobiliora Collegia, quibus suffragio locus est, distributa reperio: quæ qui *Tribus* voluerit, non abnuam. isque quadraginta & vnam *Tribus* in Republicâ statuet, *Equitum* XIII. *Corporum* XXVIII. Propiùs tamen rem attigisse arbitrabor, qui XXVIII. *Corpora*, *Curias* dixerit; nam & qui præsunt *Decuriones*, vulgò *Decanos*, vocant: has verò *Curias* tribus contineri *Tribubus*. *Nautica* prima est, *Mercia* secunda, *Pannaria* siue *Fullonia* tertia; ac prima quidem & tertia nouem *Corpora* tamquam *Curias* nouem, secunda decem amplectitur.

Comitia, trium maximè olim generum. *Curia* à *Curijs* dicta. in his populus per *Curias* diuisus sententiam rogabatur; vt quod plures *Curie*

ria statuissent, id iussum populi diceretur. Erant verò *Curia* triginta, in quas à *Romulo* populus diuisus.

Centuriata à *Centurijs* dicta: in quibus populus per classium centurias distributus, suffragia ferebat; vt quod plures centuriæ censuissent, id demum ratum haberetur. *Servium Tullium* auctorem tradunt, qui Romanum populum pro opum magnitudine in varias diuisit classes: singulasque in centurias, è quibus iuventutem ad bella delegit.

Tributa: in quibus per *Tribus* suffragia ferebantur. colligebantur ea viritim, eaque *Tribus* sententia renuntiabatur, in quam plures consensissent.

Discrimen hîc reperio. neque enim in vnam aliquam certamque Comitiorum naturam transire Rempublicam video. Sunt *Curia*, & *Curia*tim sententiam dicunt si qua res grauior intercesserit, quæ populi sententiam postulet, & quidem viritim in suis singuli *Curijs* suffragium dicunt: eaque *Curia* sententia habetur, quam numerosissima suffragia comprobarunt. quamquam plurimum id quod *Decani* seu *Decuriones* (qui duo in singulas *Curias*) curiatim senserint, *Curia* sententia habeatur.

Centurias non reperio. varias tamen classes hîc habeo, in quas populus relatus. Sunt *Artificum Collegia*,

Collegia, seu Reipublicæ *Corpora*: sunt qui dignitate præstant, vulgò *Poorters*; ego è Romanâ consuetudine, *Equites* dixero; atque hi in tredecim vrbanos *Vicos* discreti, quos qui *Tribus* aut *Classes*, aut *Curias* etiam dixerit, non aberrauerit. Singulis duo *Vico-magistri* præsumt, qui, si quid inciderit rei grauioris, & quod populi sententiam poscat, conuocatis in consilium Regionis seu Vici sui primoribus, mentem suorum explorant, inde in locum consultationibus designatum conueniunt; adsunt Ordinis huius *Principes* quattuor; *Exsenatores* etiam quotquot publico munere funguntur; deliberant de re propositâ. illaque Ordinis huius sententia habetur, quam plures è xxvi. *Vico-magistris*, Principibus vulgò *Hoofmannen*, & *Exsenatoribus*, comprobauerint.

Tribus multas enarraui. verùm suffragia per Tributa viritim Comitia, non nisi rarissima, & in rebus ingentibus. Quidquid enim maxima *Vico-magistrorum* pars, quidquid *Decurionum* seu Decanorum, & singulorum Corporum seniorum, quos *Oudermannos* vocant, senserit; hoc *Tribus* omnes sensisse arbitrantur, manetque hæc, habeturque rata firmaque *Tribunum* sententia.

CAPVT XVI.

*Militaria ciuium Collegia instituta,
hodieq; perseverant.*

PRudenter à maioribus, ne marcesceret otio, arma ciui tradita, arcendo, si quando incurrisset, hosti. quod enim robur adferret, si quis casus posceret, ignaua & illæsa felicitas, quæ nullos antè labores, sudores, pericula sensisset? quem animum pectus voluptatibus lassum, lasciujs fractum, eneruatum luxu? Vis magnum? admoue duris, præbe fortuitis: æstus, frigora, aspera, mollia, læta, tristia, certa & dubia, iuxtà tolerare doce. ille dehinc, vbi callum per hæc duxerit, quamcumque fortunam toto feret corpore, quemcumque hostem lætus excipiet: & si succiderint genua; de illis pugnabit, nec proijciet in acie animam nisi per vulnera. latæ hæ ianuæ sunt ad militarem gloriam. Institutæ ergo in hanc rem Fraternitates, quas *Gildas* vocant: duæ ballistis vtuntur, additumque nomen nouæ & veteris, quibus externus Consul Tribunitiâ quadam militari potestate præest: arcu & sagittis duæ, pari veteris nouæque nominis discretionem, quibus Consul Internus pari quâ prioribus Consulū alter imperat potestate: sclopiis vna; sexta gladijs, sed ingentibus & non nisi utrâque manu vibrandis; singulis

lis his è nobilitate delectus, eo quo superiores iure præsidet: nec discrimen aliud, quàm quòd prioribus annuus, posterioribus perpetuus hic magistratus fiet: illis cum Consulatu imperium abít, his non nisi cum vitâ. Exercent hi se varijs diebus in suo singuli armorum genere, non tam in oblectationem & pompam, quàm Reipublicæ bono, loco à Senatu in hanc rem designato, aut coëmpto; nec defunt victori præmia. & olim etiam oppida inter se de peritiâ certabant, præmio, gloriâ, & remuneratione etiam aliquâ. Munus horum varium. olim Principi in custodiâ, & fida lateri manus; occurrere etiam aduentanti, deducere abeuntem, honorario aut tutelari comitatu, sollemne aliquando, & nunc perstat. Si quid occurrat ab hoste grauius minarum aut bellorum, primi ad arma decurrunt, & intuitissimo ac inualidissimo cuique loco præsidio sunt. & ferè lectissimum ex his ciuium robur, & certa spes victoriæ aut metus. Tenentur supra reliquos ciues, graui obstricti iureiurando, fidei in Deum, pietatis in patriam, parentiæ in Senatum; vt hoc quasi inenodabili vinculo arctiùs se innectant, quàm vt pauore, aut spe lucri, aliena à Republicâ cogitent, dum se sentiunt tam potenti diuini nominis nexu vinculatos. Duo annis singulis singularum Capita deliguntur, quos Decanos vocant. Sed & Rege decorantur, quem nulla inge-

nitæ

nitæ nobilitatis, opum, aut emendicatorum suffragiorum numerus, sed arma statuunt. Qui scopum certius sæpiusque percusserit, Rex esto. magnum hoc nomen proritamentum: & armorum acuit decus, dum singuli æmulâ depugnant laude. Hinc domesticæ natæ exercitationes, quibus vires augent, animos acuunt, peritiam parant. crescitque ab his ludicris & amicâ æmulatione, melior illa, quâ si eundem in hostem turpe putant vinci, dedecus à socio superari. nec res alia magis accendit arma, & victoriam spondet, dum in conspectu sociorum tota res agitur, qui testes & virtutum æmuli, laudatores aut vituperatores apud reliquos manent, famæque in posteritatem ituræ, secundæ aut aduersæ. nec deliguntur in hunc numerum alij quàm ciues, & qui quartum & vicesimum ætatis annum egressi, qui nullâ famâ laborauerint, quos nulla improbitas maculauerit, nullum maiorum crimen dehonestauerit. Trecenti verò in singulas has fraternitates aut contubernia olim adlegi, nunc ducenti possunt. Deliguntur verò ex militaribus triginta duabus ciuium cohortibus. & ferè optimus quisque, nec sexagenario maior. & deligendi ius apud Gildas est.

V O T V M

P R O R E P V B L I C A .

DATITVR de cælo continens: nec illæſæ natant classes; nam & vbi lufere, ſorbentur: alibi maria mortem bibunt, eamdemq; littoribus, montibus, rupibus propinant; immituntq; regnis integris: ipſumq; adeò ſolum ingluvie ſuâ inſatiatum, in ſe ſæuit acriùs, ſui depaſtor; ac tamquam vindice manu, paſcua, pecora, lætaſq; & in primâ luxuriantes ſegetes iuuentâ, aut iam maturas falci, vnâ ſubducit horâ, tot exſpectatam ſolibus ruſticam ſpem ſudoremq; fallens. quin & multorum ſæculorum opera, cælo inuidiam factura, momentum ſternit, æquatq; ſumma inſimis, dum ad humiles deducit arenas ſuperbos pyramidum vertices. Ita ludimus mortales, ludimurq; cælo fabula, ac tamquam datariæ pilæ excutimur in incertum. Quid æterna iaculamur perituri vota? Vno *Tiberij* Principatu duodecim vrbibus proſtrata iacet *Aſia*, ingemitq; depaſto velut vitis palmite: auulſam *Cyprum* *Syriæ*, *Eubæam* *Bœotiæ*, *Leucoſiam* Sirenium promontorio, luget orbis: merſam *Acarnaniam* Ambra-

Ambracio sinu, *Achaiam* Corinthio vidimus; sed & perrupit mare *Leucada*, *Antirrhium*, *Hellefontum*, *Bosphoros* duos. iam *Pyrrham* & *Antissam* circa *Maotim* Pontus abstulit: *Elicem* & *Buram* Corinthius sinus, & adhuc in alto vestigia apparent. nec aliud. Aspice ad *Palestinam*, quā Iordanis amnis finium arbiter; vastitas ingens, & frustrā ager est, & vrbes retrò, & populi frequentes, & sola iam audit. Sed & hactenus *Sodoma* & nulla *Gomorrhā*, & cinis omnia. nam & si quæ ibi arborum poma conantur, oculis tenus, ceterum contactu cinerescunt. *Hierapolim* fanè & *Delon* & *Rhodon* & *Coon* insulas multiscum millibus hominum pessum abijisse scimus: memoratque *Plato* maiorem *Asia* & *Africa* partem Atlantico mari ereptam: & mare Corinthium terræ-motus ebibit: & vis vndarum *Lucaniam Italia* abscissam in *Sicilia* nomen relegauit. Quid, quod ex Insulā *Ceā* triginta amplius passuum millia, abrupta terris, ipsaque adeò se condens terra, *Cybotum* altissimum deuorauit montem cum oppido *Curite*; *Phegiumq;* *Æthiopiæ* celsissimum iugum: tamquam non satis foret, si sola infida grassarentur maria. Nec ab ignibus tuta vbique receptacula. ardet *Aetna*, & tot *Italia* montes, tantoque æuo ignibus materia sufficit, flagratque in *Bactris* *Cophanti* vertex: totque passim dissiliunt superbissimi montes ignis intrinsecus foeti: & cum

diffiliunt, cùm deuorantur, numquam tamen finiuntur. Non *Volsinios*, non *Pompeios* de suo monte perfudit ignis? Iam bellis quid non licuit? non quidquid aut non fraudauit mare, aut non subduxit terra, aut non ambussit textiue cælum, detondit gladius, & crudeli versurâ compensatio facta est? quot Regna Regnis compulsata, quot externo internoque dilaniata ac viduata ferro vidimus? Piget referre hæc tristia, & tot miserandas Prouinciarum recensere vices; ita in vnam rerum naturam tot aduersantia, tot ubique pugnancia enata videntur in interitum; vt non immeritò VOTA hæc voueam DEORVM MAXIMO, auerruncandis malis, adprecandis bonis.

Auerruncatoria Vota.

P*rimum.* Nullo subsidat æuo Respublica: nec obruat redditis quæ alibi hausit hiatus; neque ingluuie se suâ terra exfatiet.

II. Non egestis, vt alibi, molibus infelici iaceat conssepulta puluere.

III. Nulla immortalis diebus noctibusque flamma vexet immerentem.

IV. Nec quod nunc ambit diuitatque flumen, auerso depauperet cursu, aut peculiari inuidiâ naturæ perruptis deuerrat aggeribus.

V. Nulla

V. Nulla infida immani gurgite, aut immiti
numquam satianda sorbeant maria siti, quidquid
hîc opulêto terra protrudit sinu. Parcite ah! num-
quam impositura rapinæ modum? quamdiu mi-
nitabundo luditis vortice? quamdiu blando men-
titoque alludentes repercussu, secura, ô nimiùm
fui, deflatis littora? hîc saltem gradum sistite. ne-
fas hos transilire limites, melioribus Deo sacra-
tos votis.

VI. Nulla impietas *Deum* mereatur censo-
rem: nulla profanitas ignium deposcat imbres, aut
lenta cælo fulmina.

VII. Semel ferrum pauerit: nec vltrà. Otto-
mannicas emedullet terras, quidquid ab Iberâ
manu Gallâve sæuit acrius: satis sit tulisse semel; ac
quidquid olim noxæ, diluisse sanguinum flumi-
ne, nouercali heu nimiùm luxuriante spongiâ.

VIII. Si qua offensa Numinis, auerte qui po-
tes; si qua tamen, intra minora vindex stet *DEI*
manus: patiaturque se vinci *IUSTITIA*, ab æmu-
læ sororis *MISERICORDIÆ* imbelli dexterâ.
non erit inglorium cecidisse hac manu, oliuaque
ferrum domitum. quòd si perstat, vindictâ incen-
trice, det tantùm moram malis properantibus, &
in excidium inimico volutatu, cæco proruenti-
bus impetu, donec thura Deo de penetrali cor-
dis, odoratiora Nabathæo fundat cinnamo; do-
nec Arabicis suauiolentiores spargat lacrymas,
suspi-

suspirioso deductas pectore; donec Daudidis dilutorio cinere, Ezechiae cilicio, Niniuiticâ inediâ, pro faginâ, aridâ iam cute loricata, elimatisque delictis, læsuram abducat à diebus suis: omnisque posteritas hereditariâ religione, cineris horrore, asperitate sacci, recisi pabuli beneficiâ gaudens, fortunatis maiorum vestigijs inhæreat. Felix si melioribus exemplis, castigatione victus & cultus, à primordio homicidam gulam inediæ supplicijs puniat, omnemque lasciuiæ petulantiam, continentiae fræno indutam, temperet in salutem; cunctisque damnationis titulis pœnitentiâ derasis, mundam pectoris domum DEO iam semel pastam, SANCTIORI SPIRITUI paret, quo se ille cum cælestibus donis lubens æternum inserat. Hoc *Voneo*. neque enim si ad delinquendum vlllo vnquam tempore non puduit expandere frontem, pudere debet ad pœnitendum. nec quisquam prudenter subduxit illam in dolorem, pudoris magis memor quàm salutis, qui explicauit in delictum. Sed neque satis habet si corde solo & animo suspiriatur Deus, admouenda manus operi, exhibendum pretium est, si ad mercedem manum emittimus. olim Propheta Regius cineri incubat; oculos concupiscentiâ sordidatos, lacrymis tamquam flumine purgat; carnem illecebris irretitam, sacco domat; ingemiscentem, plangentem, mugientem ad Deum suum, dies insomnesque

nesque sentiunt noctes. non poeniteat sequi, si imitari labentem lubuit. Misera erubescencia est, quæ occultatione auctorem perimit. Infelix verecundia, quæ ausa temerare mandatum, veretur integrare. Fatua benignitas, quæ inualetudinem passa, refugit medicinam; & medentium conscientiam vitat. Aut ergo pudoris sistat causam DEVS, vetetque delictum; aut si quando peccatum, faciles ad preces aures porrigat; ut dum prodactæ saluti reformiatur, dum pro delinquentiâ supplicat, numquam Iudicis, semper Patris sentiat manum.

Apprecatoria Vota.

P*rimum ab exemplo rara felicitatis.* Vna *Phere-nice*, filia, soror, mater Olympionicarum fuit. Vna *Curionum* familia, in quâ tres continuâ serie Oratores, pater, filius, nepos. Vna *Fabiorum*, in quâ continui tres Principes Senatus. Vna sit Antuerpia, cuius fortunatissimo exordio, media, finisque respondeat.

II. *à constanti perennitate.* Oliuæ, lauro, palmæ, myrtho, cupresso, ederæ, rhododendro folia tradunt non decidere; circa *Memphim Ægypti* nulli arbori, ne vitibus quidem. At ego in æternâ virtutum omnium fronde Rempublicam meliore *Voto Voneo.*

III. *à fecunditate soli.* In *Africa* medijs arenis, ciuitas magna, *Tacape* vocant: palmæ ibi prægrandi subditur olea, huic ficus, fico punica, illi vitis: sub vite feritur frumentum, mox legumen, deinde olus, omnia eodem anno, omniaque alienâ aluntur umbrâ. super omnia tamen est, biferam vitem bis anno vindemiari: & nisi multiplici partu exinaniatur vbertas, perierint luxuriâ singuli fructus. nunc verò toto anno metitur aliquid. In propinquis *Campiniæ* tesquis, ciuitatem hanc magnam sempiternam *Voueo.* fertili hîc piro subdatur malus, huic prunus, pruno cerasus, illi corylus, sub corylo frumentum, mox legumina, deinde olus, omnia eodem anno; ac super omnia

*Mella fluant illi, ferat & rubus asper amomum, &
Sponte suâ sandyx pascentes uestiat agnos.
Ipsa lacte domum referant distentia capella
Vbera.*

bisque veniat omnis ad mulctram vitula,
—— *binos alat ubere fetus.*

Et dura quercus desudent roscida mella:
verboque vno, —— *omnis ferat omnia tellus.*

sed & in iisdem agris rusticam videam sobolem laniciam depectentem canitiem, vnde lætus post virginibus duplex labor, redordiendi rursusque texendi fila, tam multiplici quàm grato opere.

IV. *à pro-*

IV. à *prodigijs*. Vitem & malum punicam stirpe fructum tulisse, non palmite & ramis; oliuam in totum ambustam reuixisse; populum albam in nigram transisse; ficum in lauro natam memorant veteres. Ego *Rempublicam* non palmite modò & ramis, rarè nimirum sparsis ciuibus, sed trunco toto solidos virtutum fructus protrudere *Voueo*: ambustamque temporum malignitate, tamquam pestilenti aëre, feliciore vitâ resurgere; albamque ætate, & quadam canitie niueam, in robustiorem iuuentam transire: demum in perenni laureo virore fructus proferre, non inani foliorum florumque virore, aut odore, sed centuplicato fructuum fenore, vsurariâ prodigiosaque fecunditate.

V. ex *voto L. Metelli* II. *Cos. Dictatoris, votum meum*. Voluisse illum tradunt I. primum bellatorem esse. II. Oratorem optimum. III. fortissimum Imperatorem. IV. auspicio suo res maximas geri. V. maximo honore uti. VI. summâ sapientiâ esse. VII. summum Senatorem haberi. VIII. pecuniam magnam bono modo inuenire. IX. multos liberos relinquere. X. clarissimum in ciuitatē esse. Hæc contigisse illi, nec vlli alteri, post Vrbem conditam, narrant historici. Paria ego vrbi vestræ. I. bellatricem maximam esse. II. doctissimam esse & haberi. III. fortissimè imperare. IV. auspicio illius summas

X x 2

mas res geri. v. maximis honoribus vti. vi. sum-
mâ sapientiâ præesse. vii. nobilissimam Rem-
publicam censerî. viii. pecuniam maximam
bono modo inuenire. ix. optimis ciuibus re-
pleri. x. clarissimam inter Europæas vrbes nu-
merari.

VI. *Votum ex eâdem domo.* Rarum inter hu-
manas felicitates exemplum *Q. Metellus* L. F.
nam præter honores amplissimos cognomenque
è Macedoniâ, à quattuor filijs illatus rogo est: Præ-
tore vno, Consularibus tribus, duobus Trium-
phalibus, Censorio vno. *Reipublicæ* ex hoc *Voto*
Voueo, vt præter honores amplissimos nomenque
MAGNÆ, quattuor summis virtutibus inferatur
æternitati: *Moderatione* in suos, *Fortitudine* in ho-
stes, *Pietate* in Deum, *Prudentiâ* in omnes. Ita
Voueo. firmetque hæc *Vota Deus* æterno nutu.

VII. *Votum à maiorum Religione.* vt infracta
fides maneat, quam accepimus à *Materno*, an-
no CL. à *Nauito*, *Marcello*, *Metropolo*, *Senerino*,
Florentio, *Valentino*, à *Seruatio*, anno CCCXLVI. à
Gaugerico, anno IDXXX. à *Candido*, à *Domitiano*,
anno IDXL. à *Monulpho*, anno IDLXX. à *Godulpho*,
à *Perpetuo*, ab *Huberto*, ab *Amanno*, anno IDCXL.
à *Fredigando* & *Foilliano*, anno IDCL. ab *Eligio*, an-
no IDCLX. à *VVillibrordo*, anno IDCXC. magnis *Tun-*
grorum, *Traiectensium*, *Aduaticorum*, *Ambinari-*
torum, *Gallorum*, *Belgarumq;* Apostolis. Hos ha-
bemus

bemus fidei quam tuemur auctores. qui nec ipsi quidquam ex suo arbitrio quod inducerent elegerunt; sed acceptum ab *Apostolis*, Apostolicisque viris, *Belgis* omnibus fideliter assignarunt, quaque fide acceperant, certa, tuta, tradiderunt. Nihil hîc seductionis: nulla transfiguratio in Angelum lucis: nulla doctrina prurientibus auribus nata à prudentiâ sæculi, à curiositate vanâ, à carnis stimulo, quæ temeraria semper interpret est diuinæ dispositionis.

Et quis integræ mentis credat errasse hos omnes, & in tam concordî sæculorum sensu errasse tamen, & errasse in re salutis, tanto fuso sanguine nobiles, aut vitæ morumque integritate, aut variâ litteraturâ, aut prophetiæ spiritu & sanctimoniâ magnos? aut credam Deum patrocinarum mendacio, qui tam ingentibus mundum traxerit in errorem, & tot sæculorum errorem? Credam errasse in re salutis, & æternitatis omnes? credam *Ignatium, Polycarpum, Dionysium, Iustinum, Cyrillum, Gregorios, Nicenum & Nazianzenum, Athanasium, Basilium, Chrysostomum, Ephrem, Epiphanium, Theodoretum, Damascenum*, vtrumque *Clementem, Cyprianum, Hilarium, Damasum, Ambrosium, Augustinum, Hieronymum, Paullinum, Isidorum, Prosserum, Fulgentium, Prudentium, Leonem Romanum, Saluianum, Sidonium, Fortunatum, Anselmum, Bedam*, & tot magna

cælo terraquæ nomina? At illi iuxtà cum illis nostris, & nobiscum senserunt omnes. cum his conspirat doctrina nostra; horum verò cum Apostolicis Ecclesijs originalibus fidei, cum Apostolis ipsis, à quibus aut ipsi acceperunt, aut ab horum successoribus indiuiduis, cum illis in comitatu, in disciplinatu socijs. Nostra ergo quam profitemur doctrina, de Apostolicâ traditione censenda: reliqua omnis de mendacio præiudicanda est. aut si hæc non de mendacio, ad originem fidem suam deducant, ostendant antecessores suos; vnum nimirum ante Lutherum qui eadem quæ Lutherus & eadem omnia, vnum ante Caluinum qui eadem cum Caluino omnia, vnum ante Mennonem qui eadem cum illo omnia senserit, docuerit. neque mihi à Luthero, Caluino, Mennone, saliant in Apostolos. non est hîc saltus diuinæ in humanum genus prouidentia; non est sponsionis diuinæ, promittentis Petri fidem non lapsuram, Ecclesiam semel sibi sanguine sponsatam non destituendam: quindecim proinde sæculis ostendant vnum, vnum qui per omnia eadem, cum Luthero, Caluino, Mennone senserit. Vbi tot ætatum doctrinæ horum fideique Episcopi, ab Apostolico æuo per successiones in Lutherum, Caluinum, Mennonem decurrentes, à quibus Lutheri, Caluini, Mennonis maiores in eadem cum illis fide contesserantes, aut ipsi aliquando
Luthe-

Lutherus, Caluinus, Menno, in Euangelij propagationem missi? Ostendant mihi tot sæculis Apostolicæ doctrinæ in nouitate doctrinæ suæ traduces, quibusque riuulis fons ille in Lutheri, Caluini, Mennonisve fluxerit pascua. Nos in omnibus orbe toto Ecclesijs, continuâ successionem, in Apostolicos viros, in Apostolos, in Christum ipsum excurrimus. hi fontes, limites, origines, hæc possessio nostra, ab ijs accepta quorum fuit res. heredes sumus horum, illi Apostolorum. sicut illi testamento cauerunt, sanguine non pauci signarunt, morte omnes firmarunt, ita tenemus.

Scripturas obtendunt, ad eas prouocant: quâ audaciâ non paucos mouent, plurimos fatigant, infirmos capiunt, quosdam cum scrupulo dimittunt. Verum à quo sensum hauriunt Scripturarum? Clara est, aiunt, tenebræ hic nullæ: solem nimirum quærimus in meridie. Hunc solem quindécimne sæculorum viderunt Patres? viderunt fidei apud Belgas parentes primi? viderunt mille, & qui excurrunt, annis, maiores nostri? an tot ætatibus Ægyptia nox, & in salutis negotio tam densa Pharaonia nox, vt diem quærerent in meridie, aut solem sole medio? aut tot sæculorum viri magni commigrarunt in oculos cæci nati, & commigrarunt omnes? Iam si Scriptura, suâ claret luce, nec alieno eget sole aut sidere, quid dissentiuñt opinionibus Lutherus, Caluinus, Menno?

quid

quid in tantâ luce alium singuli vident solem, Scripturæ nimirum sensum alium? quid procurunt in tantam opinionum inuicem pugnantium, interimentium, varietatem? Quid Doctõribus compulsi pulpitâ, quid Academiâs magistris replent? Si clarent omnia, si sol in Scripturis in meridie est, quid opus Doctõre? nemo in meridie solem quærit, ut opus sit commonstratore. nemo magistro eget à quo discat solem esse, lucere in meridie. Et sanè omnium, qui vsquam vllâ ætate fuerunt, vno sensu, abditus sacrarum Scripturarum sensus, recondita mens est. quis eruet sensum verum? si quindecim sæculorum in vnum sensum conspiratio non satis est ad veritatem retegendam, quæ ætas sufficiet? aut quid de veritate censebitur, si tot sæculorum sensus vnus, de mendacio præiudicandus est? denique quid verum, quod de arbitrio quisque suo, an quod de tot ætatum sensu tenemus? nam si non de arbitrio quisque suo, de cuius Lutherus, Caluinus, Menno Scripturarum pugnantem expositionem suxerunt? quis enim ignorat in vnâ non rarò Republicâ tot varietates sententiarum, tot palæstras opinionum, tot quæstionum ex pugnantibus propagines, tot tamquæ dubias in summis fidei capitibus implicationes, natas non ex alio, quàm ex cuiusque arbitrato? ut etiam in vnâ non infrequenter familiâ, tot propè opinio-

nionum quot capitum discrimina reperias, dum singuli è suo sensu Scripturæ sensum eliciunt; & ex arbitrariâ mentis suæ curiositate, feminæ iuxta virique, de germano illius sensu digladiantur, gloriam de hoc curiositatis suæ studio venantes. Cedat curiositas veritati, cedat gloriola salutis: certè aut non obstrepat, aut quiescat aduersus tot ætatum exercitum, tot sæculorum sensum vnum. Hunc sensum æternum *Vobis, Reipublica*q; vestræ *Voueo*: hunc candidum purumque, nullo postumo infuscatum flatu, nullo nouitio nidore deuenustatum. Nam hæc nupera, dormientibus tunc plurimis in simplicitate doctrine, à Lutherò, agro Dominico superfeminata, à Caluino & Mennone fota, quis de Veritate arbitrabitur? audiamus Tertullianum: *Posteritatem*, ait, *mendacitati deputan-* De præ-
scr. adu.
hæret.
dam ex illius parabola patrocínio, quæ bonum semen
frumenti à Domino seminatum primò constituit, auen-
arum autem sterilis feni adulterium ab inimico dia-
bolo postea superducit: ita ex ipso ordine manifestatur
id esse Dominicum & verum, quod sit prius tradi-
tum; id autem extraneum & falsum, quod sit poste-
rius immissum. Ea sententia manebit aduersus poste-
riores quasq; hæreses, quibus nulla constantia de con-
scientiâ competit ad defendendam sibi veritatem. Ce-
terum si quæ audent interficere se etati Apostolorum,
edant origines Ecclesiarum suarum, euoluant ordi-
nem Episcoporum suorum, ita per successionem ab ori-

Y ygine

gine decurrentem, ut primus ille Episcopus aliquem ex Apostolis vel Apostolicis viris, qui tum cum Apostolis perseverauerint, habuerit auctorem, & antecessorem. hoc enim modo Ecclesia Apostolica census suos deferunt. Eleganter Tertullianus. Videamus nunc, quæ prior, quæ posterior apud Belgas fides: Romana; an Luthero, Caluino, Mennone nata. Intueamur parentes fidei doctrinæque nostræ primos: *Maternum, Servatium, Gaugericum, Hubertum, Amandum, Fredigandum, Eligium, Villibrordum, Vedaustum, Audomarum, Piatonem, Florebertum, Vrsmarum, Bertulphum, Maurontum, Bertinum, Banonem, Lauinum, Rumoldum*, reliquosque longâ serie. Nemo inter hos Lutheranus, Caluinista, Mennonista nemo, omnes veteris Romanæque fidei fortes assertores, propugnatores validi. plerique monasticam professi, omnes sacris nostris initiati. ab his quam profitemur fidem hausimus, nullo degenerem gradu. Nec quisquam tam duri oris & frontis est, tam mentis & rationis excors, qui aut illos cum Luthero, Caluino, Mennone sensisse, aut aliud à nobis sensisse audeat affirmare. Hos ergo cum habeamus nostros, fideique quam profitemur apud Belgas auctores primos, quid de veritate ambigamus? quid de Apostolico censu dubitemus? quid denique de Scripturarum genuino germanoque sensu hereamus incerti? Hæc Tertulliani Regula est,
contra

contra quam nulla ingeniosa hostilitas, nulla subdola vafrities quidquam possit. I. *Nostra prior est: & his seminatoribus latè semen bonum sparsum Belgico infeminatum est agro; nostra ergo Dominica & vera est.* II. *Lutheri, Caluini, & Mennonis posterior est, priori superfeminata; Lutheri ergo, Caluini, & Mennonis extranea, & falsa est:* Tertulliano teste. De nostrâ illud dici potest, à tot antè recensitis, sanctitate morum, integritate vitæ inculpatæ, eruditione magnis, vt & Galliæ vniuersæ, Angliæ, Germaniæ, ab *Arcopagitâ, Valerio, Martiali, Jrenao, Frontone, Trophimo, Mansueto, Felice, Nicasio, Rufo, Eucherio, Lupo, Remigio, Hilario, Martino, Germano, Iosepho, Augustino, Mellito, Iusto, Laurentio, Columbano, Patritio, Eucharico, Bonifacio, VVilbaldo, Burchardo, Adelberto, Othomaro*, alijsque innumeris: *Si quis vobis euangelizauerit, prater id* Gal. 1. *quod accepistis, anathema sit.* anathema ergo Lutheri, Caluino, Mennoni, qui aliud ab illis euangelizauerunt Belgis, Gallis vniuersis, Anglis, Germanis. Denique credamus Paulli voce à primis fidei nostræ parentibus nos compellari: *Et licet* Ibid. *nos, aut Angelus de calo euangelizet vobis, praterquâ quod euangelizauimus vobis, anathema sit.* anathema ergo Lutheri, Caluino, Mennoni, qui diuersum à parentum nostrorum euangelicâ denuntiatione, denuntiauerunt & euangelizauerunt nobis. Addam è Tertulliani verbis: *Edant* Lutherus,

Calvinus, Menno *origines Ecclesiarum suarum; evolvant ordinem Episcoporum suorum, ita per successionem ab origine decurrentem, ut primus ille Episcopus aliquem ex Apostolis, vel Apostolicis viris, habuerit auctorem & antecessorem.* nam qui ante Lutherum, Calvinum, Mennonem Episcopi Lutheranam, Calvinianam, Mennonianam fidem professi sunt? ubi est successio Episcoporum illorum ab Apostolis Apostolicisque decurrens viris? recenseant suos; edant Luthero, Caluino, Mennone Episcopos priores, qui eadem per omnia quæ illi senserunt, docuerunt. Quod si non possunt, confiteantur se non esse Apostolicos; doctrinamque quam tradunt non esse Apostolicam; Scripturarumque sacrarum quem denuntiant sensum non esse Apostolicum. At contrà nostra omnia Apostolica esse, fidem, doctrinam, Scripturarum sensum; qui & Ecclesiarum nostrarum origines damus, & Episcoporum ordinem per successionem ab origine decurrentem, ita ut primus Episcopus ex Apostolis Apostolicisque viris habuerit auctorem & antecessorem; ac in eadem doctrinæ fideique regulâ, in eodem sacrarum Scripturarum sensu, iam inde ab origine fidei nostræ. Hanc fidem æternam Vobis, & Reipublicæ vestræ VOVEO.

AVDI VOTA DEVS.

APPRO-

APPROBATIO.

R *Euereudi Patris Caroli ScribanI, Societatis
IESV Theologi, ANTVERPIA & ANT-
VERPIENSIVM ORIGINES, prudenti ingenio
concinnata, nihil habent, quod aut Religioni, aut
cuiuspiam honori deroget; quin multis, quales esse de-
beant, insinuent. Merito igitur in publicum prodi-
bunt. Quod testor X IV. Nouembris, M. DC. IX.*

Egbertus Spitholdius S. T. L. Cano-
nicus & Plebanus Antuerpiensis,
librorum Censor.

SVMMA PRIVILEGII.

ALBERTI & ISABELLÆ CLARÆ EV-
GENIÆ, Archiducum Austria, Ducum
Burgundia, Brabantia, &c. Serenissimorum Bel-
gica Principum, Privilegio cautum est, nequis Caroli
ScribanIè Societate IESV Antuerpiam, & Ori-
gines eius, præter voluntatem Ioannis Moreti Ty-
pographi Antuerpiensis excudat, aut alibi excusas in
Inferioris Germania ditiones importet, venalesve
habeat. Qui secùs fecerit, confiscatione librorum, &
aliã gravi pœnã mulèabitur, Uti latius patet in lit-
teris datis Bruxella, XVI. Nouembris, M. D C. IX.

Signat.

I. Fourdin.





